

ANIMADVERSIONES
PHILOLOGICAE.





PAVLLI M. PACIAVDI C. R.


HISTORICI ORD. HIÉROSOL. REGIAEQVE ACADEMIAR
PARISIEN. INSCRIP. ET NVM. LIT. SODALIS

AD NVMMOS CONSVLARES

IIIVIRI MARCI ANTONII

ANIMADVERSIONES
PHILOLOGICAE

ACCREDIT EXPLICATIO
TABVLAE PELOPONNENSIS.



ROMAE CIOICCLVII.

EXCVDEBANT FRATRES PALEARINI

PVBLICA AVCTORITATE.

a Spanhemio ¹, Fröelichio ², Bartolo ³, Meibomio ⁴, Oliva ⁵, Adissonio ⁶, Cupero ⁷, Sponio ⁸, Lacharryo ⁹, Loëschero ¹⁰, Gravinilleo ¹¹, Zeibichio ¹², atque a nobis ipsis ¹³ alias ἀποδείξεις dicta, prolataque sunt; optime de liberalibus studiis promereri mihi videntur, qui nummos rariores, aut vere anecdotos, quos illis propitia fors obtulit, cum aliis communicant, & eruditorum oculis obijciunt, ut quicquid luminis in litteras exinde redundat, liberrime fruantur. Horum in numero te esse habendum, RONCALLE ORNATISSIME, omnes facile consentient, ad quos vulgatum a te nuper opus pervenerit, quique deprehendent, te primum post unum Goltzium ¹⁴ omnino singularem, & pere-

¹ De usu, & praeslant. Numism.

² *Utilitas rei nummariae compendio proposita*. Viennae 1733; Iterum 1737. in libro, *Tentamina quatuor* &c.

³ *Dissertazioni due di Giuseppe Bartoli* &c. Verona 1745.

⁴ De usu vet. numm. in illustranda historia Imperator. Rom. Helmst. 1684.

⁵ De veter. nummor. cognitione cum historia conjungenda. Venet. 1715.

⁶ *Dialogi de usu nummor. in explanatione Poetarum*, Anglice.

⁷ *Dissertatio ad calcem Apotheosis Homeri: Utilitas, quam ex numismatis Principes capere possunt*. Amstelodami 1683.

⁸ De l'usage des medailles dans la Philonomie des Césars. *Recherches d'antiquit.* A Lion 1683. Iterum edidit adjectis figuris Michael Heusinger ad calcem *Casus Juliani*, Gotbae 1736.

⁹ Aegidii Lacatry oratio, qua antiquorum numismatum intelligentia interpreti sacrae Scripturae necessaria ostenditur. *Claramontii* 1671. in fine operis, *Historia Rom. per numismata*, & marmora testata, & illustrata &c.

¹⁰ Ernesti Loeschéri schediasma de usu vet. numism. in *Theologia*. Jenae 1694.

¹¹ Sur l'usage, que on peut faire des medailles par raport a la religion. *Mémoires de Trepoux*. Aouss 1715.

¹² M. Gottlob Ernest Zeibichii Ob-

servationes sacrae ex nummis. *Vitembergae* 1745. Quibus adde, si lubet, libros Joh. Caroli Albharti, de quaestione, majorne sit inscriptionum, an veterum nummorum usus in re litteraria, contra Marquardum Gudium inscriptiones praeferebant. *Vittember.* 1694. Spiridionis Poupartii *Reflexions sur la science des Medailles*. à Paris 1705. Balthassaris Adolphi de Steinvvehr de usu numismatum in *historia Germaniae antiqua*. Efurti ad Viadrum 1742.

¹³ Plura etiam nos ipsi de rei nummariae utilitate praefati sumus, quum librum ederemus: *Osservazioni sopra alcune singolari, e strane Medaglie*. Napoli 1748.

¹⁴ Hubertus Goltzius, in *historia Imp. ex antiquis numismatis restituta*. Brugis Flandrorum 1563. edidit omnium primus nummum Antonii cum nota L.E.G. XXX. Verum, vel quia ille falsos, & novitios nummos veris, & antiquis quandoque permiscuit, ac copulavit; vel quia nullus alius hoc typo expressus in eruditorum manus adhuc incidere, Goltzianus certe ab antiquariis minimi habitus est: quare Siebertus Havercampus in recensione Thesauri Morelliani Amstelod. 1734. ad nummos suspectae fidei illum rejecit; quamvis deinde Matthias Gesnerus in collectione nummorum, Tiguri 1738. nullo discrimine cum genuinis con-

peregrinum Familiae ANTONIAE nummum, cum nota LEG. XXX. in apricum extulisse, novique hujus cimelii cognitionem litteratorum hominum reliquisse iudicio. Cui tuae in litteris juvenilis, provehendisque egregiae voluntati non possum ego ultro non morigerari; & quoniam me pluries per humanissimas epistolas compellasti, quis de praestanti hoc nummo meus esset sensus, aliquantulum otii tandem nactus, palam, ac candide aperiam, fidemque, quam tibi jamdudum oppigneraveram, hac mea *ἐπιπράξει* liberabo. Ad eam autem perscribendam, gravioribus sepositis studiis, & tempus, & cogitationes libenter traducam, quod ad liberalissimam quamdam, honestamque animi remissionem hoc litterarum genere tantum oblecter, quantum nescio, an ulla res alia sit, quae mihi plus afferat jucunditatis. Neque tamen his litteris percipiendis, excolendisque, quum sumus necessariis negotiis, curisque vacui operam daremus, si ex hujusmodi studiis sola voluptas peteretur, nullus autem ostenderetur fructus, nec aditus aliquis pateret ad verum inveniendum. Sed insunt revera in eo, in quo versamur, argumento humanissima invitamenta, quibus utilitas praetendatur, adeoque ad illud diligentius explicandum permoveamur. Nam quis est, qui quum aliquod ANTONII monumentum sibi interpretandum proponi videat, statim non animadvertat, latissimum pandi campum, in quo plurimum vagari, & exultare queat oratio, varietatemque rerum Romanarum hinc evolvi, distinguere, explanari posse non intelligat? Quum enim Antonius animum induxisset, sibi licere quaecumque vellet, sic publicam rem simulatione, gratia, eloquentia, artificii, dolis, audacia, vi, armis, fortuna, turbavit, oppressit, obtinuit, ut quemadmodum Helena Trojanis, sic ille Reip. causa pestis, causa exitii fuerit¹. Atqui furentes, ac horribiles ejusmodi violentiae impetus tam varios tulerunt casus, & eventus, ut quae de Antonio ab historicis passim traduntur, nisi nummos in consilium adhibeas, non incredibilia modo, sed minime

confociarit. Nemo tamen scriptorum, qui nummum sprexit, repudiavitque, illum prae oculis habuerat, ac nescio an sola monumenti novitas posset eisdem omnem derogare fidem. Qui nunc prodit, denarius, Goltzium fortasse

suspicionem magna ex parte absolvit. Legiones xxx. ad nummorum fidem etiam Mediolanensis enumerat, in *Anton. Mediolani* 1730.

¹ Cicero *Philippica* II. edit. Olivet.

nime inter se se cohaerere putentur. Plura fortasse in tui nummi explicatione a me componi, conciliarique posse confido; atque illud imprimis curabo, ut aliquid certi constitui possit de Antonianis Legionibus, nonnullisque aliis hujus viri expeditionibus, ac gestis, quae nummus subindicat: quae sane omnia ambigue, & obscure, aut saltem inconstanter litteris prodita sunt. Quo fiet, ut in hac historiae parte pertractanda, atque in antiquarum rerum recordatione, non sola voluptas, sed utilitas etiam a nobis anquiratur. Novi equidem ex datis ad te a Clarissimis Froëlichio, & Planco epistolis¹, Areostum Vindobonae, & Stoskium Florentiae nummos tuo plane assimiles, iisdemque prorsus numeralibus notis obsignatos fuisse adeptos, & illos pro sinceris, & germanissimis habere. Quumque probe teneam, eruditorum illud par in his monumentis dignoscendis, dijudicandisque ingenio, doctrina, usuque assiduo multum valere, injuriam procul dubio viris scientissimis facerem, si de illorum judicio addubitarem. Utrisque potius de re nummaria, cujus studio, & amore tenentur, gratificari me posse reor, dum, te petente, praestantissimum horumce numismatum typum declarare aggredior. Quod si ego diversis officiis, curisque dissentus, serius tuis litteris respondeo, quam aut tua humanitas, aut mea propensio videbatur postulare, silentii diuturnitatem diligentia, copiaque rerum compensabo. Satisque idonea occasione oblata, ex his, quae a me sciscitaris, nonnullas hallucinationes, perversaque judicia, quae in numismatis aestimandis, interpretandisque viris cetera doctis obrepere, sic adnectam, ut sint priorum animadversionum quasi quaedam consecraria. Tandem epistolam paullo liberius excurrere, & a nummis ad insignis cujusdam anaglyphi medici explicationem delabi permittam, ut quoniam nullum officii genus, quod ad meam utilitatem, commoditatemque spectaret, est a te praetermissum, singularem hanc tuam benevolentiam, liberalitatemque mutuo studio remunerer. Nullam autem tibi a me offerri posse existimavi acceptiorem *arridore*, quam si aliquod monumentum in lucem educerem, quo propalam commendetur nobilissima ars illa e coelo delapsa, & Deorum immortalium inventioni consecrata², ad quam

¹ *Epistolae ad Roncallum Volum. 1. pag. 274. 275. Briniae 1755.*

² *Cicero Tusculan. quaest. 111.*

quam exercendam tu natalibus clarus, publicaue utilitate permotus, animum adjecisti; ac in ea sic semper es versatus, ut cum Medicinae facultate ceteras elegantiores artes felici nexu copulaveris, quemadmodum Aesclepiadi Bythinio summa cum laude contigisse a Tullio accepimus¹. Porro monumentum ad id, quod quaerebam, aptissimum Venetiis ante paucos annos ἀγαθὴ τύχη² eram consequutus, ac quandoquidem non is ego sum, qui tibi Archiatro, juxta ac philologo auream coronam, aut statuum juxta Aesculapii signum, aut alios publicos honores decernam, quos Hippocrati ab Atheniensibus³, Antonio Musae a Romanis⁴, aliisque illustribus medicis a Smyrnaeis⁵, atque a Lampfacenis⁶ decretos legimus, saltem hujus toreumatis interpretationem, hocque litterarium munusculum tibi inscriptum, dicatumque volui μνίας χάρις. Sed jam de re dicere incipiamus.

B

SE-

1 Cicero de Oratore I. Graecam excellentis hujus Medici, ac philosophi iconem brevi, sed eruditissima diatriba illustravit Blasius Cariophylus *Dissertat. Miscellanear. part. 1. num. vi. Romae 1718*. Atque illud hoc loco observare juverit, Patino praecunte (*In Antiq. Cenotaphium Smyrna advectum Patavii 1684.*) et Aesclepiades, fuisse magnificum quodam nomen, & ἱερόν, quod honoris causa medicis praestantioribus addebatur. Plures Aesclepiades, qui medicinam laudabiliter, fortunateque sagittarunt, enumerat Sponius (*Recherches Curieuses d'antiquité. Dissertat. Vint-septième a Lion 1683.*) Clericus in eximla sua Medicinae historia undecim recenset. (*Seconde partie liv. 111. chap. x. divers medecins du nom d'Aesclepiade a F Haze 1729.*) Huic elencho tres adjicio Aesclepiades, scilicet Marcum Aratorium, cujus monumentum explicavit Patinus, (*loc. cit.*); alterum, cu-

jus meminit Graeca inscriptio Musei Tusculani amplissimi, longeque doctissimi Cardinalis PASSIONEI, ter jam typis excusa, in litterarlis Ephemerid. Romanis Palearini *An. 1748. Aprile art. xv.*, in novo Thesauro Muratorii, *tom. II. class. x. pag. DCXCVI. v.*, & in Anthologia Cl. Francisci Bonadae: *Carmina ex antiquis lapidibus tom. 1. class. v. pag. 429. Romae 1751.* demum Aesclepiadem Cyprium historicum, & Medicum, de quo Johannes Freind in *historia Medicinae ad annum 300. Parisiis 1735.*

2 Clericus l. c. *livre 11. chap. xxxi.*

3 Suetonius in Augusto *cap. LVIII. edition.*

4 Praeter libellum Patini mox indicatum, confer alterum celeberrimi Richardi Mead, *De nummis a Smyrnaeis in Medicorum honorem percussis. Londini 1725.*

5 Spon. ubi supra *pag. 448.*

SECTIO SECVNDA:

Nummū Antonii adulterini, aut ex impuro metallo. Locus Plinii eo pertinens. Pseudonummis dignoscendis plurima accuratio adhibenda. De nota numerali nostro affixa. Pugnatum olim a Romanis exiguō numero Legionum. TRICESIMAE laudes ex marmoribus litteratis. VLPia cur, & quādiu dicta. An etiam TRAJANA nuncupata.

PRincipio quidem illud tamquam certissimum mihi persuadeo, nummum esse genuinum, vereque in publica officina olim percussum, non a veteratore aliquo τῷ παραχαράτῃ, qui pecuniam sitiret, & antiquariis fucum facere veller, viriculo corruptum, & adulteratum: memini enim vidisse me argenteum denarium, cui impressa nota, LEG. XXXI., sed non adeo scienter, ac concinniter caelata, ut calidissimi artificis vafrities posset harum rerum peritos in fraudem inducere: nullusque dubito, te in hisce studiis diu versatum, ea omnia periclitatum fuisse, quibus moneta adulterina a sinceris, optimaque notae nummis internosci consuevit. Quae quidem diligens, prudensque animadversio, si ubique adhibenda, laudandaque est, quum de M. Antonii pecunia agitur, omnino mihi videri solet pernecessaria. Testatur siquidem Plinius¹, hunc Illvrum denario aliquid miscuisse falsae monetae; & quamvis plerique arbitrentur, Plinii locum esse intelligendum de nummis Alexandriae percussis, jugata capita Antonii, & Cleopatrae referentibus, nihilominus hanc metallorum mixtionem, facto periculo, in nonnullis argenteis Consularibus similiter deprehendi. Si itaque pecuniae flandae, feriundae metallo est ille usus impuro, facilius ad illius similitudinem, nummi adulterini hac nostra aetate procudi, signarique poterunt. Injurius profecto sim, si tibi in mentem revocem praecepta multo aptissima, quae luculenter, cumulateque tradiderunt Rinkius², Vangelselius³, Jobertus, &

Bi-

¹ *Hist. Nat. lib. xxxiii. cap. XLVI. edit. 11. Parisien.* Harduini, qui ex Codice Bibl. Regiae pro miscuit restitutum putavit miscetur; sed rei perspicuae tenebras disputando offundit.

² *De veteris numismatis potentia, & qualitate c. xvi. Lipsiae, & Francofurti 1701.*

³ *De Re Monetali veter. cap. xxiv. & xxv. Altorfi 1723.*

Bimardius¹, Bavueusque² ad pseudonummos dignoscendos. Antonianum hunc tuum oculata, ita dixerim, manu te iterum, iterumque contrectasse autumo, metalli pertentasse pondus, figurarum, litterarumque formas cum genuinis contulisse, nummi oram leviter scabere haud esse oblitum, & num aliqua in characteribus, lineamentisve esset obliquitas, aut scabrities, sedulo perpensis. Verum etsi nulla ex monetæ fabrica falsitatis suspicio perferretur, erit fortasse, qui hæsitans, ac dubius animi pendeat, inspecto legionis TRICESIMÆ numero. Rem paullo altius dispiciamus.

Non sum ego insciens, exiguo admodum legionum numero Romanos primum decertasse; nam anno V. C. CCLIX. Manio Valerio Dictatore, quam decem legiones P. R. placuerit conscribere, tantum increvisse exercitus visus est, teste Livio³, quantum numquam ad eum diem fuerat. A quo illud etiam perhibetur, bellum universum an. DXXXIX. nonnisi duodeviginti legionibus fuisse gestum⁴. Sed aucta, propagataque Rep., non tam ad novas provincias occupandas, quam ad imperium bello quaesitum armis, praesidiisque tuendum necesse fuit augeri numerum legionum: quæ deinde varia sortitæ sunt agnomenta, vel ab ordine, ut *prima, secunda, tertia*, vel ab institutoribus, ut *Augusta, Claudia, Galbiana*, vel a locis, ubi primo tutelæ caussa constiterant, ut *Italica, Fretensis, Cyrenaica*, vel a Deorum numine, & patrocinio, ut *Apollinaris, Venerea, Minervia*, vel a devictis provinciis, ut *Scythica, Lybica, Macedonica*, vel tandem ab eventibus, ut *Fulminatrix, Victrix, Adjutrix*. Magnum in his nomen fuit legionis TRICESIMÆ, cujus bellica virtus, fides, constantia in litteratis marmoribus saepenumero commendatur: quibus monumentis illorum memoria in omnem posteritatem consecrata est, qui ea in legione aut strenue militarunt, aut Tribunatum, aliamve dignitatem objerunt, aut praemiis affecti sunt splendidissimis⁵. Neque vero illustris hæc Romani exercitus pars in ejusmodi lapidibus continenti quadam, perpetuaque appellatio-

B 2

ne

¹ *Science des Medailles tom. 1. in-8. x. à Paris 1739.*

² *La manière de discerner les Medailles antiques de celles, qui sont contrefaites. à Paris 1740.*

³ *Lib. XL. c. xxx. edit. Oxonii 1708.*

⁴ *Lib. xx. cap. xi.*

⁵ *Grut. CCCCLXXXI. 4. 5. CCCIX. 6. DXLI. 11.*

Rel-

ne *Fortis*, *Valens*, *Fidelis*, *Pia*, *Felix*, *Victrix* nuncuparetur, nisi robore plane singulari, militaris disciplinae praestantia, animique firmitate, tum etiam devicto crebrius hoste supra ceteras legiones revera enitisset. Sed alia est paronomasia, quae cum his perhonorificis titulis jugiter solet esse conjuncta, & qua una legio Tricesima peculiariter, & expresse a reliquis distinguebatur: ut enim communi hominum sermone, ita in publicis tabulis *VLPJA* dicebatur. A Trajano Vlpio imperatore repetenda procul dubio agnominatio, qui in expeditione Dacica potissimum aut illam instituit, aut quia plurimum in illius fortitudine, ac virtute fidebat, sibi specialiter addixit, & cujusque praecleari facinoris comitem, & adjutricem voluit. Nam et si, referente Dione¹, Τραιανὸς τὸ δεύτερον τὸ Ἀγύπτιον, καὶ τὸ πρῶτον τὸ Γερμανικόν, Trajanus secundam (legionem) Aegyptiam, & tricesimam Germanicam appellari jussisset; nihilominus propensior benignitas, favor, studium, quibus imperator hanc prosequeretur legionem, effecerunt sane, ut honoris, publicaeque exultationis causa, ducto potius ab illo, quam alio quovis nomine donaretur. Nec Trajani interitu, & imperii, rerumque mutatione, ut saepe accidit, haec appellatio in invidiam venit, vel obsolevit, sed longum perduravit in aevum. Quamobrem in nummo argenteo Septimi Severi, qui centum ferme post annos imperium tenuit, *VLPJAM* adhuc eam legionem nuncupari conspiciamus.



Imo

Reinesius classe 1. LXXIX.

Donius classe 1. XVIII.

Oudendorpius Monumenta Papienbroekiana num. v. Lugdun. Batav. 1746.

Maffei Museum Vindobon. CCXLI. 5. CCXLII. 1. 2.

De vita Thesaur Antiquitat. Beneventan. classe VII. xxx. 8.

Saxius Pericul. critic. in Marmor. c.v. pag. 63. Lipsiae 1746.

1 Roman. hist. lib. LV. edit. Reimari tom. II. Hamburgi 1752.

Imo vero idem agnomentum serius adhuc huic legioni mansisse, indicio est monumentum Alexandro Severo a militibus LEG. XXX. V. V. P. F. idest *Vlpiae Victricis*, *Piae Felicis* dedicatum, quod ex Clupero exscripsit Cl. Muratorius in novo Thesauro ¹. Facile etiam assentirem, *Trajanam* fuisse dictam, si alia hujus appellationis probabilia testimonia suppeterent, quam quae a Gudio producantur ². At quis fucum, ac commentum Ligorianum non suspicabitur in duobus illis marmoribus?

D. M.

M. CALDIVS. M. F. CLAVD.

TORQVATVS

EQVES. PHALERATVS

LEG. XXX. TRAI

ANAE. FORTIS. FIDEL. &c.



D. M.

P. IALVS. L. F. TREMINVS

EQVES. ROM. PRAEF. TVRM.

LEG. XXX. VLP. TRAIAN. &c.

Sed haec perfacile, & expeditam habent intelligentiam. Illud est inquirendum, an Antonii aetate legiones ad numerum usque xxx. progredierentur, nam si id nonnisi Trajani, aut Trajano proximis temporibus factum pateret, perspicue intelligis, mi RONCALLE, de tui nummi γινώσκουσι quantopere esset ambigendum.



SE-

¹ Classe V. CCCLV. 2.² Ex Ligorio edidit Gudius.

SECTIO TERTIA.

Robertellum fortasse primum *Dionis* testimonium de veteri legionum numero perverſe ſollicitaſſe. *Tacitus* perperam ad eundem elevandum adductus. *Varia* *Appiani* loca de legionibus tranſtriceſimis explicantur, ac conferuntur. Inter *Antonianas* xxxv. recenſenda. *TRICESIMAM* eiſdem adjungendam ex *Paterculo* colligitur. *Diſtorum* conſectaria.

POſtquam *Franciſcus Robertellus* in commentatiuncula de legionibus¹ illud ex *Dione* obſervavit, *Auguſti* aevo *xxiii.*, aut *xxv.* ali conſueſſe: *ἑστὶν ὡς τριά, ἑστὶ πέντε, καὶ ἑκοστί ὄντα*, ſive viginti tres, ſive viginti quinque illae fuerint², plerique ſunt rei militaris ſcriptores, veterumque monumentorum enarratores, qui *Robertellum* ſequuti, atque hoc *Dionis* testimonio ſiſi ceterarum legionum, adeoque etiam *Triceſimae* initia longe recentiora deprædicant, quam ut ad *Illviratus* ætatem revocari queant. Cui ſententiæ *Tacitum* etiam ſuffragari putant, quandoquidem is recensens militares copias, *Tiberio* imperante, legiones tantummodo *xxv.* enumerat³: quibus illud neceſſario conſoci ajunt, argenteos denarios *M. Antonii* ad ſpurios eſſe rejiciendos. Sed omnis hæc oratio ita eſt enervis, *ἐξωρρομένη*, & male

¹ Editæ to. 1. *Miſcellancorum* *Gaudentii* *Roberti*. *Parmae* 1690., deinde in *Grevii* *Theſauro* tom. x.

² *Loc. cit.* Ex *Auguſteis* legionibus *xxix.* uſque ad *Severi* *Imp.* ætatem ſupererant, teſte *Dione*, qui tum annales ſuos conſcribebat. At *Joh. Jacobus Breitingerus* in *Amoenitatibus litterarum* *Schelornianis* tom. vii. numeraleſ notas in *Dione* putat eſſe reſigendas, & pro *ΔΙΙΙΙΙ.* legendum *ΔΙΙΙ.* Revera, etſi nullo in *Codice* *Reimaro* eruditiffimo pro *ἑκοστίων*, occurrerit *ἑττακώων*. libenter ego ſuam emendationem *Breitingero* concedo; ſi enim quas *Dio* in orationis textura, reique dilucida enarratione recenſuit, legiones numeremus, nonniſi *xviii.*

reperiuntur: ideoque compendiarias notas a deſcriptoribus fuiſſe vitiatas, certiffimum videtur. Quot autem *Dionis* aevo eſſent conſcriptæ, haud obſcure ex illius verbis colligi poterit. Acutiſſimus *Tillemontius* in vita *Auguſti* *art. xiv.* hæc habet. *Pour les legions* *Dion* (*livre 55.*) *marque celles, qui eſtoient de ſon temps, au commencement du 111. ſiècle de l'Egliſe; & elles eſtoient alors au nombre de trente-deux.* (*Hiſtoire des Empereurs tome 1. à Veniſe 1732.*) Recte ne rationes duxerit, an in ſupputatione binæ redundant legiones, aliis permittam inveſtigandum.

³ *Annal. lib. iv. cap. 111. edition.* *Gronovii. Trajæſt. Batav. 1731.*

le collecta, ut levi refutatione convelli, labefactarique possit. Ac primo haud satis mirari queo, cur in Dione, Tacitove tam confidenter aquiescant, qui res Augusti, & Tiberii imperio gestas, devicto, & mortuo jam Antonio, in his locis exequuntur, quum praesto sint scriptores alii, quorum oratio in Illvirum historia tota consumitur, quorum ex testimonio xxx. & ultra in castris Romanorum legiones, dum Antonius vita frueretur, existisse condiscimus. Praeterea, an quae Dio, quae Tacitus semel accidisse perhibent, ita sunt accipienda, ac prolatanda, quasi omnem Reip. epocham concludant? Quam importune duo illa testimonia excitentur, liquido constabit, si ad Triumviralis historiae descriptores, atque ad eos, qui gesta ab Antonio expressim testata reliquerunt, provocaro. Appianus Alexandrinus ex multiplici testium copia primo est producendus, a quo apertissime dicitur, Mutinensi foedere ad Lavinum¹, inter Antonium, Lepidum, & Octavium inito, legionum numerum ad XLIII. pervenisse, sed diuturni belli jactura, ac detrimento post Philip-

¹ In insula quadam, quae a binis Lavinii fluminis ramulis duobus a Bononia circiter passuum milibus relinquitur, Triumviros junxisse manus, illucque ad partiendum inter se se imprium fuisse congressos, quin apocryphi illa marmora consulamus, quae a Malvasia proferuntur (*Marm. Felsinae* f. 11. v. cap. 11. f. 11. x. cap. 11. Bononiae 1690.) exstat luculentissimus de ea re locus Dionis lib. XLV. in fin. In quo excusari vix posse reor Malvasiam, qui Panyini verba (*Romanor. Principum libri lib. 1. pag. 18. Basileae 1558.*) quae AVGVS TVS. PATER, adscripfit, III. VIR. R. P. C. cum M. Antonio, & M. Lepido se ipse creavit v. calend. Decembris eodem anno (DCCXI.) in agro Bononiensi, tamquam integram, verustam, sinceram inscriptionem lectoribus ingerit. Marmoribus quodvis adde illud a Ferretio allatum, *Musae lapidariae* pag. 316. Veronae 1672., quo ossa militum in bello Mu-

tinensi ab Antonio caesorum communi tumulo, jussu Germanici Imp. condita perhibentur. Triumviros autem ad Lavinum junxisse manus dixi, quod veteres hoc ritu foedera paciscerentur. Videtis nostram *Anaglyphi Graeci interpretationem Romae 1751.* Quapropter inita post bellum Perusinum, inter Antonium, & Caesarem concordia, Cocceio Nerva conciliatore, denarii in vulgus dati sunt, in quibus duae dexterae invicem junctae, caduceum, pacis symbolum, tenentes conspiciuntur, addita desuper epigraphe: M. ANTON. C. CAESAR. Nova per Illviros enata imperii forma, publicae monetae tres manus invicem junctae, securi, caduceo, & fascibus Consularibus circumpositis, fuerunt insculptae. Nummum protulit Oseilius in *Thesauro tab. LXXVII. Amstelodami 1677.* Quamvis imperatorum exercituum, urbium, populorumque confederationes duplici tantum cetera plerumque exprimerentur, consulto

lippensem victoriam ad xxviii. fuisse redactas. Verba ipsa historici praeſtat apponere: ὁ μὲν ἄτως εἶπεν ἐς ὀκτώ καὶ εἰκοσι τέλη πλεῖον τὴν χάριν περιφέρειν ὅτι οἶμαι, ἥτις ἐ παρακαλοῦντο ἢ αὐτοῖς ὅτι Μυτιήν σωηλαστοντο ἀλλήλοις καὶ πᾶσι ὑπισχύντο οὗ ὅδε πόλεμος αὐτὰ ἐς τοσούτον ὑπερνήσκει. Sic ille (Antonius) dixit, virginis octo (superstitibus) legionibus ostentans gratiam, quum ad Mutinam isto foedere, quadraginta tribus integris (quae tum exstabant) promissa essent praemia; adeo vi belli (quum Antonius Ephesi ad Graecos concionem haberet) imminutus erat legionum numerus¹. Si igitur TRICESIMA inter eas annumeranda est, quae imperii summa inter IIIviros distributa, fuerant sacramento rogatae, nihil contra historiae probabilitatem, veritatemque repugnat, eandem Antonii mercede militasse. At inquirunt, mendum caligraphorum inscitia in Appiani textum irrepsisse. Demus id hoc uno in loco fortassis accidisse; profecto Graecum scriptorem non ubique mendosum affirmabunt. Igitur, ut rem pressius urgeam, quid de legionum numero per ea tempora usitato Appianus, tam diligens, tam acutus Triumviratus descriptor, sparsim tradiderit, expendamus. De Caesare testatur ad praecoccupandam hominum studia, iussisse Italicas civitates veteranis adscribi, & περὶ π, καὶ ἥδεοντα πλείους ἀντι ὀκτώ, καὶ εἰκοσιν ἡδὲ συμμαχισάντων ἐπινύμειν, legionibus triginta quatuor, non solis viginti octo, quae pro suis partibus pugnabant, agros dividi². Ex quo perspicue apparet, internecino illo Reip. bello duas fuisse legionum factiones: at si vigesima octava ad Caesaris rationes se adjunxerat, tricesima quarta, quam ille liberalitate allicere, sibi una cum reliquis devincire studebat, cui quaeso favebat, nisi inimicissime adversanti Antonio? Rursus utriusque copias quasi

sulto hic pro foederatorum numero auctus est numerus manuum. Alias etiam id factum perspicimus in nummo Valeriani Salonini *Oifel. tabul. lxxxix*, in cuius adversa parte tres item manus confectae videntur, addita epigraphē: CONCORDIA AVGG. scilicet ipsius Valeriani, Gallieni, & Valeriani junioris, qui imperium concordī animo infimul administrarunt. Quid vero sibi velint in Galbae num-

mo Corinthi percusso quatuor dexterae decussatim junctae, adhuc mihi est incertum. *V. Muscum Arigon. Num. Coloniar. tab. III. num. 36. Tarvisi 1741.*

¹ De bello civili lib. v. edit. Henrici Stephan. 1592. & Amstelodam. 1670. Aliter tamen Appiani verba in latinum duximus esse transmittenda, perspicuitatis gratia.

² *Ibi.*

quasi componens noster Appianus ait, Caesarem hostes tandem se paelio superaturum, victoriamque a suis conclamatum iri existimasse, quod supra XL. jam comparasset legiones. ὃ δὲ Καῖσαρ Ἀντωνίου μέγ, καὶ Πομπηίου, καὶ Ἀννοβάβρον κατὰ πλῆθος ἐπλεῖσθαι ὑπεροίσειεν ἐνέμιζεν· ἔχε δὲ πλεόντες ἐς τοπὶ πεσσεράκοντα πλεόνων. Caesar autem putabat, se Antonium, & Pompeium, Aneobarbumque superaturum legionum numero, habebat enim jam supra quadraginta¹. Ergo si de Caesariano exercitu sermo sit, quid evidentius, Dione etiam repugnante, plusquam XXVIII. legiones fuisse in eo conscriptas? Harum vero, vel saltem Tricesimae imperium in tanta rerum vicissitudine ad Antonium transmitti potuisse, quis inficiabitur? Plura alia sunt historici Alexandrini testimonia, quae sciens praetereo, ne diutius videar in uno genere versari. Jam vero, ut totam hujus rei controversiam concludam, ac definiam, an ubique in Appiano librorum incusabimus oscitantiam? ubique numerales notas corruptas, depravatasque suspicabimur? Si haec una ratio valeret, de quovis veterum scriptorum testimonio esset ambigendum, nullaue tam certa, tamque probata erit lectio, de qua infinitae, & concertationum plenae disputationes non instituantur. Sed quid adhuc cunctamur? Satis, ut, arbitror, adversariorum argumentationem evicimus, plane esse ἀσυνλογίςτω.

Quamquam prolixior ista de Dionis, Appianique, si qua tamen est, ἀντιλογία frustra a me suscipitur investigatio, quum omnis controversia facilius transigi, dirimique possit illorummet hominum auctoritate, qui socii, consortesque fuere calamitatum omnium, quibus P. R. libertas, Antonio instigante, exagitata, prostrataque est. Omnium primus Galba esto, qui in epistola ad Ciceronem de bello Mutinensi, Hirtio, & Pansa Coss. verba faciens ita apertissime scribit: *Antonius legiones eduxit duas, secundam, & QUINTAM TRIGESIMAM*². Duae haec legiones, quae ex quatuor Macedonicis cum Antonio remanserant, ita tenaciter, fideliterque illi favebant, militibus animo ita excelso constabant, ut Tullius plurimum Reip. interesse putarit, si ad defectionem propositis praemiis invitarentur. Quare in concione ad Senatum aiebat, edicendum fore: *iis militibus, qui de legione secunda,*

¹ Ibidem.

² Inter familiar. Ciceronis lib. x. epist. xxx.

da, & tricesimaquinta ad C. Pansam, & A. Hirtium Consules venissent, suaeque nomina dedissent, quod iis Senatus auctoritas, populi-que Romani libertas carissima fuerit, vacationem militae ipsis, liberisque eorum esse, placere¹. Animum advertas velim, VIR EGRÉGII, ad haec Galbae, Tulliique verba, & nisi omnia perturbare, scriptorumque ἡλικιωτῶν fidem abijcere mens sit, id profecto fatebere, neminem sic a veritate aberrare, quam qui legiones transricinas, ab Antonianis expungunt. At nihil haecenus est a me allatum, quo demonstretur milites Tricesimae, de qua potissimum agitur, Antonii factionem esse sequutos; quum potius ex Aetnii Pollionis epistola quadam suspicari liceat, eos in maximo etiam rerum publicarum discrimine Caesaris partibus studuisse, nec officio, fideique militari defuisse. Pergam igitur, & verbis paucissimis hanc unam legionem inter Antonianas numerandam invicte ostendam. Accipe, quae Pollio, gloriosus ille vigilantiae suae, virtutis, praecipuaeque in Remp. caritatis jactator ad Ciceronem Corduba perscripserit. Lepidum, & Antonium litteris ad eum datis vehementer contendisse ajebat, ut illis legionem xxx. traderet; sed nec minis, nec blanditiis, nec periculis debilitatum & fractum se utrique contumaciter obstitisse, lectissimasque hasce copias Senatui conservasse. Nam de LEGIONE TRIGESIMA tradenda quantas habuerim contentiones quid ego scribam? qua tradita, quanto pro Repub. infirmior futurus fuerim, quis ignorat? Hac enim legione noli acrius, aut pugnacius quidquam putare esse². Haec an. v. c. dcc. xvii. Kal. Apriles scripsit Pollio, deinde vi. Idus Junias iterum per litteras Tullium sic affatur. Tres legiones firmas habeo, quarum unam xxviii. quum ad se initio belli arcessisset Antonius hac pollicitatione, quo die in castra venisset, denarios quingenos singulis militibus daturum, in victoria vero eadem praemia, quae suis legionibus, incitatissimam retinui, aegre mehercules: nec retinuissem, si uno loco habuisssem, utpote cum singulae cohortes seditionem fecerint. Reliquas quoque legiones non destitit litteris, atque infinitis pollicitationibus incitare. Nec vero minus Lepidus urset me, & suis, & Antonii litteris, ut legionem Tricesimam mitterem sibi³. Quid tandem egit homo, qui dictitabat, se Caesarem summa pietate, & fide diligere? Nullum esse peri-

¹ Ad fin. Philipp. V. ² Epist. fam. l. x. xxxi. ³ Ibidem. Epist. xxxii.

periculum, quod pro Repub. vellet fugere, aut deprecari, Senatus rationes, auctoritatemque se omni ope defensurum? Tempori paruit, Antonii potentiae, ac calliditati cessit, legionesque ei tradidit; vel potius ob intimam cum illo familiaritatem, fidem tamen in Caesarios simulans, Antoniarum partium adiutor fuit. Rem universam paucis conclusit Vellejus Paterculus, cujus est verissima illa, & digna integerrimo historico sententia. *Plancus deinde dubia, idest sua fide, diu quarum esset partium secum luctatus, ac sibi difficile consentiens, & nunc adiutor Bruti, designari Consulis, collegae sui, senatusque se litteris vendicans, mox ejus proditor. Asinius autem Pollio, firmus proposito, & Julianis partibus fidus, Pompejanis adversus; VTERQUE EXERCITVS TRADIDERE ANTONIO*¹. Sive ergo Pollio consilia sua, proditionemque sagacius, quam Plancus texerit, sive necessitate adactus, aut fraude circumventus a proposito desciverit, illud fixum, ratumque maneat, *exercitum*, sive legiones omnes illius imperio, ductuque a Senatu conceditas, ad Antonianas copias transmigrasse. Quibus expositis, breviterque disputatis, causam non video, cur *Legio xxx.* possit ab Antonianis explodi.

Haec quum sint, ecquid ergo vetare poterat, quominus hujus Illviri pecunia omnibus hisce numeralibus notis obsignaretur, aut quae falsitatis indicia in tricenaria possunt umquam sub lucere? Quare gratulor tibi, nummophylacio tuo praeclarissimi denarii accessionem esse factam, cujus typum cum historia omnino, vereque convenire tot scriptorum testimoniis erudimur.

CONSECTARIA.

Interim si dispersa haec Appiani, Galbae, Ciceronis, & Paterculi loca conferantur, plura liquido emergunt. Ac primo, Illviris Remp. gerentibus inconstans, & varium in castris Romanorum pro Imp. arbitrato, susceptique belli opportunitate fuisse legionum numerum. Praeterea consequitur, supra xxx. ab Antonio fuisse conscriptas. Deinde illud etiam cognoscere licet, Trajanum legionem *Tricesimam* nequitquam instituisse, Romanaeque militiae primum adjunxisse, sed extinctam, abrogatamque, occasione belli Dacici renovasse. Quarto perspicuum fit, varia uni, eidemque legioni adhaesisse nomina, pro ut rerum conditio

C 2

fere-

¹ *Hist. Roman. lib. 11. edit. Burman. Amstel. 1719.*

ferbat ¹. Constat postremo, monumenta legionum transrigrimarum, ut xxxv. in Donii collectaneis ², xxx. inter domesticas Fabretti inscriptiones ³ &c. tamquam dubiosa, incertaeque fidei immerenter a nonnullis traduci. Sed satis jam, superque nota illa tricenaria a quavis est vindicata suspicione; nunc quod tribuitur otii, ad ea perscribenda conferam, quae pertinent ad cetera nummi adjuncta illustranda.

SECTIO QVARTA.

Aquila insigne Legionum in nummis Antonii. Cur is trirremem in eisdem constanter exculpi fecerit. Quae a Plutarcho de M. A. & Cleopatra perhibentur, minime poetica esse, sed cum numismatum typis omnino convenire. Navem illam Praetoriam esse, consuloque velis, malisque deslitutam repraesentari, ex Herodoto, Tacito, Polyaeo, Xenophonte, Livioque evincitur.

Nihil revera utraque denarii pars exhibet contuendum, quod non in aliis M. Antonii nummis per frequenter appareat; quotquot enim ille hac epigraphe, LEG. distinxit, plerumque duo militaria signa, & Aquilam praeferunt hastae infixam, quam etiam Trojanos ⁴, & Persas ⁵ pro signo habuisse fertur, quamque C. Marius in secundo Consulatu, sublatis, abolitisque reliquis minotauri, apri, draconis, lupique vexillis, Romanis legionibus proprie dedicavit ⁶. Vorsum vero navem Praetoriam excul-

¹ Confer, quae habet Reimarus ad loc. cit. Dionis.

² Classe vi.

³ *Inscript. Dom. cap. ix.* Saepè animadvertimus in Antonini Itinerario post intervalli, & miliarium numerum notam hanc LEG. apponi, quam alius excipit numerus. Hieronymus Surita in ea fuit sententia, *Legionis* illius, quam numerus designat, mansiones, & stativa tribus his litteris indicari. (*Notae ad Itiner. Anton. August. Coloniae 1600.*) Verum Bergierius de viis militaribus (*lib. 121. cap. xxxvii. & xxxviii. edit. Lugdun.*

Batav. 1699.) verbis sat multis Suritam refutat, docetque, tribus illis elementis vocabulum Celticum *legas*, seu *leguas*, vel *leucas* compendiarie exprimi. Bergerio ad stipulatur Wesselingius *Animad. ad Iter. Antonin. pag. 254. Amstelod. 1733.*

⁴ Stev vechius ad Vegetium de R. M. lib. 11. cap. vi. Antuerpiae 1585.

⁵ Xenophon de Exped. Cyri l. vii. Oxon. 1703.

⁶ Plinius lib. x. c. xv. Confer Franc. Patritium de Re Militari Roman. parte 1v. sess. v. Graevii Thes. rom. x. Si quid fabulis indulgendum, adde ex Ili-

exculptam hi nummi habent, eamque remis, gubernaculo, acroterio, rostro, vexillo, humilique catastromate instructam. At quamam mente dicemus Antonium in his nummis signandis, quibus suas legiones, cohortes, centurias, turmas ostentabat, navis typo perpetuo esse usum? Nam quid habet illa commune cum copiis terrestribus? Quid Triremis cum equitatu, pediatuque? Incidi olim legendo, meditandoque in Plutarchi locum, qui Illviri consilium manifesto prodit, causamque hujus tam ab illo usitati symboli, nisi me fallit animus, ostendit, atque significat. Is autem Cheronensis Philosophi locus ad hunc modum se habet: ἄνω ἢ ἅπα πραδίκη τὸ γυναικὸς ὡς, ὡς τῆς πλῆθους πολλοῦ ἡγεμόνων, ἐβύλετο τῇ ναυτικῇ τὸ κράτος εἶναι διὰ Κλειοπατρῶν. καὶ ταῦτα, πληρωμάτων ἀπορίᾳ συναρπαζομένους ὄρων ὑπὸ τῷ Ξηραχῶν ἐκ τοῦ ποταμοῦ διὰ πάσης Ἑλλάδος ὁδοιπόρους, εἰσπλάπας, Θεισῆας, ἐφῆβους ἢ ἢ ἢ πλοῦ πληρωμένας τὰς ναῦς, ἀλλὰ τὰς, πλείστας ἀποδείξας, καὶ μοχθηρῶς πλείστας. Ita autem erat feminae (Cleopatrae) addictus (Antonius), ut quum valeret plurimum terrestribus copiis, Cleopatrae gratia victoriam navalem concupjerit; quamquam viatores, agasones, messores, adolescentulos per totam Graeciam a magistris captos ad naves implendas cernebat; nec ita quidem repletas, sed plerasque vacuas, et aegre navigantes¹. Porro hinc evenisse non dubito, ut quum pessimus amalius mulieri quavis in re ablandiri studeret, classicos triumphos, maritimamque potentiam in nummis etiam, quos militibus distribuebat, perditissime affectaret. Sed quoniam libidinibus inflammatus, ac furens animus, inexplibili exagitur cupiditate, perturbataque flagitiis exulat ratio; quo vesaniae devenerit Antonius Cleopatrae amore, testata centies, manifesta res est. Nec quicquam tribuo auctoritatis maledico illi veterum scriptorum obtrectatori, seu verius Cynico cani, qui ut Plutarchum dente carperet rabido, ait poesiū potius de Antonio, quam historiam finxisse². An quae ab illo summa animi levitate, vitaeque licentia facta perhibentur, unius nituntur Plutarchi testimonio? Aut inor-

Isidoro in libro *Originum* lib. XVIII. cap. 111. Coloniae 1617. hujus rei initium a Jove ipso repetendum, cui bellum adversus Titanas gerenti Aquila victoriæ augurium potendit.

¹ In M. Anton. edit. *Londinensis* Opp. *Plutarch.* tom. v. 1724.

² Bayle *Dictionnaire* art. Cimon. nos. H. pag. 937. col. 11. edit. 1702.



inordinata temporum series, quam Baylius historico culpaē vertit, dictis abrogat fidem? Nos, ut institutum nostrum exposcere videtur, quae ex nummis optimis, *incorruptisque antiquitatis testibus*¹, perspicui possunt, obiter indicabimus? Quorsum, quaeso, Antonius in Asiaticis, Cretensibus, aliisque numismatis Cleopatrae caput suo jugiter copulari voluit? Quorsum illam Veneris habitu exsculpi, se vero hedera, corymbisque coronari². Quorsum ΘΕΑΝ ΝΕΩΤΕΡΑΝ feminam illam nuncupari? Quorsum cistam mysticam, leipentelque appingi? An non haec omnia mirifice comprobant, quae a Plutarcho de Antonio traduntur? Scilicet, se *θεῶν Διοῦσος*, Cleopatram vero *θεῶν Ἰου* appellari iussisse: & quum in Cilicia apparatu regio, ac prope divino ad congraendum convenissent, utrique acclamatum fuisse: *ὡς Ἀρροδίτη κομᾶζοι παρὰ τὸν Διοῦσος ἐν ἀγαθῇ ἑσπέρῃ*; *Venus ad Bacchum commessatum venit in salutem Asiae*³. Quod si haec Antonius praestitit amoris in Cleopatram incendio, & victorum, quae semper facultatibus, licentiaque, & assentationibus aluntur⁴; nil mirum est, in gratiam Reginae Aegypti navali symbolo pecuniam obsignasse.

Alterum est monumentum, quo intelligimus, Antonium in navalibus expeditionibus, praeliis, victoriisque Cleopatrae ingenio, & voluntati studiosissime obsecundasse, nostraque de navi Praetoria firmatur conjectura. Nummum argenteum ajo, cum lemmate M. ANT. IMP. III. = L. ATRATINVS PRAEF. CLAS. P. C. = ubi currus Equis marinis vectus conspicitur, desuper Antonio, & Cleopatra superbe stantibus, cujus schema in prima hujus libri pagina inter Cidarim, Armeniae, devictae signum, & Palmam cum Crocodilo, Aegypti occupati symbolum, diligenter caelari fecimus. Adeo autem hoc typo

¹ Petreschius apud Chiffetium, *Anastasis Childericis cap. v. Antwerp. 1655.*

² Omnes propemodum hosce nummos late, copioseque explicatos iterum edidit Begerus de *Nummis Cretensium Serpentinae Coloniae Marchicae*. 1702. Panellius de *Cisopboris cap. xii. Lugduni 1734.*

³ Eodem pertinent Augusti verba in Concione ad Milites apud Dionem

lib. l. Quis non deploret Antonium τὸν δ' ἔχοντος ἑλόντα, καὶ τὸν τὴν Ἰου ἢ Σεβίαν ἐπεκυνεύοντα, ἃ τὸν τὴν παύσαι αὐτῆς Ἥλίου, ἃ Σεβίαν ἐμπέζοντα, ἃ τὸν τὴν Ἰου, ἃ αὐτῆς Ὀρεῖ ἃ Διόντι ἐκινεῖοντα. mulierem ipsam pro Iside, ac Luna adorare, natis illius Solis, ac Lunae nomina tribuere, denique seipsum Osiridem, ac Bacchum appellare? ⁴ Paterculius l. c.

typo gloriabatur, Antonius eoque mulierem sibi magis, inagisque obligare putabat, ut non modo minoribus nummis feriendis usus sit, sed etiam maximi moduli, & *Contorniatis*. Elegantissimum id genus numisma ex Caesareo, lectissimoque Vindobonensi Museo extulit, vulgavitque primus anno superiore Cl. Francius ¹.

At ex me forte sciscitabere, OPTIME RONCALLE, cur Triremem in Antonii nummo sculptam, Praetoriam adeo confiderenter appellem? Elatum quaeſo in prora vexillum, quod, teste Leone Imp. in *Tacticis*, *Φοινικίδα* veteres dixerunt, tibi ob oculos propone: hoc unum enim imperatoriae navis insigne non apud Romanos tantum, sed etiam Graecos extitisse perhibet illud Polycritae Aeginetae apud Herodotum ², qui Atheniensium classe conspicata, navem principem ex vexillo deprehendit: *ἔγνω τὸ σημεῖον ἰδὼν ἃ στρατηγίδος*, Praetoriam ex signo intuens, cognovit. Atque hunc morem apud ceteras quoque nationes obtinuisse, argumento est, quod Tacitus scribit, Romanos in Rheno contra Germanos paratissima classe certantes, impetum in triremem principem intendisse, quae ipso vexillo facile prodebat, putantes illic Petilium Cerialem latere, *Praetoriam navem VEXILLO INSIGNEM*, illic ducem rati, abripiunt ³. Neque vero molestiam tibi ingerat, quod eam navem hic cernas malis, antennis, velisque destitutam; nam potius indicio id est, ut bellicam, & *στρατηγίδα* existimes. Fuerat haec constans apud veteres quaedam pugnandi ratio, ut antequam naves ad conflictum concurrerent, vela contraherentur, demitterenturque mali. Ideo Lacedaemoniorum imperator Annon, Dionysii classem aggressurus, referente Polyaeo; *τῶ ἀντὶ νεῶν παθαρεῖ τὰ ἱστία*, suis navibus vela detrahit ⁴. Eodem modo Iphicrates Atheniensium archithalassus ad naumachiam contra Cercyrensiū triremes se se comparans, ut ait Xenophon; *εὐθύς μὲν γάρ τὰ μεγάλα ἱστία ἀντὶ κατέλιπον, ὡς ἐπὶ ναυμαχίᾳ πλείων*, confestim depositis majoribus velis, certamini navali se accingebat ⁵. Romanos, praeter vela,

¹ *Museum Vindobon.* P. II. Num. max. mod. Viennae 1755. Inscriptum huic contorniato M. ANT. IMP. TER. L. BIBVLVS M. F. P. R.

² Vrania, seu lib. VIIII. Londini 1697.

³ *Historiar. lib. v. cap. XXII. edit. Gronovii Lug. Bat. 1721.*

⁴ *Strategemat. lib. v. edit. Masovicii Lugdun. Batav. 1690.*

⁵ *Lib. vi. edit. Dodovelli.*

la, malos abstulisse, docet latinae historiae parens : Polyxenidas ut appropinquare hostes allatum est, occasione pugnandi laetus, aequa fronte ad pugnam procedebat, quod ut vidit Romanus (Acilius Cos.) vela contrahit, malosque inclinat, & simul armamenta componens, operitur insequentes naves¹. Et quia praetoria omnium prima praelium conferebat, Antonius hoc in nummo suae classis *παυαρχίδα*, tamquam ad conflictum jam paratam exprimi voluit. Ceterum habes in aliis Antonii numismatis triremes etiam cum duplici velo, acatio, & epidromo; quod inibi vel tranvectio exercitus, vel in Armeniam profectio, vel Cleopatrae in Syriam iter, vel Navale Antonianum in Achaja, & Sicilia, vel classis, aut Africae Praefectura demonstretur, non vero maritimum certamen, quod in praesenti erat oculis exhibendum.

Denique si paullo attentius nummos illos contemplabere, qui supremis Antonii vitae, imperiique temporibus cusi sunt, variam in illis deprehendes navium *πολεμικῶν* formam, easque interdum non Romana sane architectatione constructas, sed quales Carthaginenses, Corinthii, Rhodii, & qui Aegyptum incolunt, aliaeque exterae nationes habere consueverant. Quod quum ipse mecum reputarem, voleremque animo, Antonii morem hic etiam videre mihi visus sum, qui ut legionibus supplendis milites ex quavis gente adscripserat, ita classi augendae, barbarorum naves undecumque colligebat; quo alludunt Virgiliani versus:

*Hinc Augustus agens Italos in praelia Caesar,
Cum Patribus, populoque, Penatibus, & magnis Diis,
Hinc ope barbarica, variisque Antonius armis.*



SECTIO QUINTA.

Num Antonianae classis triremes, quales in nummo comparent. *παρέμβασις* de navium bellicarum structura. Vetus systema de remigum ordinibus ἀνωρεοίς, καὶ κατωρεοίς cum antiquis monumentis, prae omnibus, cohaerens. Huic demonstrando aereus Carausii nummus anecdotus, & Pictura domus Augg. ex Cod. Vaticano in conspectum producitur. Eidem omnino suffragari Lucani, Vegetii, Pausaniae, Arriani, aliorumque veterum scriptorum locutiones. Silius Italicus perperam a nonnullis explicatus. Ingentes na- ves a Syriae, aut Macedoniae Regibus instructae, an systema illud excludant.

SED heic multo obscurior, gravioribusque implicata difficul- tatibus praetenditur quaestio ab ea remorum dispositione, quae in praetoria Antonii triremi constanter oculis obversatur. Enimvero, ut Dio scribit, τὰ μὲν σκάφη τῷ Αὐτωνίῳ πολὺ τῶν ἱσπάρτων ὑπερέχοντα ἦν, τελέρεις μὲν δὲ ὀλίγας, πικτήρεις π, καὶ δακτύρεις, naves Antonius fabricaverat hostilibus, multo majores, paucas quidem triremes, reliquas omnes quadriremes, quin- queremes, & deciremes¹. At si Praetorianae effigies hisce in num- mis expressa est, illam oportuit proculdubio latiori propede, eminentiori peritoneo, puppi, epotide, parafemo grandioribus fuisse instructam, majori militum, remigumque numero abundare, verbo dicam, in tota classe paratissimam putari. Sed quid? quod haec valida triremis nunquam repraesentet assur- gentes remigum ordines, qui in diversis tabulatis positi πέντε καὶ δύο, καὶ ἄνω navim urgeant, vorticesque remis discendant, sed ubi- que remiges eodem super catastromate sibi continenter succe- dentes demonstrat? Ergone in summo errore, maximaque rerum ignoratione versatos, dicendum erit Scaligerum², Salma- sium³, Pancirolum⁴, Vossium⁵, Schefferum⁶, Palmerium⁷,

D

Snel-

¹ *Hist. Rom. Lib. L.*² *In animadv. ad Chron. Eusebii* pag. 61. *Amstelod. 1658*³ *Obsev. ad Jas Atticum. Lugdun. Batav. 1643.*⁴ *Rev. Memorabil. Ambergae 1612.*⁵ *De construcc. Liburnicarum. In**Thesaur. Graevii Tom. XII. Item in Etymologico Amstelod. 1693.*⁶ *Schefferus de Militia Naval. l. II. cap. XI. Vpsaliae 1654.*⁷ *Exercitationes in auctores Graecos; ad fragment. Memnonis. Trajecti ad Rhenum 1694.*

Snellium ¹, Morisottum ², Fabrettum ³, Luchefinium ⁴, quibus ceteroquin antiquum illud σύστημα ordinum κατατάταις ἢ ἀνω-
πέως magnopere probatum fuisse cognoscimus? Vetera, quaeſo,
de moveas, mi RONCALLE. Quamcumque enim amplexabere ex
diverſis, diſtractiſque ſententiis, quas ad commodius explican-
dam navium polyremium ſtructuram ingenioſe excogitarunt
Baſius ⁵, Stewechius ⁶, Languedoc ⁷, Rivius ⁸, Sanadonius ⁹,
Maugereus ¹⁰, Laurus ¹¹, Witzius ¹², Meibomius ¹³, Savillius ¹⁴,
Deſlandius ¹⁵, in majores te conjicies ambages. Sive remigum
verſus in longum dividas, ſive θραίπας, ζυγίπας, καὶ θαλα-
μίπας in tranſverſum numeres, ſive cujuſvis navis nomen a nu-
mero remigum, qui ſingulis ſummorum jugorum remis appli-
cabantur, mavis repetere, ſive tranſtra multiplices, decurtes,
intexas (huc enim recidunt omnia illa recentiorum ſyſtemata),
ubique ſalebrae, ubique inextricabilis error. Me equidem, re-
bus animo diu agitatſis, & cauſſa diligenter volutata, facilius
in ſuas partes trahent prioris ſententiae defenſores: nam etſi ex
M. Antonii nummis, aliſiſque compluribus conjectare ſas ſit,
triremes actas fuiſſe remigibus a prora ad puppim aequae pro-
currentibus, alii nihilominus ſuppetaut, ut Q. Metelli, Hadria-
ni, Gordiani III., quos acuratiffime expendere Goltzius ¹⁶,
Oiſelius ¹⁷, Fabrettus ¹⁸, Bonarrotius ¹⁹, itemque duo aurei Mu-
ſei Hannoverienſis Carauii, & Aleſti, quorum meminit Deſlan-
dius

¹ *Tiphys Batavus, ſive de biſſio-
dromia. Lugd. Batav. 1647.*

² *Orbis Maritimus lib. II. cap. 49.
Divione 1643.*

³ *De Columna Trajani cap. v. Ro-
mae 1690. V. etiam Cl. Nicolai Ga-
leotti adnotationes ad Muſcum Ode-
ſcalchum tom. II. tab. 26. Rom. 1752.*

⁴ *Adnotat. hiſtoricae ad Demothe-
nem. Orat. de Claffibus pag. 193. Ro-
mae 1712.*

⁵ *De re navali liber. Baſil. 1527.*

⁶ *Ad Vegetium lib. II. cap. XXXVIII.*

⁷ *Diſſertation ſur les Trirèmes, ou
Vaiſſeaux de guerre des Anciens. à Pa-
ris 1721.*

⁸ *Hiſtor. Nav. Antiqu. lib. III.
cap. 49. Londini 1633.*

⁹ *Memoires de Trevoux. Septem-
bre 1722.*

¹⁰ *V. Caſſou, in Rouville Iſtoria
Romana tom. VII. Venezia 1732.*

¹¹ *Antiquit. Roman. P. II. num. v.
Romae 1612.*

¹² *De Remig. P. I. cap. II.*

¹³ *De fabrica Trirém. Graev. t. XII.*

¹⁴ *Cronſer Scheffer ubi ſup.*

¹⁵ *Eſſai ſur la marine des Anciens,
in particulièrement ſur leurs Vaiſſeaux
de guerre. à Paris 1748.*

¹⁶ *In Faſtis pag. 140.*

¹⁷ *Theſaur. Num. tab. LXXVIII.*

¹⁸ *Loco mox indicato, ubi cujuſmodi
num. ſcripta recentior.*

¹⁹ *Oſſervazioni ſopra alcuni Meda-
glioni pag. 288. Romae 1698.*

dius¹ : quibus in nummis bellicarum navium remi a thalamo ad tranum ad diversam altitudinem, qualisque per gradus protensi visuntur; ut vere quavis in triremi appareat, fuisse nautas imos, medios, summos, quorum alii longioribus, alii brevioribus peterent aequora remis. Nullum, ut fatear quod res est, ex hisce nummis hactenus mihi licuit nancisci, imo Carausii aureos necdum videre: aereum tamen hujus Tyranni ante viginti annis nobis contemplandum exhibuit ὁ πάλιν philologus, quem in his studiis auctorem, moderatoremque nostri amantissimum habuimus, Apostolus Zenus, ὁ καὶ ἐκ ἀγίων. Typi raritate, operisque elegantia capti illius imaginem cera signatoria impressam adservavimus, quam quum a caelatore aeri redditam hic intueberis, oculis ipsis usurpare poteris, quemadmodum,

. triplici CONSVRGVNT ordine remi;

& quam vere auctor Tacticorum scripserit: ἡ μονήρης, καὶ δισήρης, καὶ τριήρης κατὰ τὰς εἰχὰς τὰς ΚΑΤΑ ΤΟ ΤΥΟΣ ΕΠ' ΑΛΛΗΛΟΙΣ, Soliremis, Biremis, & quae sequuntur, ab Ordinibus SECVNDVM ALTITVDINEM, VNVS SVPER ALTERVM² nuncupantur.



Eadem prorsus biremium, triremiumque deformatio ad oculos occurrit in aliis optimae vetustatis monumentis; ac ne quid dicam de Praetoria Trajani, in columna κολλώδεις exsculpta, de

D 2

mo-

¹ Ubi supra. Confer praeterea Cl. Arbutnotium, *Dissertation concerning the Navigat. Of the Ancients*. London 1727.

² Leonis Sapientis *Tactica*, sive de

Re Militari num. xix. Lugdun. Batav. 1612. V. Annotazioni di Filippo Pigafetta al Trattato di Leone Imp. Venezia 1586.

qua dubitatio posset suboriri¹, quid praestantius, aut accommodatius veteri illa pictura triremis exquisitissimi operis, inter rudera montis Palatini anno MDCCCXXIV. detecta, cujus graphidem deinde evulgavit Turnbullius², in qua scientissimus pictor ternos remorum ordines perspicue, distincte, adamussim, alterum altero superiorem, ut re ipsa dispositos in aliqua Trierre proculdubio observarat, pennicillo expressit? Illius exemplar ad fidem autographi inter ceteros delinearat Eq. Petrus Leo Ghezzius, ex cujus pictoriis Schedis, ab ipso paucis ante mortem annis in Vaticanam Bibliothecam inlatis, diagramma proponam picturae fortasse similis³. In quo rerum genere quamvis sciam nihil esse difficilius, quam vel aetatem definire, vel auctorem tuto cognoscere; verumtamen si ad locum spectemus, ubi pictura reperta est, utrumque fortasse colligere licebit. Quum itaque a classicis, oculatisque testibus acceperim, conclave, sive stibadium, sive atrium, cujus tholo imagines fuerant superinductae, fuisse in orientali Palatii parte, quam Augustus summa

¹ Quas Raphael Sanctius, Julius Papi, Sanctes Bartolus, alique egregii pictores delinearunt hujus Columnae imagines, tres remorum ordines in Traiani Praetoria referunt. Duos tantummodo exhibuit Andreas Morellus, qui universa illius emblemata descripsit, aetrique incidit ex gypseis formis, quas LUDOVICVS MAGNVS circa an. MDLXX. permissu P. M. exprimi fecerat, quum eandem Columnam ex aere constitam Parisiis spectatissimo in loco erigere meditaretur. *V. Praef. ad Colum. Trajan. Morell. Op. segm. a. 30. Amstelodami 1752.* In quo Helveticum hunc scriptorem minus accurate fecisse persuasum habeo. Sed dubitatio de eo potius suboritur, an remiges alii alii essent superiores; exigua enim adeo est inter remorum ordines distantia, ut nautae in una, eademque contrabulatione stantes possent supremos juxta, ac infimos tractare remos. Eam certe fuisse structuram *biremis*, qua Imperator Palaeologus, & Patriarcha Cyprianus subvecti Italiam appu-

lerunt Concilii Florentini causa, perspicui poterit ex illius schemate in aeneis valvis Basilicae Vaticanae, quas Eugenius PP. IV. fabrefieri, caelarique fecit, Polatolo artifice Florentino adminiculante. Eiusdem biremis iconem exhibuit Horatius Justinianus in *Ad. Concil. Florent. P. 1. pag. 70. Romae 1638.*

² *Treatise Of Ancient Painting. Tab. xxv. London 1740.* Accepimus dudum inter memorabilia Herculaneum, atque picturas, auro contra aestimandas, quae e terrae gremio ad radices Vesuvi in dies eruantur, tabulam fuisse repertam, referentem similiter triremem ordinibus remigum per assurgentes gradus instructam, Vtinam & rei litterariae bono, & controversiae magis, magisque dilucidandae, haec admiranda vetustatis monumenta in vulgus prodeant aliquando.

³ Adservantur schedae Ghezii in plateis, qui sunt in conclavi Calligraphorum ejusdem Bibliothecae.

ma magnificentia aedificarat (quae enim ad occidentem respiciunt a successoribus Tiberio, Nerone, Caligula, Domitiano additae sunt) ad illius aevum censeo, picturam posse congruenter revocari. Inclaruit autem, referente Plinio¹, per id tempus ingenii laude, operumque nobilitate Marcus Lidius Elotas, qui Augusti aetate primus instituit amoenissimam parietum picturam, villas, & porticus, ac topiaria opera, lucos, nemora, colles, piscinas, euripos, amnes, LITTORA varias ibi obambulantium species, aut NAVIGANTIVM, terraque villas aduentium Idem subdialibus maritimas urbes pingere instituit, blandissimo aspectu. Quid igitur prohibet, quominus nostram picturam Lidii opus credamus? Habes illam.



Quandoquidem vero Turnbullianae collectionis nonnisi titulum, & aliquot solitaria schemata haecenus videre licuit, quid ille de hujusce tabulae affiguratione senserit, ignoramus, sed quae nobis animo sententia surgat, summatim proferemus. Hic itaque partem Virgilianae historiae, qua tantopere delectaba-

¹ H. N. lib. XXXV. cap. X.

stabatur Augustus, repraesentari non inani conjectatione auguramur. Stat in littore Carthaginensi infelix Dido, gravi jam dudum saucia cura, ibique Aeneam, quem egentem, & hospitem exceperat, regnique in parte locarat, lacrymis, precibusque flectere conatur, ne suas deserat terras, eumque ex Jovis jussu discessum meditantem, morari fatagit. At pius Aeneas, quamvis multa gemens, & magno labefactus amore, jussa Divum exequi, & Italiam petere parat. Idcirco jam ad ripam appulit triremis, jamque ut in eam conscendat, aptata est ad ageam scala; cujus ascensum Dido praeoccupasse videtur, quominus Aeneae pateat ad profectionem. Ut regius plane est Didonis vestitus, ita heroicus Aeneae, alteriusque Trojugenae militis, & qualis Teucris attribui solet. Condonandum tamen heic est Virgilio, aequae ac Lidio, quod per insignem ἀναρχοσιμον, tempore belli Trojani triremes exstitisse putarint, quae nonnisi ccc. annis post Ilii fatum Corinthi, Aminocle naupego, fabricatae sunt. Sed quemadmodum in carminibus poetae licuit, naves bellicas fingere, quales aevo suo fabrefieri cernebat, ita pictori, quum perornandis concamerationibus domus Augustae Virgilianas fabulas udo tectorio induceret, earumdem navium exemplum ab usitatis, & communibus sumere. Rectius quidem fecisset artifex, si Didonem non alloquentem Aeneam juxta triremem, sed abeuntem Trojanorum classem ex proxima arce spectantem pinxisset, verum pictoribus haec audendi, variandique est concessa potestas. Ceterum si aliam potius ex his fabularibus narrationibus, quibus abundant Graecorum libri credideris hac tabula proponi, neutiquam tibi adversabor: neque enim id agitur hoc tempore; sed ideo in uno Virgilio substiti, quod aliae picturae, in monte Palatino eruderae, Aeneae gesta non obscure indicarent. Nihil etiam de hujus triremis acrostolio, aplustri, tutela, & signo, aut de *Umbella* medio in navis encopo infixi disputabo; sed quod rei caput est, quodque in tota hac oratione propositum fuerat unice, exequi, & urgere praestat. Itaque nihil in hoc navigio ad praesens spectari volo, nisi remorum dispositionem; qua quid potest esse gravius, aut testatius ad veterum scriptorum sententiam defendendam? Contra vero nullus est numismatum typus, nullum-
que

que antiqui artificii marmor, quod in suae hypotheseos probationem ceteri acutissimi scriptores possint asserre. Quapropter licet haec de triremium forma, remigumque positione toties tentata quaestio, insuperabili aditu impervia videatur; illud pro certo constitui poterit, primis illis, quos enumeravimus, scriptoribus antiquitatem ipsam utcumque favere; in ceteris nihil laudandum, praeter ingenium, & in re summis obstructa difficultatibus conatus, & acumen.

Etiamne parum auctoritatis habere videntur dicendi formulae, quibus antiqui scriptores perpetuo usi sunt, quum de navigiis bellicis verba facerent? Lucanus quadriremem ita definit¹.

*Cornua Romanae classis, validaque triremes,
Quasque quater surgens extructi remigis ordo
Commovet, & plures quae mergunt aequora pinus.*

Lucano succenturiandus Vegetius, a quo aptissima locutio-
ne illud est dictum: praeliaries naves interdum quinos sortiuntur re-
migum GRADVS; nec hoc cuiquam enorme videatur, quum in Asia-
co praelio longe majora referantur concurrisse navigia, ut seniorum
etiam, vel ultra ordinum fuerint². Insignis quoque est ad eam sen-
tentiam Pausaniae locus, ubi navigium Deliacum magnitudine
insigne commemorat: ΚΑΘΗΚΟΝ εἰς ἐννέα ἑτάμους ἀπὸ τοῦ κατὰ
ἐσπίματος, DESCENDENS in novem ordines (remigum) a tabula-
tu³. Dic fodes, V. Cl., an haec verba, *consurgo, surgo, extruo,*
gradus, descend possint umquam ab optimo latini sermonis inter-
prete ad remigum ordines in eadem aequabili superficie dispo-
sitos convenienter accommodari? Sequitur adnotanda remorum
diversitas, quam duo a me producta monumenta manifesto praes-
ferunt: qua in re monetarium, pictoremque nihil inconsidera-
te, nihil inscite, nihil pro suo arbitrato egisse, sed plane ad
veritatem omnia repraesentasse, Arrianus, Thucydidesque spon-
sore accedent. Ille equidem de biremibus, quibus Alexander
Hydaspem, & Accesinem navigabat, ait: διὐρῶν, ΤΑΣ ΚΑΤΑ ΚΩ-
ΠΑΣ

¹ Lib. 111. de Bello Civil. Lugdun.
Basil. 1669.

² D. R. M. lib. 14. cap. xxxvii.

³ Lib. 1. Attica edit. Kunii. Lipsiae
1696.

ΠΑΣ ἐκ ἐπὶ πολὺ ἔχω ἔχουσας τῷ ὕδατος, *ipsarum REMI INFERIORES parum admodum erant supra undam dispositi*¹. Memorable etiam, quod Thucydides accidisse narrat in classe Athenien-
 sum, quum in Epidaurum, & Potidaeam contenderet: *πρὸς τῷ ἐκ δημοσίου μεθ' ὃ δίδωται τοῖς θρανίταις τῷ ναυτῷ*, *praeter pu-
 blicam nautarum mercedem, alia thranitis contradebatur*². Sed cur
 Trierarchi liberalius cum hoc uno nautarum genere agendum
 censuerunt? Vnicam, veramque causam ex veteri Scholiaste ha-
 beto: *οἱ δὲ θρανῖται μετὰ ΜΑΚΡΟΤΕΡΩΝ ΚΩΠΩΝ ἐρέττορες
 πλείονα κόπον ἔχουσι τῶν ἄλλων*. *Tranitae autem LONGIORES
 REMOS trahentes, magis quam alii delassantur*. Praeter haec nes-
 cio in aliquid queat afferri evidentius ad varias hypoteses illas
 rejiciendas, nostramque sententiam confirmandam: non enim
 possunt esse remi alii inferiores, & aquae proximiores, alii pon-
 derosiores, longioresque, nisi nautas ad diversam distantiam a
 maris superficie gradatim in triremi constituas.

Denique remiges in diversis contabulationibus fuisse positos,
 dum aequo impulsu, paribusque lacertis navem versarent rem-
 mis, satis magno argumento sunt duo Romanae historiae moni-
 menta. Quum enim M. Agrippa ad promontorium Peloritani
 sua triremi Papiæ navim summa vi petiisset, teste Appiano³ il-
 lam perfregit *παρὰ τῆς ἐπ' αὐτῆς circa carinam*, ita ut mare in na-
 vim admissum infimum remigum ordinem praefocarit, quorum
 misero, subitoque naufragio zygitae, thranitaeque perterriti,
 fracto regate, enatarunt, mortique se se eripuerunt. Sane,
 nisi alii aliis a carina fuissent remotiores, omnibus idem im-
 pendisset periculum, nec superiores nautae, infimis pereuntibus,
 perfugium illud habuissent. Huc etiam spectat illa Sillii Italici de
 II. bello Punico narratio. Iniecto a Carthaginiensibus in Cumanam
 Romanorum navim igne, sic puppim universam exarxisse, cele-
 rique incendio superiorem partem continuo sic conflagrasse, tra-
 dit poeta, ut summi nautae remos abiicere, & effugium quae-
 re cogerentur. At mirum! dum agilis flamma quaquaversum
 percurreret, infortunii adhuc nescii erant remiges infimi or-
 dinis⁴.

Intrat

¹ De Exped. Alex. lib. xv. edit. Blan-
 cardi Amstelod. 1668.

² Hist. Bel. Peloponn. lib. vi. edit.
 Ducheri Amstelodami 1731.

³ Bel. Civil. lib. v.

⁴ De II. Bel. Punic. lib. xiv. v. 424.
 edit. Dufquii Paris. 1618.

*Intrat diffusus pestis vulcania passim
Atque implet dispersa foros, trepidatur omisso
SVMMIS remigio; sed enim tam rebus in arctis,
Fama mali nondum tanti penetrarat ad IMOS.*

Porro si in longum, aut in latum utcumque dispositi fuissent nautae, qui fieri poterat, ut ignis, qui nedum in puppi, (ubi summi remiges) ardebat, sed per foros supremi pavimenti vagabatur, non esset zygitis, thalamitisque conspicuus? Ergo contabulationes minime sub dio erant, invicemque patulae, sed catastromate sic dividebantur, ut rumor rerum, quae superius agebantur, non tam cito inferius pervaderet. Frivolum autem dictu est, quod Catrovius, & Roullieus¹ excogitarunt ad Silii auctoritatem elevandam, nimirum poëtam ἐμφανικῶς esse loquutum, nihilque aliud animo intendisse, nisi ut rerum omnium perturbationem significaret, quam incendium momento temporis adduxerat. Sed aliter omnino ab his auctoribus esse aestimandum, nec Silium aestro abreptum a ceteris scriptoribus in constituenda ordinum, & remigum varietate discrepare, facile intelliges, si quae hactenus memoravimus, cum illius descriptione vel leviter componas. Verum quis illud sibi obtrudi patiatur, in ingentibus illis navibus polyremiis, quas a Ptolemaeo Evergete, Demetrio Poliorcete, Philippo Macedonico, Hierone Syracusano, Ptolemaeo Philadelpho, & Philopatore duodecim, quindecim, sexdecim, viginti, triginta, imo & quadraginta ordinibus instructas legimus, unumquemque remigum ordinem alterum alteri fuisse superpositum? *Vtinam tam facile vera invenire possem, quam falsa convincere*²! Attamen ad veterem illam sententiam excludendam non satis aptum, firmumque argumentum repeti videtur ex inutilibus, magnisque illis molibus, quas Regum vel in mari lascivientium otiosa pecunia ad ostentationem paraverat; quandoquidem illas vel inhabilis magnitudinis³, & ad omnia praepeditas⁴, vel ad vanitatem magis, quam ad usum⁵, vel

E

non

¹ Vbi supra.² Cicero de Nat. Deor. I.³ Livius lib. xxxi 11. cap. xvi.⁴ Florus l. iv. c. xi. Trajani 1680.⁵ Plutarchus in Demetrio.

non suis remis actas, sed remulco deductas comperimus¹. Quod ad reliquas minoris magnitudinis spectat, ego equidem in ea sum, semperque perstabo opinione, naves aliquot bellicas fuisse, quales in allatis monumentis observavimus, qualesque posterioribus saeculis renovatas² non injuria augurari me posse arbitror. Et quamvis

1 Athenaeus *Deipnosoph.* l. v. edit. Casauboni Lugduni 1657. Viderat id jam immortalis noster Zenus in epistola ad Rinaldum Comitem Carllum, (*Lettere di Apostolo Zeno tom. xrl. let. 179. Venezia 1752.*) in hac controversia aestimanda nullam esse habendam rationem ingentium illarum navium, quippe quae non ad usum, sed ad spectaculum comparabantur. In qua tamen epistola unum est, quod plurimum miramur. Clariss. Carlius in Patavino Gymnasio Nauticae tunc Antecessor, editurus miridissimum opus della *Spedizione degli Argonauti in Colco*, quod deinde quatuor libris complexus est, ediditque Venetiis 1745. Zeni sententiam de triremium structura exquisierat: nullus enim ferme fuit hujus aetatis philologus, qui a viro supra fidem eruditissimo, tamquam ab oraculo, responsa non quaereret. Quid igitur Zenus ad Carlii postulata? *La quistione da lei proposta mi intorno alla figura della Trirème Pretoria, cioè se ella fosse disposta, e figurata con uno, o più piani, e se con uno, o più ordini di remi, non è facile a sciogliersi, e determinarsi...* Quanto alle medaglie, tutte quelle, che mi è occorso di vedere, e di avere, che non son poche, rappresentano esattamente la Trirème Pretoria con un sol piano, e un sol rango di remiganti, e di remi. Quo fortasse testimonio fretus amicissimus Carlius in diatribae epistolari de figura triremium, quam nobis inscripsit humanissime, typisque excusam dedit in *Ephemerid. litterat. Mediolanens. ann. 1756. n. 111.* affirmavit, nihil huic quaestioni defi-

niendae ex veteribus monumentis certo repeti posse. Miramur sane, ea Zeno excidisse, qui Carausii nummum ante paucos annos ostenderat, & sic firma, ac tenaci fuerat memoria, ut quae semel viderat, aut legerat, omnia in numerato haberet. Sed plura condonanda illustri huic viro, qui dum scriberet, non minus aetatis flexu, quam prostrata valetudine premebatur, quique aperte fassus est, epistolam se conscripsisse nullo adhibito studio, sed tumultuarie, nihilque aliud mandasse chartae, nisi quod, calamo properante, menti succurreret. Ex quibus intelligere licet, quam male Clarorum virorum nomini, & splendori consulant, qui illorum epistolas, plenas festinationis, & pulveris, vix ab obitu, ad unam omnes sine ullo defectu evulgent; quas, si palam prodire sussiſſet, earumdem auctores secundis, & tertiis etiam curis retractassent.

2 Diversa proculdubio a triremibus per haec tempora usitatis videntur fuisse navigia bellica, sive ea, quae Emmanuel Comnenus belli sacri gratia in Syriam dimisit, a Goillelmo Tyrio his verbis descripta: *erant in praefato exercitu naves longae, rostrate, geminis remorum instructae ordinibus, quae vulgo galeae dicuntur.* (lib. xx. cap. xiv. *Basleae 1549. curante Pessinetto*) sive ea, quae Rogerius Rex in Apuliam littoralem contra Graecos adduxit, de quibus Otho Frisingensis ita loquitur: *aptatis triremibus, & biremibus, quas modo galeas dicere solent* &c. (*de Gest. Federic. cap. xxxi. script. R. Ital. Mediolan. 1753.*) Quid est, quod haec navigia pluribus praedita

or-

vis de remorum tractandorum ratione, deque nautica in polyremibus opera, quae hominum ingenia tamdiu torfit nihil omnino dilucide, & persuasibiliter me posse depromere fatear; nihilominus quum scriptores antiqui pene omnes videantur diversitatem navium bellicarum, triremium, quadriremium, quinquere-
mum &c. ab ordinum, versuumque in altum assurgentium nume-
ro, ac multitudine repetere, Montfauconii illud usurpare so-
leo: *licet non intelligam, credere tamen malim, quam tot antiquis*

E 2

scripto-

ordinibus dicantur, & alia fuisse biremes, alia triremes tradatur, nisi quia reapse ab his, quae uno tantum ordine instruebantur, forma, structura, magnitudine, remorumque collocatio-
ne differebant? Nam erat illis tempo-
ribus aliud *galene* genus, quod cum
hodierno potest comparari; enim vero
de Roberto Guischaro illud perhibet
Anna Comnena: *ἀντί τῶν παλίων γα-
λέων ἱερὸν τὸν Κωνσταντῖον, ἵππε ὄντι
γάλεν ὡς τὴν ὑνέρεμιν τῆς Κεφθαλίας* te-
nuit. (*Alexiados* l. vi. *Scrip. Byzant.*
Venetis 1729.) Igitur priores illae
naves, ordinum numero monere ma-
iores, cum vetustissimis triremibus ali-
quam videntur habuisse similitudinem.
Sed longe probabilius rei nauticae an-
tiquae feliciter renovatae monumen-
tum suppetit in historia Venetorum.
Quemadmodum res se habuerit a prin-
cipio commemorandum. Victor Fau-
stus obscurus quidem genere homo, sed
ingenio peracri, & subtili circa ann.
c151. xxxvi. *Quinquere-mem* Venetis
fabricavit, quae maximam in tota
urbis admirationem movit, & illu-
strum, doctorumque virorum praeco-
nia artifice conciliavit. Fuit autem no-
vum illud, & insigne Fausti inventum
diuturni in mathematicis disciplinis
studii fructus, atque etiam assidue le-
ctionis operum Thucydidis, cujus con-
ciones in latinum venerat. (*Istoria
degli Scrittori Veneziani del P. Gio-
vanni degli Agostini tom. 11. pag. 435.
(9. seq. Venezia 1754.)*) Nulla equidem
hujus quinquere-mis superstes est imago;

quare de illius forma nonnisi conjectan-
do quicquam proferre possumus. Nihil-
ominus quum ea perlego, quae de il-
la scriptores coevi literis tradidere,
verosimilius mihi videtur, habuisse
remigum ordines alios aliis superposi-
tos, atque parallellos. Natalis Comes
(*hissor. Venet. lib. xx1.*) ait, Faustum
mathematice navigium excogitasse ad
imitationem antiquorum; quod ipse
Victor fufius tradit ad Joh. Bapt. Ra-
mnusium. (*Epistolae Cl. Viror. pag. 73.*)
Ideoque quum de illius usu exortae ef-
fent controversiae, suae quinquere-mis
utilitatem ille defendit praeclearis histo-
riis in medium allatis, ut in vita Car-
dinalis Navageri perhibetur. *pag. 70.*
Igitur nonnisi in pervetustis monumen-
tis hujus navis exemplar quaerendum.
Quid autem haec, nisi ordines supe-
riores, & inferiores, ut tota hac se-
ctione demonstratum est, probabilis
praefecerunt? Praeterea Lucilius Ma-
gius Brixianus (*Epist. familiar. lib. 1.*)
addit, Faustum quinquere-mis fabri-
candae exemplum ex Thucydide de-
prompsisse, & Pancratius Justinianus
(*Epist. Ann. 1111.*) illam comparat
his, quae in Carthaginiensium, Ro-
manorumque classe fuerant. Atqui in
navibus Thucydideis ordines remi-
gum scalares fuisse, ex Scholiaste ex-
notavimus, eisdemque persimiles ex-
stitisse Punicas, indeque Romanas, ex
Polybio, Livioque argumentando sa-
cile eruitur. Faustus ergo ordinum va-
rietatem antiquis usitatam videtur re-
vocasse.

scriptoribus fidem donegare ¹. Atque haec in gratiam Praetoriae Antonianae dicta sunt; jam ad reliquas nostri denarii proprietates explicandas revocetur oratio.

S E C T I O S E X T A.

Quare Herculeae emblemata in nummis M. Antonii Consularibus saepe frequenter occurrant. Dignitates, quas Antonius in Republica est consequutus. De illius Auguratu, quem sic ambitiose retinuit. Characteres illi AVG. nostro denario inscripti, perversae a Larreio explicati. Supposititius nummus de Antonii Auguratu ab Oiselio productus. Cetera auguris symbola in Antonianis nummis indicantur. Alia Sacerdotia M. A. obtinuisse, ostenditur, sed Dianae Ephesiae Flaminem fuisse, negatur. De usu, & valore hujus nostri nummi inquiritur. Pro diurno militum legionariorum stipendio fuisse usum, & decem assibus permutatum, evincitur.

QUAM latinorum disertissimus Tullius Antonio interdum exprobrabat immoderatam honorum cupiditatem, & intolerandam sui ostentationem, cum multis ille patefecerat, tum hoc in primis, quod se ex Antone progenitum vendicaret, ac non modo ex magna, & vetere prosapia, sed Herculis statu ortum depraedicaret. Atque ex hoc procaci fastu, ex hac superba animi elatione profectum est, ut Herculeae insignia suis nummis insculpi, affectaret cupidissime. In iis enim frequentissime occurrunt, se sequere ostendunt vel ipsius Herculis caput, vel leonina pellis cum elava,

Prima Cleonaei tolerata erumna Leonis,

vel arcus, & pharetra, quibus aves stymphalides, aliaeque monstra fortissimus Deorum edomuit, sauciavit, interemit. Quamquam nescio, an hanc fabulosam sui originem ostentare vellet Antonius, quum post bellum Pharsalicum primus omnium, ut Plinius refert ², leones jugo subdidit, eosque ad currum, rhedamve adjunxit; an potius feri, & immitis animi arrogantiam percuperet ostentare. Nummo L. Antonii, Marci Fratris hic

trium-

¹ *Antiqu. Expli. tom. IV. part. II. lib. 2. des Navires à Paris 1722.*

² *B. N. lib. xlii. cap. xvi.*

triumphus est exsculptus; quo emblemate usi sumus priori huius operis litterae perornandae. Quid plura? ab Hercule se genus duxisse Antoniis adeo persuasum fuerat, ut leonem quasi pro familiae insigni habuerint, quod deinde Lugdunenses, huic genti plurimum devoti, ad illius benevolentiam artificio, & assentatione captandam, cum Urbis nomine Antonianis denariis imprimi voluerunt¹. Haec utique spectabat Cicero, cum Attico suo scriberet: *tu Antonii leones pertimescas*². Sed quae summa, & amplissima in Republica erant fortuna magis, & audacia, quam nobilitate duce, & virtute comite est ille consequutus; inque cellissimam dignitatis, & honoris sedem non tam laboribus, & periculis, quam fraudibus, & improbitate ascendit. Quis autem fuit altissimus equestris splendoris gradus, qui Antonio tandem non patuerit? Semel, & iterum Imperium fuit illi collatum, Praetura urbana, ac peregrina tributa, tres Consulatus concessi³, triumphus gloria tertium decreta. Quae quidem illustria honoris indicia non modo nummorum epigraphae significari voluit Antonius, sed & figuris, variisque in illis incisus emblematis, coronis nimirum, tropaeis, clypeis, quadrigis, devictarumque provinciarum symbolis. Verum est illud animadversione dignissimum, mi RONCALLE, quod et si Tribuni plebis, Magistri equitum, Imperatoris, Consulibus, Gymnasiarchae, Agonothetae, Illvirique titulo gloriaretur, adhuc tanti fecerit adeptum olim *AVGVRA TVS* sacerdotium, ut in plerisque

¹ De Rubys *Histoire véritable de la ville de Lion* liv. 1. cap. xxx. à Lion 1604. Paulo fufius haec tradit Menetrierius, *Eloge historique de la ville de Lion* part. 1. §. xv. 1669. Ce Lion étoit l'ancienne devise de la Colonie, que Plancus avoit amenée, & qu'elle avoit été le sujet du nom de cette ville.

² Epist. ad Attic. lib. x. ep. 13.

³ Primum Consulatum gessit una cum Julio Caesare an. V. C. dccxix. in cuius interfecsi locum ipse sibi Publium Dolabellam collegam suffecit. Consul iterum factus an. dccxxix. ubi tamen se sponte hoc magistratu abdicavit. Consul tertium designatus est an. dccxxii. Quia tamen paulo post bo-

stis Reipb. declaratus, hunc Consulatum non iniit. Hantbaler *Exercitationes de Num. Vet. Dial. x. num. xlv. Norimbergae* 1735. De III. Marci Antonii consulatu exstat in Thesaurò Britannico Graecus nummus parvis, putis litteris utrinque distinctus. Hinc legitur, ANTO. TPA. Γ. Antonius Conf. III., illinc ΒΑΣΙΛ. ΘΕΑ ΝΕΑ. Regina (Cleopatra) novæ Dea. Quem tamen Magistratum nonnisi in Aegypto obtinuit. Dum enim ille hoc titulo gloriaretur, Consulatum Romæ agebant Augustus tertium, & M. Valerius Messala. *Del Tesoro Britannico P. 1. volum. xi. pag. 171. Londra* 1720.

que a se, vel ab urbibus, populisque in sui honorem procusis nummis AVGVRA dici jusserit, quemadmodum in hoc tuo factum conspicimus, ubi, ceteris praetermissis majorum Magistratuum nominibus, legitur: ANT. AVG.

Nihil huic rei explicandae afferri poterit illustrius, aut gravius illis Tullii verbis in II. de legibus: *Maximum autem, & praestantissimum in Republica jus Augurum, quum est auctoritati conjunctum. Neque vero hoc, quia sum ipse Augur ita sentio, sed quia sic existimare nos est necesse. Quid enim majus, si de jure quaerimus, quam posse a summis imperiis, & summis potestatibus comitiatus tollere? concilia, vel instituta dimittere, vel habita rescindere? quid gravius, quam rem susceptam dirimi, si unus Augur alio die dixerit? quid magnificentius, quam posse decernere, ut se magistratu abdicent Consules? quid religiosius, quam cum populo, cum plebe agendi jus aut dare, aut non dare? quid? legem, si non jure rogata est, tollere? ut Titiam decreto Collegii, ut Livias, consilio Philippi, Consulis, & Auguris: nihil domi, nihil foris per Magistratum gestum, sine eorum auctoritate posse cuiquam probari?* Adde huc, quod auguratus viventi numquam adimeretur¹. Quae omnia quum Antonius optime nosset hujus amplissimi Sacerdotii dignitatem, auctoritatemque in omni fortunae gradu sollicitè retinuit: eo magis, quod ad callidissima sua consilia explenda, teste Cicerone², interdum auguratu feliciter usus fuerit. Longissime autem abest a vero, ea Larreii interpretatio, qui siglas illas in nummis M. Antonii perfrequentes, IMP. AVG. ita ineptissime reddidit, *Empereur Auguste*³. Nam quamvis anceps fortasse sit vocis AVGVSTI originatio⁴, nulli tamen, nisi post Octavianum, tributa est honorificentissima haec appellatio, ut Dio ait, ad τῶν πρῶτων ἀξιώματος λαμπρότητα dignitatis splendorem, significandum: qui primi honoris titulus deinde in toto orbe Romano summi fastigii, summaeque potestatis insigne evasit

¹ Cap. XII. Confer Conyers Middleton *vita di Cicerone* lib. XII. note tom. IV. Napol. 1745.

² Plinius II. *epistolae* I. IV. ep. VIIII.

³ Hic bonus Augur eo se sacerdotio praeditum esse dixit, ut Comitibus auspiciis vel vitare posset. Cicero *Phi-*

lip. II. cap. XXXII.

⁴ Latreij *Histoire des deux Triumvirs* tom. III. cap. XXX. à Amsterdam 1720.

⁵ V. Joh. Matthiae Gesneri *Thesaurum ling. & eruditionis Rom.* ad eam vocem. Lipsiae 1749.

sit ¹. Augur itaque, non vero Augustus dici voluit Antonius, quod testatius patet in subjecto numismate, anno, quo iterum Consul designatus est, procuso, ubi ipse Antonius toga, sive tra-bea, sive laena amictus capite velato, cum baculo incurvo, videlicet cum omni augurali apparatu visitur, epigraphæ adjecta
M. ANTONIVS M. P. M. N. AVGV. IMP. TER.



De Antonii auguratu quoniam injecta necessario mentio fuit, dolus heic retegendus, ut mihi quidem visum est, Johannis Jacobi Bonsagnæ Parmensis, coævi Johannis de Cavino Patavini, in effingendis ad exemplar veterum numismatibus celeberrimi, de quibus Apolline dextero lusit Vionnetus ².

. Patavine dolosus,
Parmensisque typis mendacibus indere vultus,
Atque novum potuistis opus donare vetusta
Effigie, miraque oculis illudere fraude.

Horum itaque primus Cavino tum ingenio, cum solertia, meo judicio, superior nummum cudit, in quo Triumviri cer-nuntur ante Tripodem, cui Orbis impositus est, quasi de totius terrarum orbis imperio inter se dividendo consilia ineuntes. Antonius medius stat inter Octavianum, & Lepidum, & ut-pote Augur, nedum nobiliorem occupat locum, sed lituum lae-va manu attollit. Infra IIIvirorum pedes sedet Concordia hinc
cadu-

¹ Rideas profecto subtilem illam Harduini partitionem, operum selectio-rum pag. 477. Amstelod. 1709., distin-guenda esse in nummis ea vocabula, Imperator, Princeps, Augustus: quod Imp. in exercitu, Princeps in Urbe, Aug. in provinciis sit appellatus &c.

Quæ quamvis aliquam ingenti præfeferant speciem, nullam tamen ha-bent veritatis.

² Georgii Vionnet S. J. Museum Nummarium part. IV. edit. Helmstædii 1744. ex recensione cl. Schlaegerl.

caduceum, pacis, mutuaeque amicitiae symbolum gerens, illinc vero *Cornu-copiae*, futuram ex hac nova imperii forma rerum, abundantiam quasi praenuncians. Quod multo *luculentius* innuere voluit caelator, addito circum lemmate, SALVS GEN-
ERIS HVMANI. Quum autem hi sagacissimi artifices ad gratiam, auctoritatem, pretiumque operi conciliandum verosimilia, & personis convenientia plerumque insculperent, & ex certa aliqua, memorabilique historia totius affigurationis argumentum repeterent, crediderim, Bonsagnam in hoc typo fabricando ad ea Lucani carmina lib. 1. fortasse respexisse:

O male concordēs, nimiaque cupidine caeci,
Quid miscere iuvat vires, ORBEMque tenere
IN MEDIO?

Hujus aerei nummi schema ex Tabulis Oudaani edidit Jacobus Oiselius *tab. LXXVIII. num. VI.* Ast oculo si quid censore valebis, & cautior observabis opus, facile ex illius structura cognosces, ab antiquorum numero esse expungendum, & Groningensem Professore[m] Parmensis arte, fraudeque illudum fateberis. Adde huc, quod superba illa, & arrogans inscriptio SALVS GEN. HVMANI ante Galbam in sincera, puraque moneta minime occurrat. Nam etsi consueverint antiquarii ad calcem Consularium nummos apponere, quibus circum victoriam, aut in corona querna tria haec ipsa verba insculpta, sunt, eosque vel ad Familiam Juliam, vel ad aliam illius aevi referre; serius ego publica forma signatos affirmaverim¹. At inquires, ecurr ergo ad hanc ipsam pseudonummorum classem non etiam ablegandus alter Triumvirorum eadem cum inscriptione, de quo nuper diximus in adnotatione pag. 15.?

Ad

¹ Novi profecto circumferri nummum Augusti, in quo Victoriam *elypeum votivum* gerentem excipiunt eadem verba, SALVS &c. Cui quidem nummo in serie aureorum locum concessere nonnulli scriptores, ut enarrator Arschotanus in *Aug. Antwerpiae* 1654. & Bicus, *Numism. Imp. Tab. II. edit. II. Amstel.* 1738. ex quo bona fide exscripit Blasius Caryophilus de *Clypeis veter. pap. 84. Lugd. Batav.* 1751. Sed hunc etiam, si me audis,

pro spurio habeto. Genuinus sane est, qui victoriam cum CL. V. praefert, sed veterator aliquis, ut quaestum faceret ex novitate, antiquo typo epigraphen de Galbae, & Commodi, Caracallae, Trajani &c. nummis haustam adjecit: ut est horum hominum mos, qui quò facilius possint tacitis illudere furtis, aut notis symbolis novam inscriptionem, aut usitatae inscriptioni mira symbola dolose alligant.



Ad supposititios utrumque dejice, per me licet: vereor namque, ne ejusdem sint furfuris: verumtamen quum alterum tantummodo prae oculis habuerim, ac Bonsagnae artem, & caelum recognoverim, hunc libere damnavi; sed de priore, quandoquidem is in manus mihi hucusque non incidit, aliorum sit judicium. Ceterum ne mihi culpa vertas, quod ea in adnotatione ad fidem faciendam monumentum fin minus falsum, mihi saltem dubium attulerim, discriminis causam jam habes, quare alterum libere rejecerim, alterum penitus improbare non ausus fuerim. Memineram etiam, dum scriberem, magnum Spanhemium in pereruditis animadversionibus ad Juliani Caesares¹ pro genuino habuisse: a quo tamen mihi fas est dissentire, quod cum illo alterum a nobis mox jure repudiatum uno in schemate conjunxerit, nihilque de alterutrius falsitate addubitarit. Sed ad Antonium redeamus.

Ex tanta Auguratus existimatione, quae illius animo alte insidebat, certe profluxit, ut in plerisque aliis nummis juxta illius caput *lituum* adpositum videamus, & in aliis una cum lituo guttum sacrificum, simpulum, aguraculum, vas praefericulum, securim, apicem pontificalem, aspergillum, & pulum gallinaceum, ex quo tam varia, sed vere ridicula *divinationes* capiebant auspicia². Aliud etiam sacerdotium ab Antonio ambitiose susceptum comperimus; siquidem fuit ille de-

F

lectus

¹ *Les Césars de l'Empereur Julien. Remarque 701. à Amsterdam 1728.*

² Si quid testibus opus est in re notissima, adi Henricum Schroederum de

vario Gallorum usu apud veteres. Lipsiae 1743. & Jo. Dan. Schoepflinum de auspiciis Romanorum cap. 11. Basileae 1741.

lectus *Flamen* Caesaris, cui per summam adulationem gens Romana Jovis nomen imposuerat, templa, aras, sacerdotes, sacrificiaque decreverat. Audiendus Dio: *ἱερὰ σφίσι τὸν Ἀντωνιον, ὡσπερ τιτὰ Διάλιον, προχαίρισάμενοι, sacerdotio ipsius (Caesaris) Antonium quasi Dialem praefecerunt*¹. Eo, nisi fallor, alludunt monumenta, ubi Antonius velato capite, & laureo setto redimitus comparet, ut in farda thesauri Embermayeri²; quemadmodum enim ab Athenaeo observatum est, Romae viri primores, qui sacerdotioungebantur, *τῷ περιπόρφυρον ἐκδεδυκότες, ἱερανοῦμενοι πηλίκαι τὰ ἱερὰ κατέβαλον, τογὰν praetextam induti, & coronati victimas securi percutiebant*³. Plura alia suppetunt argumenta, quibus evidentissime probatur, Mystras, Jerophantas, Diales, Aruspices, Victimarios, omnesque qui sacrificiis aderant, tum apud Graecos, cum Latinos *ἱερανοφόρους* fuisse; sed nihil est opus exemplis id facere longius. Quid enim afferam praeclarius his, quae Paschalius, Seldenus, Tristanus, Spanhemius, doctissimusque Consul Daven- triensis⁴, ex nummis, marmoribusque ea in re prodiderunt? Illud tamen (absit invidia verbo) Spanhemio minime concedam, existare nummum, ex quo evincitur, Antonium Ephefi sacris Dianae praefuisse. *Inter nummos autem Marci Antonii* (inquit ille) *unus occurrit Patinianae collectionis cum effigie Dianae Ephe- sinae, ac inscriptione, APXIEP. Quo nomine eundem Antonium, hujus Dianae Flaminem adsumptum credam omnino designari*⁵. Excidit hic revera eruditissimo, & immortalis viro leve men- dum, ex quo tantum abest, ut quidpiam illius laudibus dem- ptum velim, ut exinde potius admirabilem Spanhemii soler- tiam, felicitatemque ingenii inferri posse putarim, quod in- tam spisso opere, in tanta rerum varietate, nihil, nisi major ali- cubi diligentia, ac severitas desiderari fortasse possit. Pri- mo quidem nummus ad Antonium proprie pertinere dici ne- quit, quum Lepidi, Octaviani, & Antonii jugata capita refe- rat. Deinde quo spectet vox illa APXIEP. facile deprehendi po- test

¹ Lib. XLIII.

² *Theaur. Gem. cap. 111. tab. 1v. fig. 107 Norimbergae 1720.*

³ *Dionysoph. lib. xiv.*

⁴ Gisbertus Cuperus *Apotheosis*,

vel consecratio Homeri pag. 70. 196. Amstelodami 1683.

⁵ *De V. & P. Num. Diss. x. §. 111. tom. 11. edit. 1717.*

test ex integra nummi inscriptione. Quem edidit Patinus, epigraphen maxima ex parte oblitteratam. temporisque injuria, erosam habebat, sed plures sunt numismatum collectores, qui adhuc vitio incolumem, integrum, perfectumque protulere, atque in eo exstantibus perspicue litteris legitur: ΑΡΧΙΕΡΕΣ. ΓΡΑΜΜΑΤΕΥΣ ΓΛΑΥΚΟΝ ΕΥΘΥΚΡΑΤΗΣ ΕΦΕΣΙΩΝ; Pontifex; Scriba Glaucon Euthyrates Ephesiorum¹.

Demum quia in eruditae vetustatis reliquiis explicandis illud semper censui descriptoribus curae esse oportere, ut explorent quem finem, quid summum, & ultimum in illis fabricandis veteres propositum haberent, quod hinc non exigua ex his studiis enascatur utilitas; nunc qui fuerit Consularium denarium M. Antonii usus, nostra referet peruestigare. Quaesita olim res, multaque concertatione disputata, an nummi, quos in dies egerit tellus, monetæ usitatae vicem praestiterint. Multa primum, ut meministi, turbavit Ericius, qui irritò plane conatu probare contendit, signatum aes Principum effigiem, nomenque referens, non commercio, non contractibus, non stipendiis umquam inserviisse, sed meras fuisse largitiones, quæ a Principibus populo dabantur, sive ad virtutem remunerandam, sive potius ad sui nominis, factorumque memoriam posteritati commendandam², quo nihil absurdius, nihil ineptius dici, excogitarique poterat. Inane hoc Ericii commentum praeverterat Aeneas Vicus³, copiosiusque refutavit Savotus⁴; ac neminem hoc tempore esse arbitror, qui non persuasissimum habeat, numismata omnia (quæ a *Missilibus* facile distinguuntur) vulgarem pecuniam fuisse, quæ vestigalibus, & tributis solvendis, militibus, & ministris alendis, venditioni, & emptioni perficiendæ, caeterisque vitæ usibus communiter impendebatur. Quæ quoniam ita sint, sic statuo, affir-

F 2

moque

¹ Vide Vaillantium *Numismat. Imp. Graec. loqu. pag. 2. Amstel. 1700.*

Morellum *Specimen rei nummariae tab. xxiv. Lipsiae 1695.*

J. Haym *Thesaur. Britann. volum. 2. pag. 168.*

Havercampium *Thesaur. Reginae Succorum. Tab. XLIII. Hagae Comit. 1742.*

Museum Muselianum tom. 1. *Imp. tab. 11. Veronae 1751.*

² *Discorso di Sebastiano Erizzo sopra le medaglie etc. in Venezia 1559.*

³ *Discorsi sopra le medaglie etc. cap. v. in Vinegia 1558.*

⁴ *Discours sur les medailles antiques etc. à Paris 1627.*

moque, nummos Marci Antonii effigie, ac nomine vel Praesidium Monetaliū consensione, vel suo tantum imperio, iussive signatos, usibus mox indicatis revera fuisse destinatos. Quod spectat ad *Legionarios*, eos in diurnum suorum militum stipendium ab Antonio fuisse praecipue percussos, verosissimum videtur: nam si eos cum aliis argenteis Consularibus, quibus *decussis*, sive nota valoris impressa est, contuleris, & utroque aequa lance ponderaveris, Antonianos procul dubio *denarios* esse reperies. Jam vero etsi de diurno militari stipendio Triumvirorum aetate nihil certi, perspicuique afferri fortasse queat, idem tamen exstitisse reor, quale non multos post annos in seditione Pannonica a Druso milites exegisse apud Tacitum lib. 1. legimus. Conquerebantur, *militiam ipsam gravem, infructuosam, & denis in diem assibus animam, & corpus aestimari*; proinde petebant, ut sextus decimus stipendii annus finem afferret laboribus: quae vacatio Praetorianis concedebatur, qui quamvis plus periculorum non suscepissent, *binos denarios accipiebant*. Renovata tunc cum militibus conventio, & sponsio de missione a *sexdecim annis, de praemiis finitae militiae, & ut DENARIUS stipendium diurnum foret*. Quamvis vero varius in Reipb. fuerit pro varia temporum, rerumque conditione denarii valor, & sexdecim assibus aliquando sit permutatus, in militari tamen stipendio semper *denarium pro decem assibus datum*, ex Plinio intelligimus¹. Fuit autem ea in re Romanae militiae cum Graeca quidam consensus, ut idem esset utriusque stipendium. Thucydides enim de Classe Atheniensium ita scribit: *τῆς δὲ γὰρ Ποτιδαίας διδραχμαὶ ὀπλίῳ ἰσθῶρον. ἀπὸ δὲ, καὶ ὑπερίτην δραχμῶν ἐλαμβάνει ἡ ἡμέρα*; nam qui Potidaeae erant milites praesidiarii, binas drachmas merebant; ita ut tamen alteram suo, alteram nomine famuli quotidie acciperent². Porro quis esset drachmae Atticae valor, diserte adnotavit Plinius lib. XXI. *Drachma Attica denarii argentei pondus habet*. Nec vero id tantum contigit Vespasiani, Trajanique temporibus, quibus Plinius vixit, sed Illiviris adhuc Rempublicam curantibus. Quaesio, in animum revoca quae de Octavio testatus est Cicero ad Atticum suum: magna molitus; *veteranos quique Casilini, & Calatiae sunt, perduxit ad suam sententiam*: nec mirum; quingenos **DENARIOS** dat³.

Id

¹ Lib. XXXIII, cap. 111. ² Lib. 111, Bel. Pelopon. ³ Lib. XVI, ep. VIII.

Id ipsum referens Dio his utitur verbis : *καὶ ἰδὼντες αὐτὸς τοὺς πεντακοσίας ΔΡΑΧΜΑΣ* ; & dedit statim tunc quingenas *DRA-CHMAS* ¹. Ex quibus , ut vides , conficitur , M. Antonium suos Legionarios milites ea mercede conduxisse , quae duabus nationibus bello perpetuum exercitatus fuerat usitata . Atque ut ea , quae hucusque disputavimus , in rem nostram propius convertamus , illud etiam consequens videtur , nummum , cui adposita , signataque est nota *LÆG. XXX.* fuisse probabiliter percussum , quum primum ea Legio transiit ad Antonianas , pro diurno ejusdem stipendio .

Plura fortasse jam , quam volebas , ad universam tui nummi affigurationem , ejusque epigraphen explicandam undecumque contuli ; sed in veteribus monumentis interpretandis malui semper videri diligentior , nihilque reliquum facere , quod esset propinquitate quadam cum argumento conjunctum , ut saltem rerum copia vario lectorum obsequeretur ingenio . A te vero , *VIR EGREGIE* , illud peto , ut si paullo latius disputando , refellendoque vagata est oratio , intelligas , quam libenter voluntati tuae indulserim , & quod tuo jussu mihi erat curandum , omni me contentione , studioque praestitisse .

SE-

¹ *Lib. XLV.*



SECTIO SEPTIMA.

*Nummorum aestimandorum scientiam exercitatione, usuque potius, quam varietate litterarum comparari. Nuperi Aristotelis, Bian-
tis, Artemisiae, Scipionis nummi a viris doctis genuini, & an-
tiqui crediti. Sylloge aliquot argenteorum, qui saeculo xvi. in
eadem officina percussi. De nummo Homeri musei Farnesiani.
Ementiti alii Graecorum heroum. Historia nummi Graeci M. T.
Ciceronis ex Cod. Vaticano commercii epistolici Fulvii Vrsini atexi-
tur. Latinus a Lambecio editus quanta labore suspicione. Alius
ex museo Oliverio nitidissimi operis, cujus diagramma exhibetur.*

QUamquam te, optime RONCALLE, his studiis liberalissimis, & doctrinis jamdiu vacantem, oportet abundare praeceptis, institutisque, quibus rei nummariae scientia continetur; tamen quia in nostris litteris de antiquariorum erratis non semel mentio incidit, atque ista ipsa in re aliquid iudicio nostro concedere soles, imo vero, quae tua est humanitas, quasi quaedam praeceptiones ex me flagitare, ab suscepta disputatione non sum alienum arbitratus, si, quod initio proposueram, sermonem eo devolvi committam, quo tua percontatio illum appellat, & ad se quodammodo rapit, ut pro tuo in nos officio, & nostro in te studio munus hoc cumulatissime tuae largiamur voluntati. Porro ego, si memoria tenes, quum de Antoniano denario inter nos disceptaretur, illorum vehementer coargui levitatem, ne arrogantiam dicam, qui quum hanc artem vix attigerint, nihilominus id sibi sumunt, ut de re nummaria plura extemplo aut assertionem comprovent, aut pernegent sine ulla haesitatione. Nam si, quemadmodum apud Ciceronem est, nihil turpius aliqua in re, quam cognitioni, & perceptioni assertionem, approbationemque praecurrere; turpissimum sane est in hac facultate, quae sine exercitationis assiduitate vix juvare potest, quaeque omnis ad experientiam, & quotidianam pene observationem videtur esse revocanda. Solent illi in quadam mentis acie, & varietate litterarum summa omnia statuere, quibus, si paullo excellant, nihil est in nummis tam abstrusum,

strusum, tam ambiguum, tamque a communi sensu remotum, de quo sententiam liberius non ferant: a quibus sic dissentio, ut meum iudicium semper fuerit, numismatum dignoscendorum scientiam usu potius, quam ingenio, exercitatione melius, quam doctrina comparari. Id igitur tibi ex animo numquam exuri patiari, hanc expeditam, & compendiariam ad eam artem adipiscendam esse viam, & nisi accuratissima contemplatione, collationeque iterata numismata aestimare proposueris, cetera bonarum artium praesidia vix esse profutura, ut sincera prae adulterinis suscipias. Atque haec saepe causa fecit, ut viri litteris, doctrinaque ceteroquin praestantes, quibus tamen paucos admodum nummos videre contigerat, adulterinos, & novitios tamquam germanos, & antiquos vulgarint.

Doluimus interdum Italiae vicem, quum videremus egrigia, ac perrara numismata trans mare, trans alpes confertim asportari, sed nobis temperare haud potuimus, quin summam hujus artis miraremur inscitiam aliquorum scriptorum, qui recentis fabricae nummos in Italia cuspis, perinde, ac si fuissent optimaevetustatis monumenta, elaboratissimis observationibus susceperunt explicanda. Inter hos Corn. Dieterichus Kochius, qui aureum ARISTOTELIS nummum pro legitimo edidit¹, Christianus Got. Joecherus, qui argenteum ΒΙΑΝΤΟΣ ΠΙΠΗΝΙΟΥ cum lemmate ΜΟΝΩ ΤΡΙΠΟΔΟΣ ΑΞΙΩ antiquissimis putavit accensendum², Joh. Christianus Avenarius³, & Maria Dorothea Loescher⁴, a quibus argenteus ille supposititius ΑΡΤΕΜΙΣΙΑΣ = ΜΑΥΣΩΛΕΙΟΝ duplici dissertatione est illustratus. Ita sane nostri lycophantae insigniter illudunt his, qui sola doctrina fisci, sed nulla freti experientia nummorum sibi arrogant iudicium. Quamquam non externos tantummodo, & ultra alpes natos homines heic expostulari volo, quum in eadem culpa, similique in errore fuisse videam virum illustrem, quem ediderat, & in-

¹ De Aristotele in nummo aureo Prologum Helmstad. 1703.

² Dissertatio de Bianse Prieneo in nummo argenteo Lipsiae 1714. Hujus moduli, & formae existant alii ceterorum Graeciae Sapientum.

³ Diss. de Artemisia, in Mausoleo

occasione nummi. Lipsiae 1714.

⁴ Reflexions sur une Medaille d'Artemise Reine de Carie, in de son Mausolee pour honorer la memoire de feu M. Chretien Guillaume Loescher, faite par sa fille assigee Marie Dorothee Loescher. à Potsdam 1748.

& inter cultiores Musas educarat Itala tellus. Est is Benedictus Bachinius, quantus vir, quantique nominis! qui in latina ad celeberrimum Bibliothecarium Magliabequium epistola¹ explicationem tradit nummi argentei Scipionis, ut ille ait, minoris, in cujus antica facie caput nudum circumambit inscriptio P. C. SCIPIO AFRICAN. in postica Scipio triumphans curru quadrijugi vectus apparet. Omnem doli, fraudisque suspicionem ab hoc nummo Bachinius contendit amoliri, quamvis alterum Scipionis senioris iisdem emblematis ornatum, addita epigraphe, CARthagine SVBACta, tamquam a nupero artifice excogitatum, effectumque explodat. Sed uterque in eadem recentissima officina cufus, ex qua etiam profectos non dubito sequentes ejusdem moduli, ac metalli.

M. VALERIVS. *Caput nudum.*

SVBACta LIGuria. *Arula prope tropaeum.*

Q. FABIUS MAX. *Caput nudum.*

TARENTO RECEPTO. *Fasces Consulares cum securibus.*

L. CINNA IIII. COS. *Caput nudum.*

MARTI VLTORI. *Templum tetrastylum cum simulacro.*

G. MARIUS VII. COS. *Caput nudum.*

VICToria CIMbrica. *Tropaeum.*

ATILIVS CIMBER. *Caput nudum, ante quod pugio.*

R. *Sub pileo diadema cum sceptro alato.*

M. LICINIUS CRASSVS. *Caput nudum.*

PARTHIS DEVICTIS. *Tropaeum.*

M. PETREVS. *Caput nudum.*

R. *Vrnuia, ex qua serpens prodit.*

T. LABIENVS. *Caput galeatum.*

CINGVLVM. *Vrbs turrita².*

Porro

¹ Existat in opere, *Novelles de la Republique des lettres tom. xi. pag. 37. Janvier 1689. à Amsterdam. 1716.* ² Pro genuino vulgavit Cl. Maffei- jus *Verona illustrata Tom. III. pag. 235. num. 12. Verona 1732.*

Porro si typi formam, si capitum lineamenta, si emblemata, si inscriptiones, si flexus litterarum, si denique incautam polituram severis oculis exploraveris, easdem prorsus notas *καταρτυλας*, fallaciaeque, quas in modo recensitis monumentis jamdiu viderunt viri experientissimi, plane deprehendes in duobus SCIPIONVM numismatis. Claruit revera Bachinius multiplici eruditione, scriptisque maxime historicis, ac theologicis, sed non omnia possumus omnes, nec est adeo excultum ingenium, quod possit in quavis arte esse praestantissimum. Sed non hic astutiarum, fraudumque monetariorum finis.

Est ea sapientiae, virtutisque excellentia, & dignitas, ut sui admirationem non modo praesentibus injiciat, sed ad posteros etiam longissime transmittat; quare libenter in illorum ora, vultusque intuemur, qui laudabilem vitam, & gloriarum plenam transegerunt. Natura itaque quasi duce factum est, ut illustrium virorum memoria, qui praestantis animi, aut doctrinae fama floruerunt, sit in nummis vel a principibus, vel a populis interdum restituta. Vt ex multis pauca referam, Homeri,

Cui fuit in tanto non parvum pectore numen,

effigiem publicae monetae commendatam voluerunt Smyrnaei, Cretenses, Chii, Amasitriani. Jam vero huic hominum ingenio, veterique consuetudini callide morigerati sunt nuperi monetales, qui, ut antiquitatum studiosis facilius imponerent, notissima capita semel, & iterum in antiquis denariis expressa restituerunt, novis tamen adjectis a tergo emblematis, quibus plus pretii operi accrescat. Et ne a mox laudato poetarum chorago discedamus, publicavit olim Pedrusius¹ Homeri numisma, in cujus aversa parte, ut ille interpretatur, poeta visitur hastatus, cui aquila divinos honores denuntiat, victoria coronam porrigit, adidentibus Junone, cujus auspiciis Iliada conscripsit, & Marte, cujus bellicas virtutes resonant Homericus libri. Inferiorem nummi partem exornant Neptunus, & Amphitrite cum monstris marinis, quibus Graecorum navigationes indicari existimat. Nummum ad Argivos referri debere credit Pedrusius, qui de illius

G

vetu-

¹ Museo Farnesiano tom. v. i. Cesari in Medagliani tab. 1. n. 1. Parma 1709.

vetustate nec hilum subdubitatur. At vero num ab Argivis usque repetenda sit numismatis aetas, perspicue, certoque commonefacit illius modulus, a Johanne Cavino affabre elaboratus, qui Parisiis in Museo S. Genovefae adservatur, & cujus ectypon in lucem dedit Moulinetus¹. Simillimum huic ex cimelio Brandeburgico extulit Schottus², sed id primum monuit, esse Patavini monetarii ementitum opus. Perspicias igitur, VIA DOCTE, quae sit adhibenda diligentia in singulis nummorum adjunctis considerandis, ne captiosa quadam probabilitate fallamur. Interim huic Homérico nummo ceteros velim adnectas ΣΟΛΟΝΟΣ ΠΑΤΟΝΟΣ, ΠΙΤΤΑΚΟΣ, ΣΕΞΤΟΣ, (Cheronensis) ΠΡΙΑΜΟΣ, ΔΙΔΟΝΟΣ &c. quos Gesneius undecumque exscripsit³, nihil tamen de illorum ἑδωκέντα tyrones instruens, qui, dum flagrat nummos adipiscendi primus amor, facillime in errorem inducuntur.

At cum Marco Antonio, de quo maxime hoc in libro fuit dicendum, nemo sic tempore, officiis, variaque fortuna conjunctus, ut M. Tullius Cicero,

*Egregium semper patrias caput, ille Senatus
Vindex, ille fori, legum, ritusque, togaeque
Publica vox,*

cujus ope, & consuetudine quantum profecerat Antonius, tantum de misera, ac fraudulenta illius internecione nefarie gavius est. Quamquam plures hujus summi hominis imagines, vel marmoreis statuis⁴ expressae, vel gemmis caelatae⁵ adhuc aetatem

¹ Description de la Bibliothèque de Saint Genève Planche XL1. à Paris. 1642.

² Explication nouvelle de l'Apotheose d'Homère par M. Schott pag. 116. à Amsterdam 1714. Qui typum Luctiae se vidisse affirmat.

³ Numismat. Antiquit. Vir. Illustr. tab. 1. 11. 111. 14. Tiguri 1738.

⁴ Confer quae ad Musaeum Capitolinum tom 1. tab. LXXXII. Romae 1741. adnotavit bonarum artium, juxta ac

sacrarum litterarum cultor eximius, & vir integerrimus Johannes Bottarius.

⁵ V. inter ceteros Leonardum Augustinum Gemme antiche P. 1. pag. 38. Romae 1686.

Begerum Thesaur. Brandenburg. vol. 1. Gronovium Thesaur. Antiqu. Graec. tom. VII.

Embermayerum Thesaur. Gem. c. VII. num. 366. 39c. Omnium elegantissima est Sarda Musei Galliarum Regis, quam absolutissimo artificio, & ex-

qui-

tem ferant; nullus tamen exstat antiquus illius nummus publicae auctoritate. Sed fuerunt nostris temporibus industrii metallorum typothetae, qui Graecos, & Latinos Ciceronis nummos tam concinne ferire curarunt, ut etiam viris litteratis imposuerint. De Graecis primum. Memoratu profecto dignum, quod immortalis Fulvio Ursino, labente saeculo xvi. accidisse plane constat ex autographis illius, aliorumque ad illum epistolis, quas inter Vaticanos Codices¹ mihi indigitavit eruditissimus Bibliothecae Imperiali Praefectus, meusque pernecessarius Constantinus Ruggerius. Quemadmodum res gesta sit a principio, suoque ordine praestabit narrasse. Erat per eos dies Bononiae insignis quidam scrutarius, septuagenario major, cognomento Julius Caesar Velus, ut est horum hominum ingenium, semidoctus, semperque ad circumveniendum fallendumque projectus, qui cum Fulvio nostro veterum monumentorum cupidissimo, ob eam rem litterarum commercio frequenter utebatur. Nullus enim, ita dixerim, erat Italiae angulus, in quo antiquitates studiosissime non conquereret Ursinus. Velus itaque die xxi. Januarii anno cixcxviii. per epistolam, longo ad captandum hominem adhibito praeloquio, Fulvio significavit, vidisse se insignem, & unicum M. T. Ciceronis nummum: operis praestantiam subtiliter magnificavit, & quo maiorem injiceret cupiditatem, affirmavit, nummum a possessore, qui pro merito illum permagni faciebat, nonnisi 100. aureis nummis posse redimi. Vix datis a Velo his litteris, Alexander Borgia, qui erat nummi possessor, die xxviii. ejusdem mensis ipsemet Ursino scripsit, & novis encomiis suum numisma cumulavit. Laetissimo nuncio, operis novitate, tantisque laudibus illectus Ursinus, de nummo emendo cum Velo agit. De pretio per novas epistolas contenditur. Velus, & Borgia esse, quibus plaris possit divendi, quam Ursinus vellet dare, asserunt². Tandem Fulvius cum Velo paciscitur, 100. florenos argenteos pro numismate se daturum: convenit inter eos³, & de empto numismate Romam summa cau-

G 2

tione

quisita tenezitate aeri redditam dedit hujus artis scientissimus Petrus Mariette. *Recueil des Pierres gravées du Cabinet. du Roy tom. 11. P. 11. num. 45. a Paris 1750.*

¹ *Cod. Vatican. 4104. pag. 276. 280. 286. Cod. 4105. pag. 86. 86. 88. 330. 336.*

² *Epist. xi. Februarii.*

³ *Epist. xiv. Februarii.*

tione mittendo deliberatur ¹. At peritis illulisse nefas. Vix nummus in urbem asportatus Vrsino contraditur, thecnas ille per sentit, falsitatis signa odoratur, & cum venditore fraudationem ex postulat. Plura rescriptis Borganus, ut purgaret se se, nummumque a quavis liberaret suspicione ²; at nescio, an illi ex sententia res cesserit; videtur enim Vrsinum dubia semper, ancipitique fluctuasse cogitatione quid de hujus nummi antiquitate statueret.

Sed quid exhibet contuendum hocce monumentum tantarum litium, & concertationum? M. T. Ciceronis caput, graeca epigraphe, ΜΑΡΚΟΣ ΤΟΤΑΛΙΟΣ ΚΙΚΕΡΩΝ; in parte averfa manum, quae symbola ubertatis frondeam coronam, ramusculum palmitemque sustentat, addito Vrbis nomine, ubi nummus cufus fingitur, ΜΑΓΝΗΤΩΝ ΑΠΟ ΣΙΠΤΑΟΥ. Et quoniam Magnetes ad fluvium Sipylum monetam Praetoris auctoritate signabant, non Scribae jussu, ut ii, qui ad Meandrum ³, Praetoris Μαγνήτων nomen ΘΕΟΔΩΡΟΣ in area de industria est insculptum. Totum pene litteratum orbem nummi digramma peragravit, atque in eruditorum hominum libris iterum, & saepius publicam subijt lucem. Andreas Schottus praefixit, licet arbitrato suo deformatum, Quaestionum Tusculanarum libris, quos a se emendatos dedit ann. c1010cx. Tristanus Sanctamantius suis commentariis amussim inseruit ⁴, Gronovius adposuit in fronte Operum Tullianorum editionis Lugduni Batavorum, an. c1010cxci1. &c. Sed autographum jure supremarum tabularum ipsius Vrsini una cum omnibus, quas possederat, antiquitatibus ad museum Principum Farnesiorum est devolutum. Testamentum enim condens die xx1. Januarii anno c1010a. legavit Cardinali Tit. S. Eustachii Odoardo Farnesio numismata aurea, argentea, aerea, gemmas varias, cameos magnae aestimationis, & valoris ⁵, signa aenea, imagines illustrium virorum marmoreas &c. ⁶

Vj-

¹ Epist. xxv. Febr., & xv. Martii.

² Epist. xx. Martii.

³ De duplici Magnesia praeter numeros confule adnot. ad Marmora Oxoniensia Mar. CLXXVII. Londini 1732.

⁴ Tom. II. pag. 429. Commentaires historiques &c. a Paris 1644.

⁵ Inter haec recensenda insignis cup-

pa ex achate Orientali, quae nunc una cum ceteris Farnesianis antiquitatibus Neapoli in Regis aedibus adservatur. Cimelium hoc quantivis pretii descripsit Cl. Scipio Maffejus, Osservazioni letterarie tom. II. Verona 1738.

⁶ Testamentum Fulv. Vrsin. in actis Notarii Quintiliani Gargarii est ad cal-

Videamus nunc quid de hujus nummi *γνησιότητι* senserint descriptores. Primo loco commemorandus est Antonius Faber, qui in Commentariis ad imagines virorum illustrium ipsius Vrsini ad hunc modum habet. *Est igitur cusum numisma a Magnesianis sub Quinti Fratris imperio, sub quo omnes Asiani complura, maximaeque beneficia a Cicerone acceperunt, ob quae publicos honores illi decreverunt; quorum Cicero ipse meminit Epist. I. ad Q. Fratrem lib. 1. & ad Atticum lib. v. ep. ultima*¹. Novus accessit patronus Pedrusius, qui grandi verborum apparatu nummum a novitatis accusatione vindicare connititur², similiterque conjecturam capit ex his, quae Cicero dixerat de Asianorum in Q. Fratrem benevolentia. Sed neque Faber, neque Pedrusius tantam collegit in antiquariis commendationem, ut fas sit illorum sententiae sine cunctatione assentiri, atque in hac una auctoritate conquiescere. Acutius certe in his rebus videbat Vrsinus; sed quid, quod de suo nummo semper dubitavit? post diuturnam inspectionem adhuc assensionem cohibuit? nec aliorum evictus argumentationibus susceptam haesitationem ex animo deposuit? Possem etiam Fabro, Pedrusioque opponere peritorum nostri aevi virorum judicia, qui olim Parmae, nuperque Neapoli nummum sedulo examinarunt, & quorum testimonio dolum retegunt ascititius aeruginis color, & impressum alicubi limae vitium. Addo artificis *σφάλμα* in scribendo Magistratus nomine. Notus inter Praetores Magnetum *ΑΤΡ. ΘΕΟΔΑΤΟΣ*, sed in Urbis illius nummis, qui eruditorum manibus teruntur, numquam occurrit *ΘΕΟΔΩΡΟΣ*, vel *ΦΕΟΔΩΡΟΣ*, quemadmodum in schemate Farnesiano; ex quo ut typosetiae proditur incitiae, ita etiam operis mentitio significatur.

In tanta nummorum copia, & varietate, quos, eo vertente saeculo, *οι παραχάρακτες*, in vulgus emittebant, illud profecto erat expectandum, ut quoniam Cicero non tam sui, quam totius Latini nominis celebritate universum pene orbem compleverat, numismata in illius honorem subdole procuderentur Latine

calcem vitae a Josepho Castalione descriptae. Romae 1657. Constat etiam ex repertorio nummorum, quos Vrsinus legarat.

¹ Ad tab. CXLVI. edit. Antuerp. 1606.

² Museo Farnes. tom. VII. 11. tom. XI. Parma 1721.

tine loquentia, quibus curiosos decipi facilius posse videbatur, quod jam exstarent Gentis Tulliae denarii complures, nec in his, nisi caput desideraretur tanti viri, qui familiares suos in Reipublicae libertate tuenda, in amicis defendendis, in negotiis gerundis constantia, eloquio, dexteritate longissime superaret. Duo potissimum argentei sub id tempus prodierunt, quos mihi contigit videre. Alter is ipse est, cujus schema olim ediderat Petrus Lambecius Bibliothecae Vindobonensis lib. II. c. v 111. in cujus uno latere cernitur caput M. Tullii Ciceronis laureatum, cum hac a tergo inscriptione M. T. CICERO; in altero autem Minerva in sella, pone quam stat tripes, sedens, dextraque manu imigunculam quamdam tenens, cum hac sub pedibus inscriptione MINERVE¹. Quanti illum fecerit Lambecius, ipsemet eodem in libro declarat. Neque vero (inquit) de genuina, & incorrupta hujus nummi antiquitate quisquam in re antiquaria examinanda, & dijudicanda vel mediocriter exercitatus jure dubitare poterit, cum, uti cuilibet suis oculis videre licet, ne minimum quidem suppositivae fraudis, vel, si ita liceat loqui, adulterinitatis indicium in eo appareat. Multa deinde importune aggerit, quibus evincat, lauream coronam Ciceroni merito hic esse datam ob ea, quae fortiter, feliciterque in Cilicia, & Asia gessit, ac praecipue, quum apud Iffum Imperator fuerat salutatus. Plura etiam de posticae partis effigie, qua putat repraesentari Minervae signum, quod Tullius, testibus Plutarcho, & Cassio, domi in magna veneratione diu habuerat, deinde vero in Capitolio dedicarat, cum hac inscriptione ΑΘΗΝΑ ΡΩΜΗΣ ΦΥΛΑΚΙΑΙ, Minervae Romae custodi. Sed frustra ille & laudes necit, & commentaria accumulat in novitium, ementitumque monumentum; quod ubi primum observavit Patinus, vir in re antiquaria aestimanda, ac dijudicanda multo peritissimus, omnia fraudis, & adulterinitatis indicia in eo animadvertit²: idemque, quod nos, judicium tulit, plus usui, & suis oculis esse credendum, quam doctorum hominum eruditioni.

Quemadmodum vero a singulari Ciceronis in Minervam pietate hic pseudomonetarius nummi ornamenta desumpsit, al-
ter

¹ Tom. II. p. 726. Vindobonae 1669.

² In not. ad Suetonium numismat. illustratum in Aug. Basilae 1673.

ter ex Siculorum in Ciceronem benevolentia, ejusque meritorum memoria accersivit. Nemini non compertum, quot ille beneficiis, egregiisque defensionibus gentem illam sibi devinxerit, quum Siciliensem quaesturam obtineret, vel potius, quum Romam reversus nequissimum hominum, depeculatorem aerarii, publicum praedonem, vexatorem libertatis, labem, atque perniciem Provinciae Siciliae Verrem sponte sua in exilium discedere coëgit. Porro solertissimus παραράχτης finxit, Sicanos referendae gratiae studiosos, beneficiique non immemores hanc Tullii laudem pecuniae commendasse, eamdemque quasi grati animi perpetuum monumentum dedicasse M. T. CICERONI PATRONO; quod ut luculentius pateret, in altero orbe Insulae symbolum signasse, circumscripto lemmate; PROSTRATO VERRE TRINACRIA. Operis mentionem nova impostura cumulavit, quippe in Tullii gena acrochordon, sive *cicer* expressit, ex quo *Ciceronibus* nomen adhaesisse putabatur. Numisma non semel mihi obtulit spectandum nobilissimus Hannibal Oliverius Reipb. litterariae non tam uberrimo, lectissimoque antiquitatum thesauro, quam editis eximiis libris apprime charus, mihiq; omnibus necessitudinis causis conjunctissimus; miratufque sum politissimi saeculi xvi. artificium maxima accuratione, teneritate, partiumque convenientia absolutum. Quod quum in publicam lucem, typisque expressum nondum, quod sciam, exiverit, artium cultoribus, & Ciceroniani nominis devotis ectypam nummi imaginem summa fide caelata obijcimus con-
tuendam.



dum saeculo superiore statum detexit Vindelici Principis iussu, qui varia hujus generis *missilia* aurea ad exemplum antiquorum aereorum numismatum efficta interdum largiebatur. Similia Augusti, Vespasiani, Pertinacis, aliorumque Imperatorum recentioris typi sigilla, quae parem prodebant aetatem, supra viginti vidisse se affirmat Zenus¹. Nec auctoritate, aut nomine dumtaxat hujus summi hominis hic permovemur, sed quod revera aurei, ut vocant, *Metalliones* primis Augustorum temporibus essent prorsus Romanis ignoti, nec nisi prope ad Gordiani Pii aetatem cudi ceperint.

Sunt delicta tamen, quibus ignovisse velimus.

Illud magis mirandum videtur, Weidnerum, hominem in Germania natum, educatumque, qui nummi ejusmodi antiquitatem propugnat², in patria quasi peregrinari, & quo primum loco apud suos Germanos haec cimelia condita fuerint, prorsus ignorare. Sed nihil est, quod majorem rebus omnibus offundat caliginem, & veritati inveniendae viam sic interceptiat, quam si quis partium studiose abripi sinat, & praeconceptae opinioni tenacius inhaerens, ab errore se revocare detrectet. Porro si concertationum, quae hoc ipso saeculo inter eruditos exarsere, memoriam replicabis, facile tibi in mentem veniet, quot turbas, dissensionesque opinionum excierit nummus Anniae Faustinae a Raphaneotis sub Praetore Cyrino percussus, ΕΠΙ ΤΡΥΤΡΙΝΩ ΠΑΦΑΝΕΩΤΩΝ, ab egregio typario Michaelē d'Arvieux conflatus. Lutetiam usque delatus, in manus Clar. Chamillardi devenit, qui ratus monumentum oppido insigne sibi esse oblatum, confestim cum Harduino suo communicavit, ejusque auctoritate, dictione, testimonio fidenti utens animo, illud non comparavit modo, suoque adjecit museo, sed etiam in publicum emisit, primo quidem in Diario Trevoltiensis mensis Octobris anno clobccvi, deinde in collectione suarum Dissertationum³. Nihil in eo suspicatus falsimonii Italus noster do-

H

Etissi-

¹ *Lettere di Apostolo Zeno. To. III. lett. cccxvi.* ad Cl. Oliverium.

² Johann. Weidneri *Pietas in nummis num. 1.* Jenae 1694.

³ *Dissertations du Pere Etienne Chamillart sur plusieurs Medailles Dissert. VI. à Paris 1711.*

ctissimus, Adriensium Episcopus Philippus a Turre, in epistola ad Astorium, inserta Ephemeridis Litterariis Italiae Tomo IV. Articolo XVI. pag. 360. an. cōlōccx. a Chamillardi iudicio nihil dissentit. At Virginius Valsechius, popularis tuus, qui *viderat aliquando plumbeos typos, quorum ope praedictus nummus conflatus fuerat*¹, haud sibi imperare potuit, ut inconsulto in illos obsequio, veritati non litaret, fraudemque palam minime detegeret. Porro *ut necesse est lancem in libra, ponderibus impostis, deprimi, ita animum perspicuis cedere*². Sed intellige, RONCALLE clarissime, quid valeat animus errore semel imbutus, quid nimia sui fiducia! Harduinus, inquam, nec argumentis flecti se, nec testibus evinci est passus, sed propositi sui tenax admissam olim nummi Raphanotarum sinceritatem tum in Historia Augusta, cum in Diario Trevoltiano Augusti cōlōccxiii. pugnacissime defendit, sicque Valsechium ceu ignorantem, imperitumque harum rerum traduxit, ut hic novo in libro Harduini argumenta pro virili retundere, nummumque a falsario fustum Salvini, Averanii, Bianchi testimonio invicte docere coactus sit³. Verum non praeterit te, summum litteratum Harduinum saepenumero contentionis, quam veritatis fuisse cupidiorē, iisque annumerandum, quibus

. nec tamen
Turpe fuit vinci, quam contendisse decorum.

Quid dicam jam de Jacobo Martinio, qui nimium semper sibi sumens, & subtilitati suae, variaeque lectioni plus aequo tribuens de quavis antiquitate iudicium liberrime proferre ausus est? Is quidem inter ceteras *ἀλογισίας*, quibus illius sca- tent libri, recentissimo quodam, vulgari, inelegantique numismate, cui novitio prorsus scalpro, nec certe ab antiqua ulla moneta ducto exemplo, sed omnino morose eques ense, falcato exerto discurrens, detruncataque humana capita in- sculpta sunt, restauratum Messeniorum imperium, Jovisque Itho-

¹ De Marci Antonini Elagabali Tri-
bunitia Potestate V. Florent. 1711.

² Cicero Academic. QQ. IV.

³ De initio imperii Severi Alexan-
dri cap. x. Florent. 1715.

Ithomatii sacrificium referri, tanta verborum ambage nititur probare¹, ut vere Terentianum illud usurpare fas sit: magno conatu magnas nugas dixit. Similibus, pene dixerim, *παπαδοζοις*, ineptiisque tota concluditur excogitata ab Hekelio explicatio duorum numismatum Constantini M., quorum alter aureus post acceptum a piissimo Imperatore baptismum, alter argenteus, quum imperium supremo suae vitae anno filiis partitus esset, signatus fingitur². Sed satis multa, vel plura potius, quam necesse fuit, de his, qui quamvis acri, & intelligenti iudicio pollerent, ac cultioribus disciplinis instructi essent, minus tamen hujus artis experientes, dubia pro certis, falsa pro veris habuerunt.

Alterum est, in quo hi homines turpiter decipi, hallucinari, errare solent: nimirum interpretationes quandoque comminiscuntur, quas nihil virium, nihilque firmamenti habere parvo negotio cognoscet quisque usu leviter doctus, & in tractandis numismatis perpauillum versatus. Et vero nemo hanc laudem detrahet Goezio, Obrectho, Eccardo, fuisse viros rectissimis studiis praeditos, multiplicique munitos eruditione;

H 2

sed

¹ *Explication de divers Monuments singuliers, qui ont rapport a la Religion des plus anciens peuples. Retablissement des Messeniens, Medaillon rare, &c. curieux pag. 65. à Paris 1739.* Jacobus Martinus Ord. S. B. ut magnis inimicitis inclaresceret, magna nomina Maffejum, Muratorium, Gorium, Valartium &c. hoc in libro quae maledictis, quae scommatis profcidit, ac laceffivit. Quamquam iracundam, & asperam indolem jam prodiderat adversus suos conterraneos. Notissima illius epistola adversus quinque Sorbonicos convivorum plenissima, de qua gravissimae querelae ad supremum Ordinis moderatorem delatae fuerunt. *Observations sur les Ecrits modernes, tom. II. à Paris 1736.*

² Joh. Friderici Hekelii *de nummo Constantin. post susceptum sacr. Baptisma. Dresdae 1679.* Item *de num. quum imper. filiis partitus est. Dres-*

dae 1680. Si de nostrae etiam aetatis nummis hoc loco sermonem inferre par est, emendandus sane Jobertus, *Science des Medailles Instrucl. I. edit. 1739.* qui binos nummos Pontificum argenteos, alterum Julii III. GEN S ET REGNVM QVOD NON SERVIE RIT TIBI. PERIBI R; alterum Pauli II. SOLVM IN FERAS PIVS BEL LATOR P. STOR. cufus affirmat a Catholici nominis hostibus ad constan dam Romanis Episcopis invidiam. Nam uterque publica auctoritate Romae percussus, moneta viva, vulgo *Tessone*, fuit, nihilque utrique adposita epigraphe continet aut a Religione alienum, aut Summis Pontificibus contumeliosum. Posterior inter probatissima monumenta editus est ab immortali Card. Quirino, *Vita, & Vindiciae Pauli II. Romae 1743.*

sed quum ad nummos explicandos accesserunt, qui fuit rei eventus, laborisque terminus? Invidia remota dicam; omnem mentem adhibuerunt, diuturnaque se defatigarunt diligentia, ut tandem ingeniosa argumentatione a vero prorsus aliena concluderent. An haec ego nimium aut temere, aut maledice exaggerem, tute intelliges. Devenerat in Goezii manus nummus pervulgaris Germanici = SIGNIS RECEPTIS = DEVICTIS GERMANIS = ex Museo Ducum Atestinorum, vel Gonzagarum, quibus id fuerat sollemne, & usitatum, ut nummos, qui in suas archaeothecas essent inferendi, gentilitio stemmate in aerea signarent. Videlicet ferro ignito, & aureo supposito, si nummus erat argenteus, argento, si aureus, vel aereus erat nummus, AQUILAM incudebant. Hoc ipso sigillo notatus fuerat, qui alpes transcendit, & Osnabrugum usque pervenerat; sed infititium stigma ejusmodi quam belle Goezium decepit! Ecce tibi fidissimum nummi exemplar ex Atestinis.



Habeto jam quantum re, verboque ineptierit Goezius. Imago Caesaris Germanici (inquit) dextera aquilam vix conspicuam, sinistra vestem levantis, & bacillum (lituum forte) tenentis. Occo legit SIGNIS RECEPTIS, DEVICTIS GERM. Ego puto, SIGNIS RECEPTIS, DEVICIT GERM. Aquila legionis est, quam clade Variana amissam ipse recepit¹. Plura deinde de aquila Ezechielis, & legionaria, plura de Germaniae Principum insignibus, & aquila bicipiti sine delectu confarcinavit. Quaeso te, V. CL., qui fieri potuit, ut homo, qui tot numismata se contrectasse gloriabatur, aquilae signum, etsi vix conspicuum, nulla

¹ M. Zachariae Goezii de Nummis §. XXIII. Visemburgae 1716.
mis Dissertationes XX. Dissertat. V.

nulla tamen sui parte prominens, sed excavatum nummo co-
aevum, & uno, eodemque typo, quo Imperatoris effigies,
metallo impressum putarit? Non illum ab inepta conjectura
(quod enim levius huic levitati nomen imponam?) revocavit
ipsa aquilae positura? An umquam a Romanis ad hunc modum
depicta? Sed licuit scriptori, qui vexillum militare vel *bacil-
lum*, vel *lituum* dixerat, haec de grata Jovi alite imaginando
depromere. Ex hac schola paullo ante prodierat Vlricus Obre-
chtus, qui quum in antiquariorum Republica hospes esset, ne-
scio quae Iliaca mysteria in notissimo Domitiani nummo videre
sibi visus est; sic enim ad Eliam Brakenhofferum scribit. *In
aversa parte forte dignius uberiore disquisitione argumentum exhi-
betur: figura sedens, caput galero recta, tunicam induta mani-
catam, cinguloque correptam, & ad ima vestigia defluentem, dex-
tera aliquid instar cordis portendens, laeva, qua Crucem immis-
sam lateri applicat lunae dimidiatae, pede autem sinistro in puppim
liburnae innixio*¹. Vtque haec latius explicet, quanta ex histo-
ricis, imo ex SS. Patribus accumulatur! Unversa huc advocat,
accerlitque Aegyptiorum theologumena, multa de corde, de
cruce, de luna nugatur: quot verba, tot somnia. Derritus
nempe nummus, temporisque injuria extritus ansam homini
inexperto dedit, ut Romae sedenti *Isidis* symbola appingeret,
ac pro galea *galerum*, pro victoriola *corculum*, pro clypeo
lunam, pro hasta *crucem*, pro hippopodio *puppim* deprehen-
deret.

Nemo tamen, quam Johannes Georgius Eccardus, hac in re lon-
gius a veritatis praescriptione aberravit². In nummo Familiae
RVBRIAE epigraphen pone caput Neptuni DOS SEN., qua nihil
praeter L. Rubrii DOSSENI nomen significari cuivis compertum
est³, Eccardus nove, & inusitate interpretatur, DOS SENATVS,
aitque thesam illam triumphalem, quae in postica nummi par-
te visitur, Caesari a Senatu decretam fuisse, tamquam hosti-

men-

¹ *Dissert. de Num. Domitiani Isi-
co Argenterati* 1675. Iterum edita in-
ter exercitationes ipsius Academicas
1704.

² *Epistola de Nummis quibusdam
explicata difficilioribus*. Lips. 1722.

³ Dossenus, nomen in antiquis
pervulgatum, sive, ut Horatius, ait
Dorsenus: *Dossu* enim pro *Dorso*
veteres dixerunt. *Quantus sit Dorsenus
edacibus in parastis*. Horat. l. II. Ep.
ad Aug.

mentum, compensationemque laborum, quae quum quaedam quasi Dos sit, rectissime per illas duas voces DOS. SEN. indicari. Serio ne, an jocans haec scripserit Eccardus, videretur dubitandum, nisi ejusdem plane essent generis, quae sequuntur interpretationes. Obvius, & frequens est Constantini nummus, in quo Urbis aeternae maenia, &, ut Bandurio placet ¹, pons Tiberinus, ac Imperatoris caput circumambit inscriptio, POP. ROMANVS. Quid noster nummorum *explicatu difficiliorum* interpretes? Mirum! litteras sic immutat, & colligat, ut peregrinum, barbarum, incognitum reddant nomen, DO PHONANVS. Quod si requiras, unde gentium fuerit hic *Dominus Phonanus*, se nec ominando dicere posse latetur, Nihilo felicior tradita ab illo Graecorum numismatum interpretatio. Tria potissimum in praesentia proderit expendere,



ΜΑΣΣΑΔΙΗΤΩΝ primus hic argenteus nummulus est, nulli nummophilorum non cognitus; in quo probabiliter juvenile Apollinis Delphici caput, ideo a typario expressum, quod Mafaliothae traditum sibi a Phocensibus, urbis suae conditoribus, hoc hospitale numen singulari religione prosequerentur, eique in arce veluti populi cultodi, conservatorique sanum dedicassent ². Absurde tamen, contraque opinionem omnium explicat Eccardus: *in avversa parte sunt duae lineae in centro se se interfecantes, & in duabus earum areolis cernitur. M. A., quod indicio est faciem esse MARCI ANTONII Triumviri, faciesque hic expressa convenit exacte cum ceteris Antonii imaginibus, quae* in

¹ Numism. Imp. a Trajano Decio ad Palaeologos, tom. II. Constantin. tab. V. Parisiis 1718.

² V. quae ex Strabone, Pausania, Plinioque dixit Harduinus, Nummi Populor. & Urbium. Parisiis 1684.

in majoribus nummis inveniuntur¹. Verum, quod est in proverbio, lecythum cum strophio potius componas, quam hic Antonii lineamenta reperias, aut nummi typum ad illum congrue referas. Alter, qui succedit nummus ΙΣΤΡΙΗΩΝ (pro Ιστιάων Ionice) communi doctorum judicio censetur. Fuerat Istrus celebris quondam Milessiorum Colonia, ut Scymnus Chius, Strabo, Pliniusque testantur, in Moesia inferiori, non procul ab Istri fluminis ostiis sita. Ιστιά πόλις Arriano in periplo dicitur, Ισρόπολις Ptolemaeo, Histriopolis auctori Tabulae Theodosianae. Vilitatus urbis illius typus in pecunia signanda, duo capita imberbia frontibus adversis, quibus fortasse frequens per Istrum κατάπλως, & ἀνάπλως indicatur, per quem ex Ponto Euxino ad urbem, ex urbe ad mare subvectis vicissim mercibus, oppidani plurimum ditescabant; vel fabulosus in opposita maria Istri decursus: a tergo autem Aquila Delphinum unguibus, rostroque proscidens, qua Ιστιάων in proximum mare dominium videtur notari. Atqui Eccardus non modo partis posticae figuras penitus corrumpit, ac deformavit, sed litteras per crassum errorem sic permutavit, ut ex Graeco Latinum nummum fecerit; ita enim habet. Duo capita juvenilia, quorum unum inversum est, exhibet in una parte; in altera figura pene detrita, quae forte navis fuit, apparet; & supra eam legitur TIIR. Hoc de Tyro urbe expono, navigationibus, & commerciis celebri. Vbi notandum, Y per duo II. exprimi. Capita Castoris, & Pollucis esse puto, Deorum navigantibus cultorum. Vnum inversum est, quia unus horum Ladae filiorum mortalis cum esset, ambo fratres mutuo se amantes, id demum impetrasse ferebantur, ut alternatim unus inter Deos esset, alter vero cum defunctis versaretur. Mortalem itaque caput inversum exprimit. Montefalconius hujusmodi figuram Dioscurorum nescivit, nec alibi me eam observasse memini; unde eo rarior hic nummulus habendus est². Quis tam aliena, tam absurda, tam falsa concoquat? Dabo quidem, in fabulis esse, Pollucem occiso Castori superstitem ab Jove optionem cepisse, ut solus immortalitatem indipisceretur, aut eam ita cum fratre communicaret, ut certis intervallis alter oriretur, dum alter occideret;

Sic

¹ Loc. cit.² Loc. cit.

*Sic fratrem Pollux alterna morte redemit;
lique, reditque viam toties*

Dabo a navigantibus, utrumque cultum, sed nulla hic Dioscurorum effigies, aut proprietas, aut *ἱπείωνμος*¹; quae omnia si adessent, nunquam lucatae inscriptionis *κεβδνηλας* excusabunt. Tertium quoque Graecum Hadriani nummulum centies conspectum, cui aera consignata est consueto charactere L, *λυ-αδβας*², & notis numeralibus IA., anno undecimo, inter Latinos migrare iussit, nullusque dubitans, Augusti esse dixit, & litteras de more pervertens, pro L. IA. legit II. AV. quibus *Secundum Augusti imperii annum* putat designari³.

Π Ο Ρ Ι Σ Μ Α .

Retexo jam orationem meam. Quum igitur CL. Ecardus, ceterique memorati scriptores multa, eaque egregia ingenii, sapientiaeque suae monumenta posteris reliquerint, illud ex antea demonstratis necessario consequitur, nummorum dignoscendorum scientiam non tam in doctrina, quam in quotidiano pene usu, & repetita illorum inspectione esse positam. In quo si multa tacitus praetermitto, rem tamen eo perduxisse mihi videor, ut illud Tullii usurpare utcumque liceat: *neque omnino est ars ulla, in qua omnia, quae in illa arte effici possunt, ab uno doctore tradantur; sed qui primarum rerum genera didicerunt, reliqua non incommode persequuntur*⁴.

SE-

¹ Confer Camilli Silvestri interpretationem posthumam in *Anaglyphum Gracum* cap. VI., §. VII. de Dioscuris *loc. Romae 1720.*

² Si quid testibus est opus, adi insigne totius Archaeologiae praesidium, decusque Eduardum Corfinium. *Notae Graecorum* *loc. pag. 41. Florent. 1749.*

³ Adde huc, quod Palladis caput in nummo *ΗΡΑΚΛΕΙΩΝ* Alexandri esse dixerit. Nummi hujus schema nitidissimum praefixit illustris Mazochius operi, vere aureo, quod inscribitur: *In Regii Herculanensis Musei aeneas Tabulas Heracleenses Commentarii. Pars I. Neapoli 1756.*

⁴ Cicero de Oratore II.

SECTIO NONA.

Varia antiquariorum judicia de Tetragonis incusis, quae in vetustissimis Graecarum urbium nummis videntur. Wildii, Begeri, Witzlebenii, aliorumque opinio rejecta. Recens de illis Cl. Barthelémy systema proponitur, fusius explicatur, novisque argumentis constabatur. Praestantiora quaedam numismata anecdota ex lectissimo museo Marchionis Aut. Savorgnani cavo quadriformi signata proferuntur, & illustrantur. Actium omnium fortunarum, laudumque MARCO ANTONIO terminus. Nomen ipsius & publicis monumentis quondam erasum. Medici prae ceteris jamdudum antiquitatibus colligendis, interpretandisque dediti.

SED in nostrae hujus etiam aetatis intuens scriptores, qui sunt studii optimis dediti, & Graecis, Latinisque litteris docti, occurrit Fridericus Sigismundus Witzlebenius, qui, ut ipse perhibet, vigintiseptem annis huic arti, & antiquis numismatis contemplandis, explicandisque operam, curamque impendit¹. At fortasse harum rerum inopia moram, & impedimentum homini erudito injecit, ne tantum in his litteris proficeret, quantum excellenti ingenio, diligentiaque consequi potuisset. Inter cetera vulgavit ille argenteum Delphorum nummum, in cujus anteriore parte cernitur *Capra*, placide cubans, superscriptis litteris, uno nexu vinctis ΔΕ; in posteriore vero rudi artificio *Tetragonum* circulo inscriptum, & ad angulos rectos in quatuor aequales partes sectum². Quandoquidem vero eruditi homines hoc symbolum, quod pluries in Graecarum urbium nummis conspicitur, varie fuerant interpretati, & alii Peloponnesi divisionem³, alii Syracusarum formam, quae quatuor maximis urbibus constare videbatur⁴, alii alia ad hanc rem attulerant, anim-

I

ad-

¹ In Praefatione ad librum *Selesta quaedam Numismata Graeca inedita hactenus, nunc vero explicata a M. Friderico Sigism. Witzleben. Lipsiae 1754.*

² *Dissertatio prima de num. antiquis. Delphorum.*

³ Begerus *Thesaur. Brandenburg. T. I. num. Peloponn. Coloniae Marchicae 1696.* Wilde *Selesta Numismata antiqua Tab. nona. LI. LII. Amstelodami 1692.*

⁴ Begerus *lib. cit. de num. Siciliae.*

advertit Witzlebenius, aliquid sibi etiam esse cogitandum, quod cum celeberrimae illius civitatis proprietatibus apprime congrueret. Quamobrem Delphici Oraculi spelaeum hoc loco exhiberi opinatus est. Sed peracutius vidisse, multoque verius de ejusmodi tetragonis disputasse mihi visus est Christianissimi Regis Nummophilax Jacobus Barthelemy¹, homo summe ingeniosus, ac summopere exercitatus, atque liberalibus quibuscvis disciplinis abunde excultus, cujus judicio stare malo, quam aliorum. Comparatis inter se se, studioseque collatis innumeris hujus typi nummis, facile ille conjecit, deprehenditque, quadriformes cavos illos, quos averfa vetustissimorum numismatum pars ostendat, nihil esse, nisi prima artis monetariae adhuc nascentis, & impolitae primordia. Nam quum nihil sit, ut Cicero dixit, quod se totum repente evolvat, sed natura levibus contenta principii in qualibet arte semina, ac quasi rudimenta posuerit, eaque hominum industriae excolenda, atque absolventa commiserit; initio quidem artifices ignari, qua ratione pecuniam utrinque ferirent, quin typum interiorem confunderent, opusque jam exactum vitarent, rem crasse pertentabant. Orbiculare metalli frustum incudi, vel potius retinaculo quadrato, & ad angulos aliquantum cuspidato applicabant, malleoque immittebant. Quo fiebat, ut dum violenta, ac repetita tutidis percussione parti obversae metalli typus excuderetur, retinaculum suo nisu averfae infigeretur, duplicique hac compressione, & contrario typi, & retinaculi impulsu, illius quidem figura exstans, & prominens appareret, hujus vero cava, & incusa. Id ipsum in nummo Delphorum necessario evenit, cujus tetragonon esse plane depressum² Witzlebenius fatetur.

Sed haec artis monetalis exordia, & quasi incunabula repetens, illud etiam velim, observate, curioseque animadvertas, quemadmodum continuata quadam progressionem ars increbuerit, & novis, sibi succedentibus additamentis paullatim aucta sit, ac tandem perfecta evaserit. Indocti fabricatores primo incudem nonnisi decussi, punctis, triangulis *ἀνίστομας*, aut pluribus

¹ *Memoires de l'Academie Royale d'une Paleographie Numismatique. des Inscriptions & belles lettres T. XXIV. pag. 30. à Paris 1736. Essai*

² *Lib. cit. pag. 9.*

ribus lineis varie concurrentibus, aut *μυρίασις* distinxisse videntur. Leuiusculam deinde aliquam exornationem areae quadriangulae insculperunt, ut in nummis ΚΟΡΥΤΑΙΩΝ, ΔΙΡΡΑΧΗΝΩΝ, ΒΙΣΑΛΤΙΩΝ, ΔΡΕΠΑΝΩΝ, ΔΕΟΝΤΙΝΩΝ, ΑΚΑΝΘΙΩΝ, ΠΥΛΙΩΝ &c. Processu aetatis typothetae facti aliquanto peritiores, intra tetragoni latera symbola aliquot addidere, quibus unius urbis moneta ab altera distingueretur; nusquam tamen aream illam quadratam emblematis, aut litteris prorsus obtegerunt, verentes, ut, si qua pars suppositae incudis non foret dentata, metallum applicatum elaboretur, aut figurae contusae evanescerent. Ita suis nummis retento semper eodem tetragono, introsculperunt Aeginenses *delphinum*¹, Aenienenses *capram*², Amphipolitae *fontem*³, Athenienses *nectum*⁴, Argivi, & Aradiani *alpha*⁵, Caristii *gallum*⁶, Cerinthii⁷, & Cyziceni⁸ *leonem*, Itani *aquilam*⁹, Methymnei¹⁰, Mamertini¹¹, Syracusii¹² *humanum caput*, Cranii *delta*¹³, Pharsali *equum*¹⁴ Erythraei *florem*¹⁵ Tenii *tridentem*, vel *tau*¹⁶ Thasii *sagittarium*¹⁷ &c. donec labore, perclitacione, solertia ars haec ab humili venit ad summum, & pecuniae cutores, imprimisque Siculi, dimisso tandem retinaculo quadrato, didicerunt utramque metalli faciem suo typo libere obsignare. Hanc verissimam quadratorum originem, haec successiva artis monetariae incrementa, hunc primum cuiusvis officinae Graecarum urbium typum fuisse, seposita omni necessitudine, quam in me Cl. Barthelemy officia, vel merita potius summam effecerunt, confirmavit non solum mihi, sed etiam persuasit eximia, praestansque illius Numis-

I 2

matica

1 *Museum. Ampliss. Senatoris Veneti Antonii Savorgnan.*

2 *Morsage hist. Itiner. II. 739.*

3 *Museum Regis Christianissimi. Barthelemy loc. cit. planche num. 22.*

4 *Museum N. P. Bernardi Nani Senat. Veneti.*

5 *Mus. Savorgnan. In Nani.*

6 *Museum Regium Parisien.*

7 *Goltzius Insulae &c. Museum Jos. Pancratii.*

8 *Museum Savorgnan.*

9 *Liebe Gorba nummaria cap. V.*

num. XXII. Amest. 1730. Item Mus. Savorgnan.

10 *Liebe lib. cit. cap. V. num. XXIIX.*

11 *Paruta, Havercamp. &c. Museum Principis Bisceari Catanæ.*

12 *Museum Canonici Perezii V. Cl. item Pembrokii.*

13 *Museum Vindobon. Tab. IX. n. 7.*

14 *Haym. Thesaur. Brit. II. 136.*

15 *Museum Vindobon. Tab. VIII. num. 24.*




16 *Museum Savorgnan. In Nani.*

17 *Museum Savorgnan.*

matica Palaeographia. Verum hunc aditum laudis fatebere, Vir Cl., his tantum patere, quibus datum est infinitos cujusvis generis nummos doctis oculis intueri, assidua versare manu, longaque exercitatione conferre, atque recensere.

Vt autem in rem penitus descendas, eamque momento suo ponderare valeas, praestantiora quaedam numismata ex Museo illustris Veneti, Patricii Antonii Marchionis Savorgnani, cavo quadriformi distincta haec adponere, tibi quae spectanda objicere deliberavi. At dum ego SAVORGNANVM nomino, non es insciens, mi RONCALLE, qualem virum appellem, quantumque huic deferam. Nam quidni & observantia, & cultu, omnique amicitia prosequar amplissimum Senatorem, in quo egregias dotes, quasque effigiem conspicio summi, ac singularis illius hominis M. Terentii Varronis, qui quum ad avitam nobilitatem virtutes omnes adjunxisset, quibus & naturae jura foverentur, & hominum societas continetur, ne dum Quaesturam, & Tribunatum, aliaque conspicua Reipublicae munia obtinuit, sed sanctissimus, integerrimusque vir a Tullio est appellatus? Et quoniam augeri amicitiam necesse est, si paria sint studia, simileque voluntatis inclinationes, eccui majora hominis amantissimi officia debeo, quam Savorgnano spectatissimo, veteribus monumentis colligendis, & quovis pretio comparandis sic jugiter dedito, ut in hoc etiam Varronis laudes adaequarit, qui Ciceroni, Gellio, Fabioque diligentissimus investigator antiquitatum dicebatur? Quod si confirmatur amor non tam necessitudine adjuncta, quam beneficio accepto, nescio qui me prae hoc viro liberaliori munificentia obligarit, quum nullo non tempore praedivitis musei sui mihi copiam fecerit, meisque studiis juvandis insignem illam suam antiquatum suppellectilem plane mihi patere voluerit. Porro dum haec vix meditarer, supra triginta ille extemplo misit vetustissima, numismata, tetragono insignita: ex quibus anecdota delegi, quae in praesentia aggredior explicare, ut ea nobilissimo possessori beneficii memor, quasi ornatiores restituam, interim vero susceptam translationem opportune confirmem, tibi quae de re nummaria plura roganti adhuc uberius satisfaciam.

NVM.



N v m. I.

Primus hic majoris moduli nummus typo, emblematis, antiquitate, forma, pondere inter Syracusios summo, ac primario loco habendus. *Triquetrae* sigillum, quo depressum, cavumque quadrum trifariam secatur, tam rudi, & impolito opere reditum est, ut artem monetariam adhuc nascentem, temporisque longinquitatem evidenti sane, certoque indicio agnoscas.

Τριτακίη δ' — ὑπὲρ πίδον Ἀυσονίῳ
 Ἐκπίπῃ, πλὺρῶσιν ἐπὶ τρισὶν ἰσηκυῖα.
Trinacia autem — super solum Ausonum
Extenta est, latera super tria fulsa;

quemadmodum Dionysius Afer cecinit in periegesi¹. Sicani idcirco omnes suis monumentis, ac denariis τὸ τεῖς κελον jugiter sculpsērunt, tamquam gentis γνώμισμα, & insulae τεῖς, sive τεῖλῳ χιτος insigne. Vbi tria crura concurrunt, ac nectuntur, varia Deorum capita, ab artificibus deinde addita sunt, spicae etiam interjectae, quibus grata domus Cereri abundare gloriabatur. At in nostro numismate nihil nisi ipsum nudum τεῖς κελον, sine ulla exornatione, aut umbra, crassiore Minerva, ut aetas illa vetustissima ferebat, in tetragono delineatum. Operis vetustatem prodit similiter alterius orbis figura. Nam etsi ludi currulis species se se objiciat, nulla hic biga, aut triga, aut tethrippus, quorum in sacris certaminibus tam frequens est intentio, sed simplex ἀπὴν ἑμιννική, rheda mularis, quam primum antiquissimis populis usitatam, ex Homero liberalium disciplinarum, & historiarum parente condiscimus, ubi de curru, quem splendidissimis donis onustum, redimendo Hectoris corpori ad Achillem misit Priamus².

Ἐκ

¹ De situ Orbis edit. Londini 1638. Confer quae habet Eustathius in Comment. ad Periegesin vers. Politi p. 250. Coloniae Allobrogum 1741.

² Iliad. u. vers. 267. 278. Mularem

hunc currum una cum altero equino representari censuit Cl. Venetus in in postica parte elaboratissimi Cenotaphii Musei Capitolini, cujus universa emblemata de Homeri testimonio expli-

Ἐκ μὲν ἄμαξαν αἰσαν ἰστροχον ἡμιονίην .

Currum quidem eduxerunt bene rotatum mulinum

Rurfus,

Ζυῶξαν δ' ἡμιόνους κρατερῶνυχας ἐντισιύγους ,

Conjunxeruntque mulos fortiter unguatos, subjugales .

In circum deinde migravit hic currus, quum spectacula populo darentur, receptusque sollemniter inter alia sacrorum certaminum genera Olympiade LXX. Quo fortasse factum, ut quoniam ante id temporis nullo publico decreto mulae in stadium irruerant, a Pausania in priori Eliacorum libro hic mos neque elegans, neque priscus dicatur. Omnino aliter statuendum, innuit Festus Pompejus lib. II. qui ludorum Consualium apparatus describens, haec habet: *Mulis celebrabantur ludi in Circo maximo Consuales, quia id genus quadrupedum primum putatur caeptum currui, vehiculoque adjungi.* Syracusae itaque quum ludorum agonalium non modo splendore, & diligentia, sed varietate delectarentur, licet generosis, & pernicibus equis, maximeque Agrigentinis¹ abundarent, mulas etiam olympico pulvere sordidari voluerunt, hacque primaeva, vereque prisca rheda usae sunt. Atqui haecenus nisi δῖσπος mularis, quod sciam, in Syracusiorum denariis obtulit le se; quo uno cisisi genere Hieronem vicisse, ex ipsius nummis² manifestum puto, & Hierone imperante, Agesiam Syracusanum Sositrati filium vehiculo mulari bijugi palmam omnibus praeripuisse, argumento est sexta Pindari ode³, σποφῖβ. quae incipit:

placavit singulari libello, quem inscripsit, dedicavitque ingeniolissimae, & rarissimi exempli Matronae. *Spiegazione de' Bassirilievi dell' urna detta di Alessandro Severo nel Museo Capitolino.* Roma 1756.

¹ Mira Equorum Sicularum celestas, eorumque circenses victoriae memorantur non semel ab Oppiano, Pindaro, Athenaeo &c. Agrigentini inter illos celeberrimi, teste Diodoro lib. XII. Multa ad hanc rem egtegie

adnotavit cultissimus Polyhistor Dominicus Schiavo, *Spiegazione d' alcuni monumenti scoperti nella Città di Girgenti*, inserta operi: *Memorie per servire alla Storia Letteraria di Sicilia tom. II. par. VI. pag. 374. Palermo 1756.*

² Paruta Tab. XX. num. XII. Spanhemius de V. & P. To. I. *Dissert. VI. II. pag. 551.*

³ OLYMPIA. *Salmurii 1620.*

ὦ Φίντις, ἀλλὰ ζυῖον ἦ-
 δὲ μοι σθίσιος ἡμίσιον
 ἢ πάχος δα.
Sed, o Phinti, junde jam
Mihi robur mularum
Quam celerrime δα.

Nostro tamen in nummo unicus est ἡμίσιος, qui rhedam trahit: quo primum hujus ludi tentamen, & simplicior illius exercitatio exprimi videtur; celete enim, antequam biga, vel tethrippo, natura duce, ac magistra, fuisse certatum, nil est cur dubitetur. Si ergo hoc alterum vetustatis indicium ceteris adjunxeris, id mihi assentes, nummum hunc in numero antiquissimorum esse ponendum, & verosimiliter ante Gelonem Syraculis percussum. Quid denique rude illud cissi sedile male cancellatum, nulla sui parte incurvum, nulla incisura distinctum, & axi rectâ impositum? Quid rotæ minime radiatae, sed transversis lignis compactæ, quales post Trojana tempora & priscis Etruriae populis usitatae? Quid muli collare multiplici gyro ad armos usque laxè defluens? Quid auriga ipse non alacer erectus, sed totus confidens? Annon haec omnia docent ad remotissima Sicanorum tempora, nummum esse referendum? Ne autem ambigas, nobilem Olympionicum hic repraesentari, licet nulla desuper volitet victoria, laureamque protendat, stat *Palma* non in scammatis, sed in medio stadii posita, & victori praeeparata. Quod autem superne sculptum visitur, *Clypeum*, aut *Discum* ceneri oportere non inficiaberis. Duplex fuit in Graecorum certaminibus clypeorum usus. Quum Junonis Argivæ agon quinquennalis ageretur, loco arduo, & pene inaccessu clypeus clavo infigebatur, ut esset sublatu difficilis; qui deinde dabatur illi, qui primus valida manu evulisset, ideoque Pindaro dictus Ἀγών χαλκίος¹. Celebrantur autem in hujus Lyricorum principis carminibus tamquam fortissimi victores Diagoras, & Epharmostus, qui clypeum in Argis abduxerant; tantamque gloriam

K

adipi-

¹ NEMEA. l. 10. I.

adipisci putabantur, ut victorum nomen ad perennitatem marmoribus etiam consignatum videamus. Ita in Arundelliano laudatur Cajus Antonius Septimius, qui

ΝΙΚΗΕΑΣ ΤΗΝ ΕΞ ΑΡΓΟΝΕ ΔΕΠΙΔΑ.

Victor ex Argivis Clypeum retulit ¹. In Farnesio Hermodorus, qui vicit

ΤΗΝ ΔΕΠΙΔΑ ΗΡΑΣ.

Clypeum Junonis ². Plura, si haec scribendi locus esset, suppeditaret dicenda Blasius Caryophilus in eruditissimo opere de *Veterum Clypeis* ³. Sed nostro in nummo Clypeus profecto non ita collocatus, ut ab auriga in decursione evelleretur. Quamobrem potius hic appositus inter cetera praemia, quae Hieronicarum *δῶρε* complectebatur: iis enim post emensum feliciter stadium, praeter coronas, tripodes, torques, vestes, phialas, lebetes etiam *clypeos* dari consuevisse, habes copiose apud Petrum Fabrum ⁴. Verum mihi est multo probabilius, *Discum* hic exhiberi veteri more Graecanico, quo Syracusii certe vivebant. Fuit illud Eleaeis communi usu receptum, ut in palaestra discus affigeretur, cui ab Helladonicis indictio, tempus, modusque certaminum in orbem describebatur: cujus quidem moris originem ab Iphito, Lycurgo, & Cleothene esse repetendam, movent fragmenta Phlegontis Tralliani ⁵. Huc certe pertinere puto ea Papinii Statii carmina in descriptione certaminum, qui a Danaïs habitus fuerunt in exequiis Archemori Lycurgi, & Euridicis filii, ubi post adeptam in circo a Phlegya, & Menestheo victoriam, inquit ⁶,

. concessit cetera pubes
Sponte, & adorato redit illa ingloria DISCO.

Quae

¹ *Marmora Oxoniensia* MCCCCLXV.

² Gruterus cccxxiv. 1.

³ Vide fol. 90. & sequ. librum colaudavimus jam pag. 40. not. 1.

⁴ *Agonosticon* l. II. c. IX. Lugd. 1692.

⁵ Apud Gronovium *antiquit. Graec.* Tom. IX.

⁶ *Thebaidos* lib. VI. edit. Lindenbruchi. Parisiis 1600.

Quae profecto non videntur accipienda de orbe aeneo, aut lapideo, qui a dioscobulis jaciebatur, cuique nulla certe reverentia erat adhibenda, sed de disco a Gymnasiarchis palam, proposito, quem Athletae recedentes, proni consalutabant, quasi missionem flagitantes. Ex his ergo conjectare licet, hunc gymnasticum discum in nostro numismate indicari, quem in stadio Syracusano quondam obtinuisse; vero perquam simillimum est. Quum autem nec litteram unam in toto nummo pinxerit typarius, mirum minime est, si neque elementum in disco expressit, quo illius usus demonstraretur. Sequutis temporibus in Syracusarum Regum nummis desuper bigas, aut tethrippos non discus, sed *stella* comparet; qua aut metalli massam, & flaturam, aut monetae praestantiam, aut felix, laetumque, augurium denotari, praeunte doctissimo Passerio¹, libens affirmavero. Restat modo, ut de hujus praeclarissimi monumenti pondere, ac valore cursim dicam. Equidem nonnullos inter Sicilienses vidi, praecipue Agathoclis, insigni crassitie, sed nullus ad hunc diem mihi oblatus est, qui siliquas (*Carati*) cxcv. pondere suo adaequet: hoc igitur etiam nomine maximi faciendus. Quae omnia quum animo attendo, mecumque reputo, nummum hunc aut veterrimam Syracusarum, vel potius totius Trinaciae monetam fuisse decerno, aut conflatum, ut in ludis agonalibus, quum primum edi coeperunt, Hieronicis strenuissimis praemii loco daretur.

N V M. I I.

Nihil dubito, legendum ΟΞΣΙΩΜ pro "ΟΞΙΩΝ; quamvis enim Aufonius dixerit:

Vocibus in Graiis numquam ultima conspicior M;

monumenta aliquot vetustissima in apricum actas protulit, in quibus loco litterae N, quae pro consueta Graecae linguae ratione videbatur scribenda, altera M suffecta est. Nam, ne quid

K 2

dicam

- 1 V. *Prolegomena ad Thesaurum Gemmar. Astriferarum* num. II. *Florantiae* 1750.

dicam de Foedere Smyrnaeorum cum Seleuco Callinico, quod inter *Marmora Oxoniensia*¹ lucem adspexit, ubi articuli praepositivi *τὸ*, & *τῶν* pluries sic afferuntur THM, & TΩM, exstat *Tyleos*, Thraciae urbis prope Haemum, nummus, nomine ita circumscripto ΤΤΑΙΣΙΩΜ²; ut neque nova, neque insolens Ossiorum orthographia dicenda sit. Quemadmodum etiam apud Clar. Maffejum *Observationum Litterar. Vol. v.* monetae Rheginorum, & Lucanorum, vetere, & adhuc barbara *ἐρρινόσι*, qua verba in *ω* delinentia, per *ο* pronunciabantur, inscriptum legitur PHGINOM, & ΛΟΤΚΑΝΟΜ. Jam vero recensentur a Ptolemaeo in regione *Βισαλτίας*, ultima Macedoniae, oppida nonnulla, inter quae est OSSA³, cui etsi exigua admodum fuerit laus, & celebritas, jus tamen feriendae monetae ob nullam rerum gestarum memoriam immerito sane denegaretur, quum infiniti pene sint nummi signati in urbibus, quarum in historicis, aut chorographis nihil praeter nomen reperies. *Bisaltas* eam Macedoniae partem, quae ad occidentalem solis plagam vergit, incoluisse tradunt Thucydides *lib. 11.* & Stephanus Byzantinus, sed Conon veterrimus scriptor in excerptis Photii Cod. CLXXXVI. enumerat potius inter Thracas trans Styrmonem. *Οἱ βισάλῳ. Θρακικὸν ἔθνος*, *Bisaltae Thracica gens*⁴. Vt ut sit, fortissimos viros illos appellat Livius⁵; idcirco *Offii*, qui & Bisaltae, apte, accomodateque huic nummo equum, & adstantem cum jaculo militem insculpi mandarunt, galea, Macedonicae, Thracicae-ve virtutis insigni, pone depicta.

N V M. I I I.

Priusquam cetera explico, illud ex hiulca epigraphe, evanidisque pene characteribus elici oportere video, ad quam vere Verbo hic pertineat nummus. Ac ex litteris, quae adhuc supersunt, nisi omnia me fallunt, nomen constatur ΛΑΡΙΣ-ΣΑΙΩΡ. In quo duo antiquissima Graecanici idiomatis elementa prae oculis obversantur, Ρ, & Ζ, quibus officinae monetae-
riae

¹ Primum, quod in opere occurrit *lib. 11. cap. x111. scđ. 11. Lips. 1731.*
marmor.

² *Gotha Nummaria cap. v. nu. XL.*

³ V. Cellarium, *Geograph. ant. To. 1.*

⁴ *Cap. xx. edit. Rotomagi 1653.*

⁵ *Lib. XLV. cap. 30.*

riae Larissaeorum vetustas manifesto proditur. Sane primam litteram κ prope ad Latinae formam exaratam jamdudum vidimus in inscriptione Nointeliana, & Herodis Attici¹, in marmore Bimardiano², itemque in denariis Syracusiorum³, Agrigentinorum⁴, & Phaereorum⁵; alteram vero ζ in lapide Sigo⁶, ac Bimardiano, nunc autem primum in nummis⁷. Veraque ducta est ex prisco alphabeto Jonico, vel potius Pelasgico, quo Graeci ante Callistratum Samium utebantur⁸. At quoniam hocce *Larissae* nomen pluribus certe civitatibus adhaesit, quaerendum, cui potissime nummus sit tribuendus. Duplex in Thesalia fuit Larissa, altera juxta Peneum ab Acrisio condita, altera in confinio Macedoniae. Rursus duplex in Creta, una Pelasgia a nonnullis dicta, altera Gortyne etiam nuncupata. Fuit & Larissa in Italia, quam, referente Diodoro, & Caesare, Pelasgi condiderunt. Alia fuit Troadis, cujus Homerus meminit, alia Aeolidis juxta Cumam, alia Syriae, Lydiae alia. Hoc ipso nomine donabantur parva regio in Ossa, & Ephefi vicus. Ad Tralles etiam Asiae est alia Larissa, alia denique in Pelasgiotide. Atqui si figuras in utraque nummi facie expressas sedulo perpendis, simulque contuleris, in tanta urbium copia, quae simili cognominatione appellabantur, rescies probabiliter, cui merito adscribas. Ac primum *Jovis Larissaei* simulacrum hic exhiberi opinor in quadrato subsellio, seu throno sedentis, media corporis parte inferne nudi, ad eum plane modum, quo Deumque, hominumque pater, & rex aliis in monumentis effictus conspicitur, & a poetis non semel describitur. Absunt equidem cetera Jovis symbola, vel loci angustia a rudi caelatore praetermissa, vel quia pictores, fictoresque, ut Tullius ani-

¹ Montfaucon *Palaeograph. lib. II. cap. IV.*

² *Theaur. Nov. Inscript. Muratorii Tom. I. Prolegomen. Mediolani 1729.*

³ Apud Bianconi *de Antiquis Graecor. litteris pag. 57. Bononiae 1743.*

⁴ Paruta in Agrigento.

⁵ Gotha Nummaria c. V. §. XLIII.

⁶ Chisfull *Antiquit. Asiaticae lpc. pag. 4. Londini 1728.*

⁷ De Graecis nummis loquor; in

exoticis enim ita detortum *sema* jam innotuerat; ut in nummis Hispanicis apud Mahudelum, *Dissertation sur les Monnoyes antiques d'Espagne par Mahudel à Paris 1725.*

⁸ Confer, quae egregie adnotatunt Havercampius in *II. Sylloge Scriptor. de linguae Graecae pronuntiatione Lugdun. Batav. 1740.*, nuper vero Johannes Reinoldius in *Historia Graecarum, & Latinarum Litterarum. Lond. 1752.*

animadvertit¹, in Deorum figuris conficiendis, in eorum ornatu, ac vestitu summa varietate dissentiebant. Ad Larissaeos ergo, qui in Trallibus commorabantur, hic nummus videretur revocandus. Illud enim a Strabone lib. ix. dictum accepimus. *Ἰσως δὲ καὶ ὁ Λαρίσσαιος Ζεὺς ἐκεῖθεν ἐπωνόμασαι*; forsitan autem, & Larissaeus Jupiter hinc cognomen assumpsit. At eques hastatus, militum post HomERICA tempora praeferebens habitum, qui in altero nummi orbe visitur, efficit sane, ut de Larissa Pelasgiae potius cogitem, quae & Arx fuit munitissima Argivorum; eo magis, quod ea urbs a Jove Larissaeo non solum diligi, sed etiam incoli, custodiri que credebatur, eique sanum in edita civitatis parte dedicatum Pausanias observavit: *ἐπ' ἄρκυ δὲ ἐστὶ τῇ Λαρίσσει, Διὸς ἐπὶ κλησὶν Λαρίσσαιον, τοῦ*, in extrema arce, cui nomen Larissa, est aedes Jovis Larissaei². Mire ergo consentiunt hinc Juppiter arcis, urbis, populi que custos, ac defensor, illinc miles quasi excubias agens, & ad locum propugnandum paratus. Qui hactenus editi sunt nummi ΛΑΡΙΣΣΑΙΩΝ, ad Thessalicam proprie pertinent, & equi palcentis, aut viri taurum domantis effigie distincti. Nova igitur nunc prodit novae urbis moneta.

N v m. IV.

Anceps hic mihi lectio, num ΑΙΝΙΩΝ, vel potius, ΑΙΝΙΑΩΝ supplendum sit; videlicet num ad ΑΙΝΙΩΝ, vel ad ΑΙΝΙΑΩΝ quartus hic nummus sit referendus. Equidem Αἰνιὸς πόλις Θράκης... τὸ ἐθνικὸν Αἰνιός, inquit Stephanus³, quae Anchisis filium sui conditorem jactabat, si Melae fides: *eximia est Aeneas, ab Aenea profugo condita*⁴. Eadem in regione Αἰνεία, cujus gentile, Αἰνείως, Αἰνιάνος, Αἰνείαδος. Eandem huic urbi originem tribuit Dionysius Halicarnasensis in primo Antiquitatum libro⁵, cui occinit Virgilius in carminibus.

... feror

¹ De Nat. Deor. lib. i. c. i. l. xxix. Et, si plura est opus, adl. Burmanni Dissertationem ΖΕΥΣ ΚΑΘΑΙΒΑΤΗΣ cap. xiii. Leidæ 1734.

² Corinthiaca lib. i. l. cap. xxiv,

³ Ed. Amstel. 1678.

⁴ De situ Orbis lib. i. l. cap. i. l. edit. Vossii Hægae Comit. 1638.

⁵ Ed. Wacbeli 1386.

.....feror huc, & littore curvo
 Moenia prima loco, satis ingressus iniquis,
 Aeneadaeque meo nomen de nomine fungo.

Variae fuerunt Aeneadum migrationes, atque in his varia op-
 pida condiderunt cognomina: nam modo τοῖς Ἐπικουμίδοις
 (Locris)¹, modo Ἀιτωλοῖς finitimi² a Strabone appellantur.
 Hypatam etiam in Thessalia eos fabricasse non dubito, quam πόλιν
 Ἀισιάνον vocat Stephanus. Est praeterea Ἀισία urbs Perrhaebo-
 rum adversus Pyndam in Macedonia, cujus εἰδικόν, Ἀισιός, &
 Αἰσιάνης, &, ut habet Livius, posita fertili agro³. Huic ego prae
 ceteris nostrum nummum adjudico, Capri, Satyrique consp-
 ecta imagine. Vtrumque inter Bacchica symbola esse recensen-
 dum, nota res, & pervulgata.

..... Baccho caper omnibus aris,

ut est in Virgiliano hemistichio⁴. Quare in caprum se admor-
 dentem vitis, Baccho sacra, ita lepide invehitur in epigram-
 mate Leonidae Tarentini. Anthologiae lib. 1.

Ῥίζα δ' ἱμπίδος ὕδα πάγιγλυκὺν εἴκαρ ἀνέστι.

Ὅσον ἐπισπείσαι σοι ΤΡΑΓΕ θυμὸν ἴψ.

Quoad radix mihi firma haeserit; reddet dulce nect̃ar,

Quod ad libamen satis erit, dum tu, CAPER, immolabere.

Satyri autem, & Aegipanas comites Dionysio jugiter dati⁵,
 ejusque sacrorum administri, tripudia in illis agentes, cum
 capris coniscantes, eosque ad aram Liberi Patris ridicule adi-
 gentes. Jam vero quum summa esset Macedonum erga Bacchum
 religio, & gratae, memorisque mentis propensio, quod, in-
 terempto

¹ Lib. IX. edit. Amstelod. 1707.

² Lib. I. ibid.

³ Lib. XLV. cap. X.

⁴ Georgic. II.

⁵ Lucianus *Dialog.* ΠΕΡΙ ΟΡΧ. edit.
 Amstelod. 1744. Aelianus ΠΟΙΚΙΛΗΣ
 ΙΣΤΟΡΙΑΣ lib. I. I. cap. XL. edit. Kunii
 1683. Satyrorum, & Aegipanum ima-
 gines,

terempto Lycurgo Thracio, *Macedonem* regem illis dedisset²; congruenter singularem hunc cultum regionis illius civitates, populi que suis in nummis testatam voluerunt. Atque inter eos praesertim Aenienfes numini, auspicioque illius devoti, eisdem Dionysiacis emblematis, capra scilicet, & satyro, quibus Nysaei monetarii, Bacchi gentiles, usi fuerant³, suam pecuniam obsignarunt. Et quoniam nulla erat urbs Aeniae nomine, quae eadem non affectaret vetustissima primordia, & ab illustri Trojano non se conditam crederet, plane autumo, virile caput, in cujus pileo, singulari exemplo quatuor elementa AINI... incisa sunt, pro imaginaria Aeneae effigie haberi oportere. Pretium nummo accedit ex nomine magistratus, qui nunc primum patescit, ANTIAΔΑΣ, isque Dorice scriptus, pro ANTIAΔΗΣ, eodem Dorismo, quo in marmore Chalcedonenfi Bibliothecae Regiae urbis officia exarata leguntur³:

NUM.

gines, ut plurimum occurrunt in monumentis Bacchicas pompas referentibus; nihilominus Satyros cum pueris, aut cupidinibus ludentes, amoris cursum trahentes, Pani sacrificantes vidimus in descriptione veterum Gemmarum Eq. Ghezli num. 41. 43. 48. 49. 51. Inter Cod. Vatic., quos memoravimus pag. 28.

² Fufius haec traduntur a Matthaeo Aegypto in explicatione *Senatus-Consulii de Bacchanalibus* lyc. pag. 26. lxxv. Neapoli 1729.

³ ΝΥΣΑΕΩΝ nummum cum Caprae, & Satyri effigie habes apud Patinum

in *Caracalla. Argentinae* 1661. Cui quidem nummo assimilis omnino Sarda thesauri Embermayerani cap. vii. Tab. xv. num. 397. Sunt alii Nysaeorum nummi Bacchi, & Satyri effigie signati V. Tristinum Sanctamantium Tom. i. pag. 236.

³ *Recueil d'Antiquités par Mr. le Comte de Caylus* Volum. II. *Antiquit. Grec. Marbre de la Bibliothèque du Roi* lxx. à Paris 1756. Doctissimus Belleyus Ducis Aurelianensis Antiquarius, nostraeque Academiae meritisissimus sodalis marmora ex Graeco vertit, copioseque illustravit.



N v m. V.

Etſi cognita jam , compertaque ſit *Phocidenſium* , qui regionem inter Boeotos , & Locros incolebant , moneta , numquam tamen ſtudioſis antehac exhibitus eſt iſte nummus , quem ex muſeo alterius nobiliſſimi , eruditique Veneti Senatoris Bernardi Nani primus extuli . Φωκίς quidem inclyta , & celebris non tam Cirrha urbe primaria ad ſinum Corinthiacum , quae fuit navale Delphorum , ſed & in mediterraneis Pythia , Cypariſſo , Helicone , Parnaffia valle , Corycio nemore , Caſtaliis aquis , pluribuſque Apollinis Phoebi fanis , oraculo , & religione ; quorum cauſſa ab Homero , Diodoro , Pindaro , Apollodoro , Strabone , praefertimque a Pauſania in *Phocicis* ſummis laudibus effertur . Prima nominis elementa ΦΟΚΙ . . . quadrati angulis diviſim appicta , de nummi officina omnem ſubmovent ambiguitatem . Nec nodus pertenditur ullus , quod Cadmea littera O vices gerat alterius in Graeco alphabeto recentioris Ω ; hanc enim fuiſſe yeterrimam Achivorum orthographiam non modo ex Platone in Cratylo , ſed ex variis nummorum inſcriptionibus ¹ manifeſto percipimus . ΦΩΚΕΩΝ quidem ſcriptum lego in nummo Gazae Gothanae ² , eodem pene typo obſignato , ſed ex Φωκίδι aequè derivat , alternatque ὁ πολίτης Φωκίδης , & Φωκίδης , quemadmodum ex Φώκαια Joniae , Athenienſium colonia , ὁ κάτοικος eſt Φωκαίσις , & Φωκαίτης . Quamobrem nummus Goltzianus ³ ita praefert , ΦΟΚΙΑ . . . Age vero , & de utroque inquiramus jam nummi emblemate . Ecquid autem menti ſuccurret , niſi Delius , Pythiuſque Apollo , dum in Phocide verſaris , quae templis , ſignis , oraculis illius ſic erat affatim dives , ut Apollinea monumenta ante oculos obverſentur , quocumque te animo , cogitationeque converteris ? Verum Apollinis ne caput eſſe dicemus , quod crinium plexu , oris mollitudine , ſpecioſa muraenula , totoque habitu ſemineum eſt ? Equidem non ſum neſcius , Apollinem muliebri ⁴

L

veſti-

¹ Spanhem. de V. & P.N. Diſſ. II.² Liebe cap. v. num. XLIII.³ Graecia .⁴ Schott Explication nouvelle de l'Apoteoſe Iſac. fol. 52. & ſequ. Vide pag. 50. huius operis .

vestitu, apparatuque ab antiquis fuisse interdum depictum, ut in nummis Augusti, Neronis, Antonini Pii, Commodi¹, Domitiani², Tranquillinae³. Sed imagines ejusmodi constanter perornat, atque distinguit instructa fidibus lyra, vel laurea corona, vel oïcen Phoebēia, ut actutum Apollinem ipsum agnoscas. Quamobrem aliam prorsus viam sibi esse ineundam censuit Liebeus, qui Pindari, Diodori, Suidaeque auctoritatem sequutus *Themidem* ibi effigiatam existimavit. Hanc quidem oraculum Delphicum una cum Apolline posuisse, hanc consulentibus ante Apollinem responsa dedisse, inquit Liebeus, sic fuerat antiquis persuasum, ut Apollo ipse, quum oracula ederet, *Θημισύειν* diceretur⁴. Sed ego haud scio, an haec, quod erat propositum, plane conficiant; non enim in Phocicis, sed in Boeotis fuit fatidicae Themidis oraculum. Explicationem itaque, si placet, aliunde repetamus; & quamvis, teste Tullio, in rebus, quae conjectura quaeruntur, anceps sit oratio, plus certe ponderis illa habet, si ab his, quae communi quodam vinculo continentur, profisciscatur. Quum igitur de Phocidensium rebus sermo sit, a gentis illius historia nostri nummi interpretatio multo probabilius elicietur. Ecquidni ΠΡΕΜΟΝΟΕΣ formam, imaginemque hic referri putemus, cujus clarum, & celebratum adeo fuit apud Phocidenses nomen, decusque? Praesto est certissimus, & locupletissimus testis Pausanias, a quo in Phocicis haec expresse traduntur. Μεγίστη δὲ, καὶ παρὰ πλείων ἐς Φημονόην δόξα ἔστιν, ὡς πρόμαντις γένοιτο ἡ Φημονόη τῷ Διὶ πρώτῃ, καὶ πρώτῃ τὸ ἔξαμτρον ἦσι. Magna vero fuit (apud Phocidenses) nominis laude Phemonoe, quae quum Dei (Apollinis) interpret prima fuerit, prima etiam senariis longioribus oracula decantabat⁵. Primariae hujus Apollinis sacerdotis meminit & Hesiodus in Theogonia: sunt praeterea inter mythologos, qui illam Phoebi filiam credant⁶. Omnem vaticiniorum, & divinationis scientiam, facultatemque

¹ Vaillant *Num. Imperat. Graec.* pag. 158. *Amstelod.* 1700.

² Cuperus *Numismata antiqua explicata* pag. 247. *Amstelod.* 1683.

³ Schott *ubi supra* contra Dissertationem Otthonis Sperlingii, ad num-

um Furiae Sabinae Tranquillinae *aug. Amstelod.* 1688.

⁴ Liebe *loc. cit.*

⁵ In Phocicis.

⁶ Confer Nicolaum Lloydium, *Dictionar. Hist. Poet. Londini* 1686.

que futura praenunciandi, & obscure dicta praesentiendi eadem concessere poetæ. Statius in Sylvis¹;

*Non mihi si cunctos Helicon indulgeat amnes,
Et superet Pimplea sitim, largeque volantis
Vngula sedet equi, referetque arcana pudicos
PHEMONOE fontes*

Item Lucanus de bello civili lib. v.

*Appius Hesperii scrutator ad ultima fati
Sollicitat, jussus sedes laxare verendas
Antistes, pavidamque Deis immittere vatem;
Castalios circum latices, nemorumque recessus,
PHEMONOEN errore vagam, curisque vacantem,
Corripuit, cogitque fores irrumpere templi.*

Si ergo omnis hujusce Apollinis theologiae, μαρτυρῆς fama, quae tantopere deinde est propagata, ex Phocide nata est, merito poterant populares de sua hac heroide gloriari, nummisque vernaculis illius effigiem insculpere. Nam si unaquaeque natio indigenas ostendebat heroas, metalloque commendabat, cur non Phocidenses suam Phemonoën?

Restat, ut dicam de taurino capite in alia nummi facie expresso. Omnia in pauca conferam. Alii ad boves, quos saepenumero Apollini mactatos, dedicatosque legimus, id revocant². Alii insculptum arbitrantur in memoriam τῷ βοός χαλκίος bovis aerei, quem Carystii in ipsa Phocide παρὰ τῇ Ἀπολλωνίᾳ ἱστησαν, Apollini statuerunt³. Sed quid, quod in his nummis nusquam integer taurus, sed illius tantum caput occurrat? Quid, quod modo vittatum, modo absque taeniis exhibeatur? Quid tandem, quod in nummo ΠΗΛΙΚΕΩΝ thesauri Theupoli, tria capita boum oris junctis⁴ compareant? Qui haec tibi dilucide, probeque interpretabitur, hunc vatem adhibeto maximum.

L 2

ximum.

¹ Lib. x l. Carmen II.

² Liebe.

³ Pausanias l. c.

⁴ Nummi Popul. in Verbiem Series VIII.

ximum. An est fortasse *Φώκας vituli Marini* imago, ita ut sit emblemata nomini urbis homologum, quemadmodum *Ἀργείας capra*, *Ἀρκίᾱς lupus*, *Ἐυβοίᾱς bos*? Rem in medio linquamus; ut enim, auctore Cicerone, est ridiculum ad ea, quae certa habemus nihil dicere, ita etiam ea quaerere, ac judicare, quae habere non possumus. Asperrima, & dira Phocensium fata, decennale bellum, extremumque exitium, quibus de caussis, quove tempore acciderint, nihil moror. Nam praeterquam quod nihil id nummis explicandis conferre potest, tam accurate, tamque docte contra Scaligeri, Petavii, Palmerii sententias disputatum, vel potius demonstratum est in *Fasliis Atticis*¹ a viro sapientissimo, qui Graecae imprimis philologiae parens, ac magister his temporibus est appellandus, ut nihil sit, quod amplius desideres. Ad ceteros Savorgnani nostri nummos revertamur.

N v m. VI.

Nullus ante Mortaye ΚΑΡΔΙΑΝΩΝ nummos, quos ego quidem noverim, vulgarat. Vnus ab illo in lucem eductus², a quo tamen hic noster plurimum differt. *Καρδίαν χερρόνησον* *μυγίστην πόλιν* dixit Demosthenes in 111. Philippica. Memoratur ab Herodoto in Erato, & Polymnia, atque etiam a Scylace Caryadeno in Periplo. Pausanias in Atticis excidium illius a Lyfimacho Thraciae rege patratum enarrans, inquit: *πὴν Καρδίαων πόλιν ἀνελών λυσιμαχίας ἀντ' αὐτῆς ἔκτισεν ἐπὶ τῷ ἰσθμῷ πρὸς Θρακίας χερρόνησον*. Quum Cardianorum urbem evertisset, loco illius Lyfimachiam condidit in Isthmo Chersonesi. Itaque quia Cardiae mentio post id tempus desuit, omnisque memoria pene intercidit, satis animadvertis, quanti sint aestimandi urbis illius nummi, vetere adhuc, & primaevo nomine signati. Nostrium hunc exornant hinc leonis caput, illinc clava in depresso tetragono caelata; ex quibus intelligas, Cardianos se in Herculis tutelam tradidisse. Duplex autem esse poterat singularis hujusce Cardianorum in Herculem religionis causa. Primo quidem, quod in Thra-

¹ Clar. Eduardus Corfinus *Tom. 1. Dissert. 111. Florentiae 1744. Tom. 17. Olymp. cvi. & cix. Flor. 1736.*

² *Voyages du Sr. A. de la Mortaye Tom. 1. chap. xix. tab. xxvii. num. 9. a l'Haye 1721.*

Thracibus numerarentur, qui quum Herculem Tyrium perverteri, constantique opinione suum conditorem crederent, eundem omni cultus significatione prosequerentur. Secundo quod non longe a Cardia distaret Thasus, in qua *Herculis Servatoris* memoria tam alte infederat, ut exinde *Thasii* nomen illi obvenerit¹. Scitum autem illud est, Deorum cultum ex una urbe, in qua insigne aliquod exstabat sanum religione, & frequentia facerrimum, facile in finitimas promanasse; quod de Hercule Thasio accidisse non est dubitandum. Thracica, Thasiacque Herculis expeditio, deducta utroque ab illo gens, condita illic ab *Heracleidis* oppida non modo a Strabone, Diodoro, & Apollodoro memorantur, sed etiam in eximio Farnesiano marmore, quo & Herculis gesta, ac labores describuntur, ejusdemque expiatio, & quies variis symbolis, variisque figuris affabre expressa ob oculos proponitur². De Cardianis igitur merito cum Hesiodo, *περὶ τῆς ἀσπίδος τοῦ Ἡρακλίου*, dici liceat.

Ἦρχε δὲ τοῖσιν ἰὸς παῖς Ἀλκαίοιο.

Fundator autem istis erat bonus filius Alcaei.

N v m. VII.

Typus iste, laureatum Apollinis caput, lyramque referens, quo pariter notati sunt nummi ΑΔΡΑΝΙΤΑΝ, ΔΕΛΦΩΝ, ΙΕΡΟΠΟΛΙΤΩΝ, ΚΕΝΤΟΡΙΠΙΝΩΝ, ΛΑΠΠΙΤΩΝ, ΔΙΑΥΒΑΙΤΑΝ, ΜΥΤΙΑΗΝΑΙΩΝ, ΝΑΚΤΟΡΙΝΩΝ, ΡΗΓΙΝΩΝ, ΣΤΡΑΚΟΣΙΩΝ, ΤΑΥΡΟΜΕΝΙΤΑΝ &c. quam sit Actiis consentaneus, & ad famigerati Acarniae oppidi conditionem accommodatus, tute cognosces, ORNATISSIME RONCALLI. Tercentis, & amplius annis, antequam mutato nomine ΝΙΚΟΠΟΛΙΣ appellaretur, deductaque illuc ex septem civitatibus, clade

¹ Exstat de *Thasiorum* nummis, praecipue illis, in quibus *Hercules Soter* conspicitur, commentatio Johannis Hen. Schulze *Holae Magdeburgicae* 1737. ubi plura de ΗΡΑΚΛΗΙ ΣΩΤΗΡΙ, Thasiorumque in illum cultu.

² Iterum incomparabilis Corsini libros adiri jubeo; absolutissimam videlicet illius explicationem *Marmoris Farnesiani*, quam post Tollium, Retinesium, Sponium, Goriumque adornavit, ediditque Florent. 1749. praefectum ad versum 75. 76. 77.

nostra haec tractatio a MARCI ANTONII legionibus, splendore, ac triumphis enata est, ibi exitum illa reperiit, ubi potentissimo ante TRIVMVIRO flagitiorum, arrogantiae, fortunarumque omnium finis, ac terminus fuit. Nam licet nonnisi bello Alexandrino, quo Antonius misere, & inhoneste interiit, omnis illius potestas in Oriente conciderit, verumtamen Actiaca navalis pugna, qua sinus Ambracii fluctus caesorum sanguine per diu rubuerunt, ut novam rebus faciem in Graecia, & Aegypto invexit, novum Caesari imperium asseruit, ita Antonii audaciam fregit, vires prostravit, fautores exterruit; ex quo ad ultimam, & irreparabilem illius cladem brevi aditus patuit. Porro si rerum futurarum auguria, & praesagia ostentis continentur, impendens Antonio fatale exitum portendere visae sunt, ut Plutarchus tradit, statuae colosseae Antonio Athenis dedicatae, solae ex multis, paullo ante bellum Actiacum, vi turbinis disiectae¹; itemque illius, & Cleopatrae signa sub Deorum forma, ictu fulminis suo loco deturbata, atque eversa². Et quoniam Antonii imperium vi, artibus, licentia partum Romanis in invidiam venerat, nomen illius, (quod aliis Principibus novimus evenisse³) jam invisum e publicis monumentis per insignem contemptum fuit erasum. Evidenti argumento est inter Asiaticas antiquitates monumentum Aphrodisiense, si-
ve Marci Antonii epistola scripta an. V.C. 717., ex qua non-
temporum injuria, sed jussu Senatus, acerbo in Antonium odio
nomen illius sic extritum, deletumque visitur.

M. Ἀντωνίου ἀυτοκρα-
τορ ὑπατος ἀποδείδι-
ΓΜΕΝΟΣ ΤΟ Β. ΚΑΙ τὸ γ.
ΤΡΙΩΝ ἈΝΔΡΩΝ ΤΗ Δυσπραγ-
ΤΩΝ ΔΗΜΟΣΙΩΝ &c.

M. An-

¹ In Antonio.

² Dio *Hist. Rom. lib. L.*

³ V. Gruteri thesauri pag. cxcv., ubi erasum Domitiani nomen &c. Hanc injuriam Getae nomini irrogasse Caracallam prodit Dio in excerp-

tis Valesianis pag. 747. edit. Parisien. 1634. Hoc unum argumentum doctè, enucleateque versat Cl. Hannibal Oliverius ad Marmora Pisaurensia. *Lapid. xix. pag. 34. Pisaur. 1738.*

M. Antonius Imperator Consul def-
GNATVS ITERVM ET tertium
TRIVMVIR Secunda vice
REIPVBLICAE &c.

Quae quidem lacunae ex titulo aliarum epistolarum Antonii, quas ante quadriennium Ephesi dederat, quasque posteris fartas integras servavit Iosephus lib. xiv. antiquitatum, perfacile, verique explentur¹. Hoc memorandum dedecus, hoc turpe deonestamentum, hanc immedicabilem ignominiam non antea Antonio irrogatam credo, quam ille amissa fortissima classe, ademptis sibi magno numero civitatibus, interfectis ducibus, fuorum quâ fuga, quâ defectione, muliebri tandem Cleopatrae inconstantia ad incitas reductus, prorogandi imperii, aut ex fatali iactura emergendi omni spe destitueretur. Sic homo capitalium facinorum reus, patriae hostis, ac perduellis, totius belli civilis fax, iniquus orbis Romani invasor, licet eloquentia, dexteritate, victoriis, Graecorum favore adeo praestans,

Minatus urbi vincula, quae detraxerat
Servis amicus perfidis,
Romanus (heu posteri negabitis)
Emancipatus feminae²,

non tam calamitose, quam turpiter periit, ac defecit. Hoc laetissimo nuncio gestiens Vrbs aeterna, hoc Caesaris triumpho renascens IEPA ΝΙΚΗΡΟΔΙΣ, & facta beatior Alexandria, victoriae concelebrandae nummos percusserunt vel Caesaris, vel Agrippae (quo duce potissimum usus fuerat) nomine, & Apollinis Aetiaci, victoriae in puppi stantis, tropaei navalis, palmae, sphingis, manipuli spicarum emblematis insignitos, ut tota MARCI ANTONII historia a primis illius in Repb. factis ad extremam usque epocham per nummos nitide, distincteque con-

¹ Chiflull *Antiquitat. Aegyptiacae*. pag. 150. 151. ² Horatius *Epid. 9.*

contexta exhiberi possit ; indeque studium REI NUMMARIÆ non perutile modo , sed in omni rerum vetustarum interpretatione tamquam fulgentem facem , magnumque praelidium necessario adhibendum , invictissime probetur .

Tu vero , ORNATISSIME RONCALLE , perge , ut instituisti , numismata , optima , & quandoque unica rerum prae-teritarum testimonia , undecumque comparare ; dum enim de politioribus artibus praeclare mereberis , rem omnino tuam tibi vindicabis . Siquidem hanc provinciam videntur Musae Medicis concessisse , ac quasi reservasse , ut prae ceteris in eruditae antiquitatis reliquiis ab impendenti vastitate vindican-dis , & in nummis colligendis , explicandisque summa cum laude allaborarent . Celebrabuntur , dum honos litteris manebit , Lazius , le Pois , Rosleinius , Occo , Savotus , Johan-nes Faber , Patinus , Wolkamerus , Meibomius , Sponius , Olearius , Daniel Major , Tournefortius , Vaillantius , Gene-brierius , Mendius , Meadius , Mahudelius , Falconetus , Har-butnotius , qui cum divina medendi arte antiquitatis , prae-fertimque nummorum scientiam feliciter copularunt . His te adjuuge , hos sequere , & ingeniosa , liberalique contentione aemulare , ut coepta studia , hancque nobilissimam spartam , æuearis , ornes , augeas , amplifices .




SECTIO DECIMA, ET VLTIMA.

ΠΑΡΕΚΒΑΣΙΣ de tabula anaglypta Peloponnesi . In ea Medicum Sellularium repraesentari . Medicos olim apud Graecos , & Romanos in taberna , qui curationis causa venirent , expectasse , Antiphontis , & Archagathi praesertim exemplo probatur . Vetus controversia de medicorum conditione denuo inter Meadium , & Middletonium exagitata . Schlaegeri , & la Motte de ea iudicium . Scientiae medicinali vacasse viros tum publicis officiis illustres , cum politioribus litteris apprime excultos . Vtramque medicinae partem πατυγντικὴν , καὶ διαιτηρικὴν eosdemmet homines quandoque exercuisse , Pindari , Xenophontis , aliorumque testimonio evincitur . Veteres Iurisperiti ad eam rem testes acciti . De veste medica , deque sella , & hipopodio . Pictura codicis Dioscoridiani medicorum concilium referens . Ferramenta chirurgica diptycho pensili inserta ex medicorum priscorum doctrina illustrantur . De ministro πμινταεῖς insignis Olympiodori locus . Mulier stolata quamobrem a quadratario heic expressa . Quorsum spectet equus cum manu ductore . An vir sedens fortasse etiam ἵπποιστρος ? Medicinae equariae apud antiquos exstimationis , & scriptores . Serpens Epidaurius arbori circumvolutus aptissimum tabernae medicae insigne , & symbolum . Ὀφιολατρεία ab Ethnicis ex historia Judaica perverse ducta . Marshami calumnia de serpente aeneo depulsa . Archiatri templi , & sacrificia decreta , quum essent inter Heroes annumerati , Aristomachi , & Toxaridis exemplo docetur . Operis conclusio .

Magnum ingenium Plato , magnumque reconditoris philosophiae lumen , eum esse aiebat honestissimum peregrinationis fructum , si quidpiam domum referas , in quo te deinde meditando , scribendoque exerceas . Nimirum videbatur illi , nihil post itinera reperiri dulcius otio litterato , his dico litteris , quibus ea , quae percurrentes adspectavimus , miratique sumus , interdum memoria repetimus , studiosius evolvimus , atque expolimus . Quamobrem hic meus semper fuit mos , ut quum alicubi optima vetustatis monumenta reperirem , quae maxime

xime nondum essent vulgata, in ea oculos diligentius intenderem, eorumque apographum aliquod in adversaria referrem, quae identidem revifere, animoque tractare mihi volupe est, five ad veteres scriptores interpretandos; five ad nova rerum archaeologicarum studiosis subsidia exhibenda. Hoc ipsum Venetilis ante paucos annos praestiti, a qua florentissima urbe priusquam discederem, deliberavi iterum circumspicere, memorique animo notare, atque etiam exscribere praestantiora quaedam monumenta, signa, & toreumata, quae viri patricii, ducesque superbo sanguine nati ad splendorem urbis suae, privatisque domibus perornandis ex Peloponneso saeculis superioribus advexerant. Quae in aedibus praenobilium Grimanorum ad S. Mariae Formosae exstant sculpta marmora, singularem mihi visa sunt praeseferre commendationem, antiquitatem, excellentiam, quippe quae vetustissimas Graecorum opiniones, illustria Heroum facinora, peculiare nationis illius mores, ritus, consuetudines spectandas exhibeant. Sed quominus in his delineandis defatigaver, effecit amor, & humanitas Cl. Anselmi Costadonii, viri non tam ad litterarum incrementum, quam ad sanctum amicitiae nomen colendum, tuendumque nati, qui me horum marmorum graphidibus eleganter descriptis liberalissime muneratus est. Sane mihi nunquam fuit jucundior horum schematum conspectus, quam quum in his reperi, quod tibi deferrem proprium, & gratissimum munus. Quid enim Archiatro praestantissimo exhiberem acceptius, quam pervetus, & insigne rei medicae monumentum, idemque splendidissimum Peloponnesium erga divinae hujus scientiae professores existimationis testimonium? Id totum certe referre videtur tabula marmorea antiquo artificio egregie caelata, in Grimanorum cavaedium sita, cujus exemplar aeri redditum nullus ad hunc diem publicavit. In ea siquidem Medicus conspicitur in taberna, abaco, feramentis Chirurgicis, & Ministro *παρατάξις* instructa artem exercens, ad quem nobilis mulier equo e longinquo devecta venit, ut excellentis Medici peritia ex morbo convalescat. A quo Medico aegros dubia vitae spe laborantes ad pristinam valetudinem, virtutemque fuisse revocatos, Serpens, salutis index, portendere, ac monstrare videtur. Multa tibi for-

tasse, DOCTE RONCALLE, hic lapis suppeditaret dicenda de prisca medendi ratione, quae a me hujus artis ignaro frustra requireres; annitar nihilominus ex probatissimis scriptoribus ea omnia delibare, quae singulis anaglyphi partibus aliquod afferant lumen, ut mantissam hanc, vel potius *παρίστασις*, sin minus operis argumento, tuo certe instituto consonam libentius excipias, atque complectaris.



Jam vero, ut unde necesse est, inde lucubrationis initium sumatur, illud pro certo constituendum, veteres Medicos doctrina, experientia, fama illustres urbem curitare minime consuevisse, & raro ad clinicorum curationem domos adiisse, sed unumquemque suam palaestram, officinam, tabernam sibi comparasse, in qua non modo auditores optimis praeceptis imbueret, sed aegrotantium morbis, qui consulta, & mexipharmacha quaesitum veniebant, opportune mederetur. In quo veterum Medicorum, qui de vili *περιόδοις*, & *ἀγυραί* turba non essent, gravitatem, dignitatemque mirere. Nomen eisdem a nobili artis exercendae ratione impositum. Nam *ἱατρὺς ἐπιδημῖος*, Medicos *sellularios* fuisse appellatos, monet in Plinianis exercitationibus Salma-
sius

sius¹. Satis quaestioni, satis muneri meo fecisse arbitrabor, si duo tantum ad id aptissima exempla subijciam. Primum est Antiphontis Rhamnusi, qui quum medicinam Corinthi facere apud seipsum constituisset, nihil habuit potius, quam ut de publica officina sibi provideret, cui titulum, & inscriptionem publico commodo apposuit. Rem Plutarchus his verbis exponit in vita ipsius Antiphontis. ἔτι ἢ ὡν πρὸς τῇ ποιήσει, τέχνῳ ἀλυπίας συνίστατο, ὥς περὶ τοῖς νοσῶσιν ἢ παρὰ τῶν ἱατρῶν θεραπεία ὑπάρχει ἐν Κορίνθῳ πᾶσι κατεσκευασμένοι οἰκημὰ τι παρὰ τῷ ἀγορᾷ; προϊύραται ὅτι δύναται τοῖς λυπυμένοις διὰ λόγων θεραπεία, καὶ πικρὸν ἀνὸς πᾶσι αἰτίας περιμυθεῖτο πῶς κάμοντας. Dum adhuc poeticae esset deditus, artem dolorum abolendorum condidit, qualem medici aegrotantibus curationem promittunt; ac Corinthi pone forum exstructa taberna proscripsit, se eos, qui in moerore essent, verbis sublevare, auditisque aegritudinum causis, consolatus est aegros². Hinc Romani Archagathum ex Peloponneso accien-

tes,

¹ In Cuii Julii Solini Polyhistora Tom. II. Parisiis 1629.

² Vitae Rebetor. Parisiis 1624. Ex hoc Plutarchi loco διὰ λόγων θεραπείαν videtur Antiphonta ad morbos depellendos exantationibus potius, magisque, ut vocant, artibus, quam remediis, quae a natura suppeditantur, esse usum. Fuit haec perversa, ac inuicilis medendi ratio non tam ab antiquissimis medicinae doctoribus Zoroastro, Herma, & Chirone inuenta, ut observat Daniel Clericus *Histoire de la Médecine liv. 1. chap. 4. 10. 12. 13.* sed etiam a Galeno, Erasmo, Const. Africano, Agrippa, deinde vero a Caesare Longino, Campanella, Pomponatio, Johan. Porta plurimi habita. Quibus persuasum fuerat certis verbis, compositisque carminibus posse homines morbo relevari. Laudatur a Silio Italico lib. v. Synalus Hannibalidis medicus, qui

..... ferrumque e corpore cantu
Exigere, & somnum sorto misisse
Chelydro

Anticitat cunctas

Huic errori ansam verosimiliter dederunt mirabiles Musices, apteque modularum cantionum effectus, quas ad sedandas animorum iactationes, proindeque etiam ad restinguendas aegritudines, molestias, infirmitates, quae ex turbulentis animi motibus oriuntur, multum semper valuisse cognovimus. Brevi temporis decursu res ad extremam deflexit nequitiam, & carminibus insana veneficia, superstitiosae operationes additae sunt, quae imbecillum mentes sic occuparunt, ut tota artis salutaris vis, & efficacia in illis sita crederetur. Confer inter ceteros Hensicium Ant. Heintze 1659. de Incantationis adversus morbos efficaciam. Helmstadii 1659. Pessimae huic arti a Christiana Repub. averruncandae plurimum allaborarunt non modo sacratissimi Antistites, quorum sanctiones obviae in theologorum libris, sed & Imperatores, piissimique Reges, ut ex Codice Theodosiano, & Carolinis Constitutionibus liquido apparet. Huc spectat III. Concilli Turonensis an. DCCCXIII. Canon XLII. cdi-

tes, ut artem medendi in Vrbe antea vix notam exerceret, docente Plinio, officinam illi destinarunt publico sumptu coemptam. Cassius Hemina ex antiquissimis auctor est, primum e Medicis venisse Romam ex Peloponneso Archagathum Lysaniae filium, L. Aemilio, & M. Livio Cos. an. V. C. DXXXV., eique jus Quiritium, & tabernam in compito Acilio emptam ob id publice¹.

Neque vero hoc unum tabernae nomen quemdam tibi de antiquis Medicis contemptum, & despicatum ingerat, ac si fordidam, humilem, illiberalem artem exercerent, homine ingenuo, & cive Romano prorsus indignam. Injuriam hanc, seu potius calumniam Medicis primum imposuit Cornelius Agrippa², homo dicacissimus, qui dum aliena carpit vitia, noctem quamdam rebus omnibus offundit. Sed nemo, hoc praeceunte duce, artem salutarem sic aspernari, ejusque professores in vili hominum grege ponere ausus est, nisi Franciscus Robortellus, studiis humanitatis ceteroqui clarus, qui non multo post renatas in Italia litteras, eandem instauravit quaerelam, & ingenti animositate adversus Archiatros bellicum cecinit³. Quanta deinceps erupit scriptorum turba, ut e veteri nobilitatis possessione illos dejecterent! Pignorius⁴, Borremanus⁵, Dempsterus⁶, Menagius⁷,

Boe-

editionis Labbeanae Parisiensis 1671. Tomo VII. *Admoneant Sacerdotes fideles populos, ut noverint, magicas artes, incantationesque quibuslibet infirmitatibus hominum nihil posse remedium conferre*. Num aliquando diabolica haec ars, divini Numinis permisso, suum consequeretur effectum, & aegrotos solaretur, superfedeo disputare, ne infinitas illas concertationes de *Arte Magica*, quae tanta utrinque animorum dissensione, tantaque librorum copia, hac aetate sunt institutae, huc importune regeram. Ceterum, ut ad Antiphonta revertar, quum is poesi excelleret, facile potuit carmina suavissima excogitare, quae morbis epathicis levandis utcumque conferrent. Nisi potius ead. lib. hyspanice intelligi fas sit de summa illius eloquentia, qua morborum causas, affectiones, symptomata, prognosin expli-

cabat, & singulis sua proponebat medicamenta; ut quamvis verbis, (non ita, ob eloquii praestantiam) aegrotantium languoribus succurrisse Plutarcho dicatur, re tamen ipsa consuetas antidotos ex disciplinae praescripto morbis adhibuisse putandus sit.

¹ H. N. lib. XXX. cap. VI. Harduin.

² De Incert. Ign. vanit. scient. cap. XXXVIII. Coloniae 1575.

³ Aduot. in veter. Aduores lib. I. cap. XXI. exstat in Thesaur. Critico Gruteri. Tom. II. Francofurti 1604.

⁴ Commentar. de Servis pag. 36. 37. Patavii 1656.

⁵ Variar. Lection. cap. XV. Amstelod. 1676.

⁶ Paralipomena ad Resn. Antiqu. lib. II. cap. XVI. Amstelodami 1747.

⁷ Amoenitates Juris cap. XXXV. Parisiis 1677.

Boeckelmannus¹, Heineccius², ut alios praeteream, conquisitis omni studio argumentis, ac testibus, & quasi agmine facto, Robortelli sententiam tueri, ac magis, magisque confirmare studuerunt. Nec a Grammaticis tantum, aut Jurisconsultis ars haec lacescita, & exagitata est, sed quandoque etiam a sacrorum Bibliorum interpretibus. Balthasar Corderius in catena Patrum Graecorum³ de Luca Evangelista Antiochia, Syriae urbe per celebri, oriundo, mentionem faciens protritum argumentum tangit, quo Medicorum conditio servilis ostendatur. Quod quum Syria multos servos Romanis exhiberet, verosimile videtur, Lucam inter mancipia fuisse, & in servitute medicinam facitasse, donec, ejuratis erroribus patriis, Christo nomen dedit, ac manumissus, qui antea corporum, Medicus fuerat⁴, exinde animarum curator evasit. Hoc ipsum argumentum, Syros apud veteres servituti natos dici, retexit Caveus in antiquitatibus Apostolicis, & Grotius in commentariis ad Lucam; sed quam futilis, quam fallax, quam male contorta sit istorum conclusio, perinde ac si nullus ingenuus, nullus liber homo in tota Syria fuerit, facile ex Zornio cognosci poterit⁵. Verum multo eruditius, multoque copiosius jactata in Medicos calumnia retusa, ac dispulsa fuit non ab his solum, qui medicinam profitebantur, quique nimio suae artis studio ducti, delectati, atque abrepti putari possent, sed ab his etiam, quibus nulla cum hac facultate conjunctio. Primo quidem a Petio Bayro⁶, Hippolyto

¹ *Medicus Romanus servus sexaginta solidis aestimatus. Lugduni Batavor. 1671.*

² *Antiquitates. Rom. lib. 1. Tit. xxv. §. xix. Operum Tom. IV. edit. Genevae 1747.*

³ *§. xiv. Antwerpiae 1623.*

⁴ Tres praesto sunt, quas in hoc argumento indicem Germanorum lubricatiunculas; Joh. Dieder. Winkleri de Luca Medico, Lipsiae 1736. Bened. Gottlob. Clauf Witzli de Luca Evangelista Medico, Lipsiae 1740. Item Caroli Christiani Woon, de Luca Evangelista Medico Lipsiae 1736. Postremus hic auctor, qui mihi scri-

benti prae manibus est, id agit, ut Lucam vere medicum fuisse ex testimonio veterum Ecclesiae scriptorum demonstret: quae testimonia quamvis saeculum xv. non antecedant, tamen deesse alia hanc epocham praecedentia minime evincunt, quum ex his, qui supersunt, scriptoribus pateat, primis post Christum natum temporibus, hanc ipsam de Luca viguisse opinionem.

⁵ *Opuscula Sacra Tom. I. num. xvi. Epistola lxx. edit. secund. Altonaviae, in Flensburgi 1743.*

⁶ *De Nobilitate facultatis Medicae. Taurini 1715.*

lyto Obiccio¹, Andrea Tiraquello², Samuele Petito³, Jacobo Gothofredo⁴, Casaubono⁵, Jos. Laurentio⁶, tum a Sponio⁷, Meibomio⁸, Drelincurtio⁹, Vollio¹⁰, Crellio¹¹, Salom. Cellario¹², Vandikio¹³, & Schulzio¹⁴, viris inclytis, & oppido eruditis Medicorum caussa, defensioque est suscepta, & criminatio vindicata. Numquam tamen de hujusce ordinis conditione decretatum est acriore contentione, nec umquam vetus haec controversia majore effervuit aestu, quam in Anglia hoc ipso vertente saeculo inter Richardum Meadium, & Conyers Middletonium, illum Londinensem Aesculapium, hunc Cantabrigensis Academiae Bibliothecarium. Nam ut primum vulgata est elegans, & compta illa Meadii oratio¹⁵, qua honores Medicis ubique gentium delatos recensuerat, & suae facultatis ofores ad ea tempora provocarat, quibus certe non homines infimo orti genere, sed clara stirpe, honestisque, ac laudatissimis familiis prognati, artem Romanis Impp., ceterisque Principibus apprime caram excoluerunt, bellum illi confestim impetu, quo poterat maximo, indictum, paratumque fuit a Middletonio, qui quic-

1 *Dialogus Tripartitus de Nobilitate Medici contra illius obreftatores. Venetiis 1605. secunda edit.*

2 *De Nobilitate Primogen. cap. xxxi. Lugduni 1537.*

3 *In Legibus Atticis pag. 300. Parisiis 1635.*

4 *Ad Cod. Theodof. Tom. V. Quae ab eo in honorem Medicorum, artificum Medicarum laudem sunt collecta, inferius locus est opportunior recensendi.*

5 *Not. in Sueton. in Caesare c. xiii. Genevae 1595. Item not. ad Spartianum.*

6 *In Thesaur. Antiquit. Graec. Gro. nov. Tom. IX. lxc.*

7 *Recherches Curieuses lxc. Diss. xxvii. à Lion. 1683.*

8 *Comment. ad Formulam Comitum Archiatrorum lxc. Lugdun. Batav. 1667.*

9 *Apologia Medica, qua depellitur calumnia, Medicos Roma sexcentis annis exulasse. Lugd. Bat. 1671. Qui*

non tamen ex instituto, sed obiter nobilitatem Medicorum propugnat.

10 *De Honoribus Medicorum apud Veteres §. xxi.*

11 *De Antonio Musa Augusti Medico Commentatio, auctore Joh. Fildericio Crellio. Lipsiae 1725.*

12 *De Originibus, lxc. Antiquitatibus medicis cap. vi. §. 111. v. Christophori Cellarii Dissert. academicae Lipsiae 1712.*

13 *Amoenitates Philologico-Medicae, in quibus Medicina a servitute liberatur. Trajecti ad Rben. 1730.*

14 *Excursio in antiquitates ad servit Medici apud Graecos, lxc. Romanos conditionem erundam. Halae Magdeburg. 1733.*

15 *Oratio anniversaria Harvejana in theatro regii Medicorum Londinensium collegii habita lxc. Adiecta est dissertatio de nummis a Smgrnaels in honorem Medicorum percussis lxc. Londini 1724. Lugdun. Batav. 1725. Neapoli 1750.*

quicquid habebat virium, ingenii, eruditionis contra Medicos contulit¹, ut tot laudum praeconia minueret, extenuaret, everteret. Et quamvis novus, optimusque Medicorum causae patronus accesserit, qui Middletonii opusculum nota censoria castigavit², nihil ille animo concidit, nihil a jurgio abstinuit, sed novam iniit dimicationem, novisque scriptis adversarios infectatus est³.

Gravissimi hujus, diuturnique dissensus historiam summo ingenio, summaque doctrina contextuit Julius Carolus Schlaegerus, homo, si quis alius, inter mansuetiores Musas educatus⁴, qui licet assensionem quandoque cohibere videatur, fatetur tamen, Middletonio crimen malae fidei in excitandis testibus jure exprobari, & inexcusabilem suscepisse culpam, dum monumenta silentio obvolvitur, quibus Medicorum nobilitas probatur, dum aliquot adversariorum argumenta quasi intacta dimittit, aut tempora, quibus ars Apollinea novam induit faciem, & maximam honoris amplitudinem consequuta est, non satis accurate distinguit. Sed dirimendae litis conciliator, ferendaeque pacis sequenter accessit ingeniosissimus Anglus Carolus la Motte, qui opere patrio idiomate exarato⁵ litterarium bellum inter suos pene restinxit. Rem ille ad vivum refecat, & quatuor *Servorum* classes apud Romanos exstitisse, aptissime observat. Ad primam pertinebant belli jure abrepti; ad alteram, qui parata pecunia emebantur; ad tertiam, qui domi nati *Vernae* audiebant; ad quartam vero, qui quum peregrini essent, semetipsos in servitutem dabant, ut jus civitatis consequerentur, cujus generis ille est, qui apud Petronium in Satyrico ait: *ipse me dedi in servitutem, & malui civis esse Romanus, quam tributarius*. Quod si eos, qui Romae medicinam faciebant, aut in ea quandoque Vernas, Li-

N

ber-

1 *De Medicorum apud veteres Romanos degentium conditione dissertatio, qua contra viros celeb. Jac. Sponnium, & Rich. Meadium servilem eam fuisse offenditur.* Londini 1726.

2 *Notae breves in dissertationem nuper editam de Medicorum apud Romanos conditione auctore P. W. M. D.* Londini 1726.

3 *Dissertationis de Medicorum Ro-*

mae degentium conditione ignobili, & servili &c. defensio. Cantabrigiae 1727.

4 *Historia litis de Medicorum apud veteres Romanos degentium conditione.* Helmstadii 1740.

5 *An Essay upon the state & condition of Physicians among the antients &c.* London, 1728.

ebertosque erudiebant, ad primum, vel ultimum *Servorum* ordinem revoces, nihil eorum conditio, nihil eorum servitus detrahet artis medicae dignitati, atque splendori. Nec est, cur in his ab ignobilitatis nota purgandis diu immoremur, quum tot ingenuos, honestaeque stirpis homines Medicinae se addixisse constet. An ad mancipia ablegabimus Albutios, Cassios, Aruncios, M. FONTEIVM NICANDRVM, T. VIBIVM RVFVM, quorum familiae inter nobiles recensentur? Servos ne fuisse dicemus aut Cyrum Apollonii filium excellentem archiatrum, quem Lamprosaceni in publicis tabulis ΤΟΝ ΠΟΛΕΙΤΗΝ ΕΠΙΣΗΜΟΝ *Civem nobilem* appellaverunt, aut P. ANCHARIVM MEDICVM, qui SEXTVMVIR AVGVSTALIS fuit? An Servi τὰ βουλευτικά λειτουργήματα *Senatoria munera* obibant, a quibus Medicos vacare debere Imp. Julianus edixit? In quo tamen commendanda, laudandaque est eximii Principis Constantini Magni prudentia, & propensa in Archiatros voluntas, a quo, (constituta inter munera, & honores differentia) cautum, sanctumque fuit, lege ad Volusianum data ann. CCCXXI. ut quamvis Medici a muneribus eximerentur, omnes tamen caperent honores¹.

At quum de honoribus sermo est, quis paucis dicendo perstrin-

1 V. Sponium, Meadium, Crelsum, &c. ubi supra.

2 Epist. xxv. inter *Juliani opera edit.* Parisien. 1630. Immunitates, & privilegia Archiatrorum, ne scilicet hi ad militiam compellerentur, ne in jus vocari, vexari, injuriamque pati deberent, ne ad argenti, aut equi praestationem tenerentur, aliaque id genus plura auctores habent Augustum, Vespasianum, Hadrianum, Antoninum Pium, Constantinum M., Valentinianum, Gratianum, ac Theodosium V. Constitutiones, quae exstant in Codice Theodosiano lib. xiii. Tit. iii. de Medicis, & Professoribus, vel quae recensentur a cl. Gothofredo in eundem legum enarrationibus. *Cod. Theod. Tom. V. Lugduni* 1665. Nam quum salutaris, & necessariae artis professores tantopere Reipub. prodesse in hominum vita, ac salute conservanda,

aequum erat, ne magistratibus, & officiis aliis onerarentur. Confer Everardum Ottonem de *Aedilibus Colonialium* cap. vi. §. vii. *Francofurti* 1713. Verentibus tamen Imperatoribus, ne civilium munus evitandum, aut praemiorum, quae Medici proponebantur, adipiscendorum causa, plures quam par erat, huic scientiae vacarent, numerum Medicorum in quavis urbe placuit definire. Cujus quidem sanctionis testimonium est Antonini Pii epistola apud Modestinum l. 6. §. 2. *D. de Excusat. tur.* Ad Antoninum Augustinum ad Modestinum *Lugduni* 1591. Huberum *Digress. Justinianearum* l. 111. *Frenckerae* 1671. Biffonium *Antiquitat. ex Jure Civili seleb. lib.* xl. cap. 111. edit. Dieterici *Lipsiae* 1747.

3 *Cod. Theod. loc. cit.*

stringat, in quantum gloriae, & amplitudinis fastigium ars mendendi sui studiosos apud viros principes exexerit? Summis beneficiis, opulentissimis stipendiis, cellissimo dignitatis gradu, ornamentis omnibus, familiaritate, sua denique amicitia invitare, afficere, augere, honestare gloriabantur Hippocratem Perdiccas, & Artaxerxes¹, Democedem Crotoniensem², & Oribasium³ Persarum Reges. Philippum Acarnensem Alexander Macedo⁴, Erasistratum Antiochus⁵, Stertinium Claudius⁶, Eudemum Drusus &c.⁷ Nullum ergo fuit tempus, in quo Medicis maximus non sit delatus honor. Atque ut tantam colligerent famam, publicamque sibi compararent estimationem, in causa fortasse etiam fuerat, quod ad politiorum artium studia vehementer incumberent, & ceteras elegantissimas disciplinas, quae semper magni habitae sunt, solidam eruditionem, sermonis castitatem, poetarum veneres cum medicina copularent. Hoc uno certe nomine Marco Artorio Octaviani Aug. Medico, qui omnigenae doctrinae copia, sermonis ubertate, exquisita variarum rerum cognitione excelebat, monumentum a Smyrnaeis positum, dedicatumque legimus, quod ita habet.

ΜΑΡΚΟΝ ΑΡΤΩΡΙΟΝ ΑΣΚΛΗΠΙΑΔΗΝ
ΘΕΟΥ ΚΑΙΣΑΡΟΣ ΣΕΒΑΣΤΟΥ ΙΑΤΡΟΝ
Η ΒΟΥΛΗ ΚΑΙ Ο ΔΗΜΟΣ ΤΩΝ ΣΜΥΡΝΑΙΩΝ
ΕΤΙΜΗΣΑΝ ΗΡΩΑ ΠΟΛΥΤΜΑΘΙΑΣ ΧΑΡΙΝ.

*Marcum Artorium Asclepiadem = Dei Caesaris Imperatoris Medicum = Senatus, & populus Smyrnaeorum = honoravit Heroem multiplicis eruditionis gratia*⁸. Haud dissimili ratione factum est, ut Bibliothecarum praefecturam, ac custodiam, quae nonnisi Philologis penitiori quadam doctrina, & amplissima

N 2

omnium

¹ Saldas in v. Ἱπποκράτης *Lenicon*.
Tom. 1. edit. Cantabrigiae 1703.

² Herodotus *Thalia*, sive *lib. 111. Lugd. Batav. 1715.*

³ Eunapius in libro *Sophistar. Antuerpiae 1568.*

⁴ Q. Curtius *lib. vi. cap. x. Pitiscii Plutarchi 1685.*

⁵ Plinius *lib. xxix. cap. 1.*

⁶ Idem.

⁷ Tacit. *Annal. 111. I. cap. 111. Consule*, si quid est opus, Petrum Castellani: *Vitae veterum, & illustrium Medicorum*. In Thesaurο Gronovii, *tom. x.*

⁸ Edidit primo Patinus eo in libro, quem commemoravimus *pagina 9. adnotat. 1.*

omnium scientiarum notitia praeditis concedebatur ¹, Medicis datam videamus, ut in marmore Gruteriano ².

DIS . MANIEVS
CLAVDIAE . EVTYCHIAE
CONIVGI . SANCTISS.
BENEMERENTI , ET
Q. DOMITIO . HELICI
HYMENAEVS . MEDICVS
A. BIBLIOTHECIS . &c.

Neque defunt, qui in Medicorum collegium aggregent viros subactio ingenio, altissima eruditione, varietate litterarum, styli munditia insignes, quorum celebritas magnum est duratura per aevum, scilicet Homerum ³, Ciceronem ⁴, Senecam ⁵, Plinium ⁶ atque Photium ⁷. Quod si concedatur, novum, achonori-

¹ Morhofius *Polyhist. lib. 1. cap. vi. de Bibliothecariis. Lubecae 1747. Functus de Scriptura veterum cap. vi. 11. de Bibliothecis. Marburgi, & Rintelii 1743.*

² *Thesaur. Inscript. DLXXXIII. 4.* Apponendum censuimus, quod corrupte a Pignorio, aliisque vulgatum sit.

³ Jo. Gottfriedus Oertelius *de Homero Medico, Vitembergae 1700.* Loca in unum collegit, in quibus Poeta de re Medica loquitur, & morbos, eorumque curationes enarrat, atque praescribit.

⁴ Samuel Christophorus Vrsinus *de Cicerone Medico, Vitembergae 1711.* cui disputanti adhaerebat Adam Brendelius. Similiter ex locis M. Tullii quibusdam illum in Medicina versatum conjectat. Hoc ipsum agit Hieronymus de Bono, *de Medica facultate in M. Tullio Cicerone V. Nuova raccolta di Opuscoli tom. 11. Venez. 1737.*

⁵ Andreas Jacobus Krüger *de Seneca Medico, id est de quibusdam utriusque Senecae sententiis medicis disputationes 111. Altorfii 1738.* Disputat tum de M. Annaco Seneca Cordu-

benfi Rhetore, qui vita utebatur Claudii temporibus, tum de L. Annaeo Seneca Neronis praeceptore cognomento Philosopho. Axiomata quaedam ex amborum libris colligit, e quibus utrumque in re medica scientissimum probat, aut probare nititur.

⁶ Justus Godofredus Gunzius *de audere operis de re medica, vulgo Plinio Valeriano adscripti libellus. Lipsiae 1736.* Fuisse quemdam Plinium virum certe doctum in re medica, apparet ex Lapide Gruteriano. Quis fuerit, inquit Gunzius, & de opere differit.

⁷ Joh. Gottfriedus Geislerus *de Photii Patriarchae Constantinopolitani scientia Medica. Lipsiae 1746.* Id arguit ex judicio, quod Photius perhibet librorum Medicorum, veluti Galeni, Dioscoridis, Oribasii, quorum lectione artis medicae scientiam sibi comparasse adparet. Item ex ejusdem Photii epistolis edit. Montacutianae cognitioni Photium adjunxisse exercitationem, & plures ab eo sanatos, evincit Geislerus.

norificum profecto huic arti accedet testimonium, atque ornamentum. Exstitisse praeterea Medicos, qui poëtica arte polle-
re pulcherrimum sibi duxerunt, exemplo tum Antiphontis, tum
aliorum, quorum scripta recensuit Bartholinus¹, non esset dif-
ficile ostendere, ac persuadere. Quumque poëtas, tamquam
homines coelesti spiritu afflatos, seu, ut Plato dixit, Deorum
filios suspiceret antiquitas, quis non videat, quanta laus me-
dicinae addita sit ab his, qui quamvis carminum fulgore supra
reliquos homines attollerentur, nobilissimam illam facultatem
profiteri, atque exercere non destiterunt, neque ex illa mino-
rem sibi gloriam, quam ex quavis alia disciplina comparari
posse putaverunt? Id Niciae Milesio compertum certe fuerat,
quem ob id laudat Theocritus², quod artem suam cum poëti-
cis studiis, Gratiis faventibus, conjungeret.

..... Ἰατρὸν ἔοντα
Καὶ ταῖς ἐνείᾳ δὴ περιλαμίνον ἔξοχα Μύσαις
..... Medicum existentem,
Et novem amicum eximie Muses.

Atque ista quidem generatim de officina medica, deque
sedentis Archiatri nobilitate: nunc institutum nostrum sequu-
ti, & de singulis anaglyphi emblematis, ac partibus dicturi
a diptycho pensili, cui nonnulla ferramenta chirurgica in-
serta sunt, exordiemur. Ut autem perspicue, certoque intel-
ligatur, quadratarium nec inconsulto, nec inepte haec sym-
bola juxta Archiatrum appinxisse, paullo altius res videtur ef-
se repetenda. Cornelius Celsus Tiberii Caesaris imperio non
incelebris Rhetor, ac Medicus ex secta Asclepiadis in prae-
fatione ad librum I. artem medendi sic partitur. *In tres par-
tes Medicina diducta est, ut una viſu, altera medicamentis, ter-
tia manu mederetur. Primam ἡ τεχνικὴν, secundam φαρμακευτικὴν,
tertiam χειρουργικὴν nominaverunt*³. Quae quidem divisio se-
rius enata est; nam primo duo tantum fuerant Medicorum ge-
nera

¹ Thomas Bartholinus de Medicis Batav. 1604.

Poetis Hafniae 1669.

² Idyllio xi. edit. Heinſii Lugduni

³ De re Medica lib. vii. edit. Pa-
gvinæ 1722.

nera, quorum alii Ἀρχιτεκτοὶ dicebantur, quod explorata morborum origine, victus rationem, & medicamenta soli imperarent, alii Διμιουργοὶ appellabantur, quod operam manibus impenderent, vulnera tractarent, emplastra admovent. Διμιουργοὶ porro servi, vel filii Ἀρχιτεκτων̄ quum essent, non nisi illis coram, eorumve jussu quicquam olim tenebant. Sed quia insita a natura suae sortis augendae ambitione, & alienae invidia quisque tenetur, qua animum sollicitante, μιμῶν πῦ καὶ φαρμακοπώλης ἱατρὸν, ἢ σοκοφάντης Ῥήτορα, καὶ σοφιστὴς Φιλόσοφον, aemulatur pharmacopola Medicum, circulator Oratorem, sophista Philosophum¹; Pharmaceutae, & Chirurgi aventes rem suam meliulculam facere, & ad nobiliorem evehi hominum classem, se se Architectorum subdixerunt imperio. Ex quo deinde trina illa Celsi medicinae, seu potius Medicorum distinctio constabilita est. Ergo quum ferrea instrumenta sive ad secandum, & urendum, sive ad diapaasmata, & collyria praeparanda Medico in nostro hoc marmore tribuantur, illud consequitur, aut marmoris sculpturam praecelsisse epocham, in qua tria medicinae munia, & officia dissociata sunt, aut in Peloponneso Medicos a chirurgice & pharmaceutice exercenda neutiquam abstinuisse.

Re quidem vera fuerat illud vetustissimis temporibus communi usu receptum, ut omnes partes medicinae, quantum quantum illa latepatet, iidemet homines profiterentur, quod sane nec abjectum, nec servile rebantur. Nam eccur turpe ducerent id unum praestare, quod primos suae artis nobilissimos conditores fecisse noverant? Aesculapium describit Pindarus nunc aegrotis pharmaca miscentem, nunc thalpteria admoventem, nunc tabida membra ferro excindentem².

Τὴς ὃ προσανία πί-
 Νυπτις, ἢ γυίοις περιέππων πάντοθεν
 Φάρμακα, τὴς ὃ τομαῖς ἐσασσεν ὀρθῶς.

Quos-

¹ Maximus Tyrius *Dissertat. XI.* edit. Marklandi. Londini 1740.

² *Phyib. Ode 7. Stroph. 7.* edit. Beneditii. Salmurii 1620. Aesculapio

Smila, seu gladius Chirurgicus datur in Nummis Smyrnaeorum. Mead. ubi supra.

*Quosdam vero lenia bibentes, aut membris fomenta circumponens, quosdam etiam sectionibus morbo levavit. Pleni sunt similium exemplorum Homerici libri, five Machaonis, qui telo e vulnere Menelai extracto, dicitur illius*¹

*Αἷμ' ἐκμύζισας, ἐπ' ἄρ' ἡπια φάρμακα εἰδώς,
Sanguinem expressisse, lenia medicamenta sciens,*

sive Poconis, qui Marti vulnerato²

*..... Ὀδυνήσαντα φάρμακα πάσων,
..... Dolores pellentia medicamenta adhibuit.*

Scitum illud etiam Podalirii, qui Damaethi Regis filiae utramque secuit venam³. Sed abeamus a fabulis, & propiora videamus. Adeo id erat apud veteres constans, ut in proverbii consuetudinem venerit, eum qui cruciatus, supplicia, poenasque ad correctionem adhibet, Medicum imitari. Xenophon de Cyri expeditione: καὶ ὁ ἰατροὶ πέρυσσι, καὶ καύσειν ἐπ' ἀγαθῶν; quando & Medici secant, & urunt utilitatis causa⁴. Latinorum vero scriptorum id ipsum testantium primus accedat Aelius Lampridius, qui postquam ridiculum illud Commodi studium enarravit, omnia quae essent Romanis peregrina, & a dignitate sua aliena aemulandi, ait: imitatus est & Medicum, ut sanguinem hominibus mitteret scalpris feralibus⁵. Rursus Medicum venas incidere, & vulnera exsiccare apud Ciceronem⁶, Senecam⁷, Gelliumque⁸ legimus. Neque hoc ideo factum putes, quod Medici vocabulum latius transferretur, hocque ipso nomine comprehenderentur Dietetici, Vulnerarii, Iatraliptae &c. Nam, constituto inter Medicos discrimine, priori huic communi vocabulo alterum nectebatur proprium, appellativum, specificum, quo uniuscujusque munus singillatim internoscere, ut MEDICVS CLINICVS = MEDICVS OCULARIVS = MEDI-

CVS

¹ *Iliad.* Δ. v. 218.² *Iliad.* E. v. 401.³ Stephanus Byzantinus in v. ΣΥΡΙΑ.⁴ *Lib.* v. Dodvvelli. Oxonii 1703.⁵ *Later Scriptores Histor. August.**cap.* 11. *Lugd. Batav.* 1671.⁶ *In Pison.* c. xxxiv.⁷ *Epist.* vii. edit. Amstelod. 1672.⁸ *Noctes Atticae lib.* xii. *cap.* v.*Elzivir.* 1631.

CVS CHIRVRVS ¹. Quapropter ubi Medici nomen solitarie ponitur, eum designari puto, qui omnes omnino partes unus profitebatur. Ceterum quum Archagathum ob secandi, urendique saevitiam carnificem apud Romanos audisse a Plinio tradatur ², & Galenus se aliquoties venas ferro aperuisse affirmet ³, in dubitationem adduci minime potest, insignes Archiatros manu etiam consuevisse mederi.

Ne interim illud dissimulem, quod huic causae insigniter, maximeque suffragatur, veteres Jurisconsultos excitabo testes, quorum edicta rem manifestam deferunt. Omnium instar esto Julius Paullus, qui *l. cum de lanionis* 18. §. 10. in *instrumento ff. de fund. instruct. vel instrum. legat.* haec habet: in *instrumento Medici esse collyria, & emplastra, & cetera ejus generis, Cassius scribit. Rursum lib. 111. Sententiar. Tit. 8. §. 65. adhuc apertius sancivit: Instrumento Medici legato collyria, & emplastra, & apparatus omnis conficiendorum medicamentorum, itemque feramenta legato cedunt* ⁴. Jam vero quorsum publicis tabulis decretum, ut quum medica supellex legaretur, jure legati accresceret omnis apparatus instrumentorum, quae pharmacis conficiendis, aut sectionibus deserviunt, nisi ea essent propria, individua, & necessaria artis praesidia? Desierunt equidem Archiatri, mutato vetere instituto, remedia manu sua praeparare, totumque id Sepiasariis permiserunt, quod tamen non nisi magno infirmorum dispendio, ac periculo accidisse, Medicis jure exprobrabat Plinius. *Atque haec omnia* (de varia medicamen-

¹ Apud Aegyptios nulla non in re immoderatos Medicorum turba in immensum excrevit. Nam ars salutaris sic penes illos erat distributa, ut singulorum morborum singuli essent Medici; quare Herodotus merito dixit: *Πάρτα δ' ἑκάστης τοῦ νόσου, ὅμνια ἰατρικὴν ἔφευγε* Juno Medicis. In Euterpe *sive lib. 11. Lugd. Batav. 1715.*

² *Loc. cit.*

³ De curas per *mission. sanguin. opp. class. 11. edit. Venet. 1565.*

⁴ Coaevus Paulo Domitius Vulpius, a quo praeterea edicatur, *l. 4. §. ult. ad legem Corneliam, Medico*

capitale futurum fore, si liberum, servumve nolentem eviraverit; ex quo intelligitur, Medicos quamcumque chirurgicam operationem per se explevisse, & ideo ex *l. Aquila actio datur adversus Medicum, qui imperite servum secuerit.*

⁵ Eruditae jurisprudentiae parens Cujacius ad *Jul. Paul. Opp. tom. 1. pag. 434. edit. Neapol. 1722.* ita interpretatur. *Medici ergo sunt hi, qui medicamenta conficiunt, vulnera curant, cucurbitas admovent, item qui circumcidunt &c.*

camentorum natura, ac mixtione loquebatur) *Medicorum, quod pace eorum dixisse liceat, ignorat pars major & nomina: in tantum a conficiendis medicamentis absunt, quod esse proprium medicinae solebat*¹.

Nunc tibi ad oculos iterum referas, mi RONCALLE, Ἱερὸν ἐπιδίδομεν, & quae illi vestis, qui gestus, quae decoramenta ab artifice sint tributa, intueri. Decebat profecto, ut Medicus stola Graecanica, seu tribonio quadrangulo donaretur, quo non Philosophi modo, sed omnium artium liberalium magistri, tamquam indumento hominis a luxu abhorrentis proprio, contegebantur². Expresse enim Tertullianus scriptum reliquit: *de meo vestiuntur & primus informator litterarum, & primus edomator vocis, & primus numerorum arénarius, & grammaticus, & rhetor, & sophista, & MEDICVS, & poeta, & qui musicam pulsas, & qui stellarem conjectat. Omnis liberalitas studiorum quatuor meis angulis tegitur*³. Nec dubito, quum in publicum esset prodeundum, Medicos Graecos tribonio, vel ἱματίῳ fuisse usos, sine quo in hominum conspectum, in oculos civitatis venire, gravibus, sapientissimisque viris indecorum, fuisse, ex Aristophane, Laertio, Luciano, & Athenaeo intelligimus. Sed aliam absque dubio necesse est, exstitisse domesticam vestem his, qui quamvis sapientiam profiterentur, χερσὶν tamen fuerant. Hoc igitur etiam in laude, ac comendatione quadratarii ponendum est, quod Medico in officina operanti σολὴν Ἐλληνικὴν constrictis manicis, ἐπινδύτω, σινεχιπώτῳ superpositam, & ad talos usque demissam dederit. Nudato etiam capite illum considerare, cogitateque effinxit; non enim in vesti pilei, nec rejectum in caput pallium, nisi ad frigus, ad imbrem, aestumve arcendum, quibus in taberna, minime sub dio posita, moleste affici haud poterat. Sane Hippo-

O

crates

¹ H. N. lib. xxxiv. cap. xi. Salmasius ad c. Julii Solini Polyhistora rom. i I. pag. 1051. Plinii locum expendens haec addit. *Apud Sepiasarios omnis ὁ ἀνὴρ προσέβατο. Inde emebant Medici, quorum munus olim fuit non solum praescribere remedia, sed etiam manu facere.*

² Frustra huc a me comportaren-

tur, quae de pallio, tribonio, alitiisque indumentis philosophis usitatis Bayhus, Rubenius, Ferrarius, ceterique de Re vestiaria scriptores dixerunt. Adiri potius volo Christiani Guil. Franc. Walchii Antiquitates Pallii Philosophici scilicet. i. Jenae 1746.

³ De Pallio cap. v. cum not. Salmasii. Lugdun. Batav. 1656.

crates Coum sidus, princepsque medentum galeritus, aut pilcatus ab artificibus vetusta quadam imbutis opinione pingebatur, quod singulari suo more caput jugiter obtexisse crederetur. Cujus quidem moris variae afferuntur caussae. Soranus Milesius hoc ab Hippocrate factum scribit ¹ vel δι' ὑπερίπιν decoris gratia, quum esset recalvaster, vel διὰ παράσημον ὑγιεινίας in signum nobilitatis. Suidas ² διὰ τὸ ἴδιον ἐν ταῖς χειρουργίαις ob peculiarem in chirurgia morem, vel διὰ τὸ Φιλαπόδημον, ob peregrinandi studium, quo plurimum flagrabat. Tzetzes ³ aliam addit causam, cur caput operiret, scilicet.

Δεικνὺς τὸ λογισμῷ ὄργανον ταύτης ἵναί,
 Ostendens ratiocinationis instrumentum illud esse.

Sed multa ex his videntur ingeniose potius, quam vere excogitata; nec puto sane, Hippocratem velato capite incessisse ex artis more, aut alia causa emendicata, dictuque speciosa, sed quod natura ipsa calveret, & κεφαλαία laboraret ⁴.

Gestum, quo noster Medicus manum componit, ipsissimis Apuleii verbis describere par est. Porrigit dexteram, & instar Oratorum conformat articulos, duobusque infimis conclusis digitis, ceteros eminus porrigens ⁵. Hac ipsa digitorum dispositione, qua Oratores concionem auspicabantur efficit perfaepe visuntur in sarcophagis, gemmisque etiam Philosophi, quos similiter gesticulari consuevisse, credendum est. Laeva autem manu volumen, seu librum in scapum convolutum gerit. Quamvis Mazocchi meo persuasum sit, libros bipatentes, πολυπτύχους, pugillaria, codicillos his, qui in cylindri modum bacilli convolvebantur fuisse antiquiores ⁶, volumina tamen prae ceteris libris Philosophis frequentius data sunt in vetustis Graecorum anaglyphis, ut exinde nihil de antiquitate possit nostro marmori detra-

¹ In vita Hippocrat. praefixa opp. edit. Parisiensis. De Archiatriis, quibus idem Sorani nomen. V. Clericum M. M. lib. IV. secl. I. cap. IV.

² Loc. cit.

³ Historiar. VII. Chiliad. CLV. inter Poet. Gr. Aureliae Allobrogum 1606.

⁴ Tzetzes ibi.

⁵ De Asino Aureo lib. II. cum var. Basileae 1620.

⁶ Diatribe de librorum bipatentium, & convolutorum antiquitate. Neapoli 1743.

detrahi. *Sellam* praeterea, quasi in sapientiae, summiq; honoris argumentum fuisse tributam, plura sunt apud Cl. Nixon, in explicatione *Marmoris Estioniani*¹, quibus a me largius doceri posset, nisi satietatem longae orationis effugere fas esset. Alterum decoris signum fortasse est *scabellum, suppositorium, subsellium*, quod primo ad dignitatem augendam Persas excogitalse, tradit Clemens Alexandrinus², veteresque omnes pro honoris indicio habuisse, probat Ghimentellius ad *Marmor Pisanum*³; quo quidem *ἱπποδίσκῳ* inniti Medicum hic videmus. Vt autem pro instituti, susceptique operis ratione aliorum etiam monumentorum compositione, collationeque dictis fidem faciam, patere, picturas Codicis Dioscoridiani Bibliothecae Vindobonensis tibi a me in animum reduci. Bina Medicorum concilia inter se se disputantium exhibent picta duo schemata a Lambecio prolata⁴. In priori quidem, in quo vetustiores medicinae inventores humilissimi *XEIPΩN*, a quo *τῶν ἱατρικῶν δὴ βοτάνων* inventam perhibent, pene nudus, & villosa epomide ad collum religata. Aliter *MAXAON*, qui illi dextrorsum adsidet, praelongo enim habitu induitur, & librum *δίπτυχον* gestat. Huic succedit *ΠΑΜΦΙΛΟΣ*, Cynicum in modum pallio vix coopertus⁵; quemadmodum & *XENOKRATΗΣ* Aphrodisius ei proximus. Laevum latus occupant *ΝΙΓΡΟΣ* Sextius, *ΗΡΑΚΛΕΙΔΗΣ* Tarentinus, ejusque sectator *ΜΑΝΤΙΑΣ* Ille quidem *volumen*, postremi duo *librum quadratum* manu tenent; omnes vero fusa, & talari veste, ac pallio corpori varie circumplicato amiciuntur. In secundo schemate conventus est recentiorum Medicorum, primusque in sella fulcro dorsuali, & hipopodio munita stat *ΓΑΛΗΝΟΣ*, qui more Hippocratico caput pallio contegit. Confident hinc *ΚΡΑΤΕΥΑΣ*, Medicus herbarius nudo corpore umbilico tenuis;

O 2

ΑΠΟΛΑ-

¹ De Sella Marmorea Votiva Estioniae adservata. Londini 1744.

² *Stroniat. lib. 1. cap. xvi.* Oxonii 1715.

³ De honore Bisellii Bononiae 1666.

⁴ *Commentar. Bibl. Vindobon. l. 11. cap. vii. pag. 325. 330.*

⁵ Cynici non a Graecis modo, sed a Latinis etiam *ἐπὶ πύγῃς*, *femina-*

di dicebantur, quod revera vix aliquam partem vestis cooperirent, humeris, brachiis, pectore, cruribus omnino nudatis. Lucianus *Sympos.* Antoninus Imp. Eorum, quae ad se ipsum lib. iv. §. 30. Seneca, *Epist. xx.* sanctus Cyprianus de bono patientiae linc. alique penes Walchium lib. supra indic. *Secl. 1. §. xii.*

ΑΠΟΛΛΩΝΙΟΣ Mephita, ex *ηματίῳ* multipliciter corrugato, ac reducto dexteram exerens, qua, digitis auriculari, annularique complicatis, ceterisque erectis gesticulatur; & ΑΝΔΡΕΑΣ, cui ob magnum in re medica praestigiarum usum ἡ *θαυμαστὴ* agnomen- tum inditum fuerat. Illinc autem ΔΙΟΣΚΟΡΙΔΗΣ Anazar- benus, eodem modo, quo Apollonius depictus¹; ΝΙΚΑΝ- ΔΡΟΣ Colophonius, historicus, grammaticus, poeta, qui, quum poema περὶ τῆς *ζωῆς φαρμακότης*, & de remediis contra venena exarasset, hic a pictore commodissime sinistra manu vi- peram irritans, morsumque illius quasi irridens repraesentatur. Postremus in coetu est ΠΟΥΦΟΣ Ephesius. Jam vero ex tota ha- rum tabularum affiguratione intelligimus, Graecis usitatum, fuisse, Medicos intra conclave in sella cum hipopodio pennicillo exprimere, promissa, duplicique veste ornare, eisdemque il- larum rerum indicia tribuere, proximeque appingere, in qui- bus potissimum excelluisse credebantur. Quapropter nihil est in nostro marmore, quod cum communi Graecorum consuetu- dine in Medicis pingendis non apprime consentiat.

Verum qui tantum accurationis posuerat in Medici persona scalpro fingenda, sane nihilo minus fuit industrius in sex illis chi- rurgicis ferramentis, diptycho gestatili inclusis, summa cum dili- gentia efformandis: quorum aliud exemplar hic seorsim ad arche- typi fidem delineatum, ob oculos ponere, supervacuum visum est, quandoquidem in marmoris schemate, licet sint illa plurimum deminuta, studiose tamen reddita recognovimus. Ne tamen illud cogites, V. Cl. eo animo, consilioque id me negotii suscepisse, ut propositis recentium Physicorum inventis, ostendam, quam lon- gius nostris temporibus ea medicinae pars, quae humani corporis organa contemplatur, eorumque morbis manu succurrit, felici- ter progressa sit, factaque illustrior; aut quantum antiquis Me- dicis, qui valetudini aut servandae, aut restituendae plura in chirurgica arte invenerunt, nostri debeant, patefaciam. Haec tu persacile videre poteris, & quae ex his ferramentis in medi- cinam

¹ Altera pictura in eodem libro a Lambecio pag. 566. subijcitur, refe-rens Dioscoridis tabernam, in qua il- le sella satis alta, & scabello ornata sedet, canem prae se habens, qui post

evulsam *Mandragoram nigram* sensim languescit, extremosque edit vitae spi- ritus: de qua fortasse populari opinio- ne aliquid litteris Dioscorides man- dat.

cinam promanarit commoda aestimare; denique quid Hippocrates, quid Galenus, quid Paullus Aegineta, Aëtius, ceterique Graeci chirurgi deinceps addiderint, docere. Id unice a me, cui haec studia vix, ac ne vix cognita sunt, in praesentia postulari intelligo, ut Instrumentorum nomina, eorumque usus leviter, quasque in transitu ex veterum scriptorum libris depromam. In quo tamen plura me dicere posse confiderem, si thecas illas chirurgicas inter parietinas celeberrimae urbis Vesevi conflagratione vastatae ante paucos annos repertas, oculis usurpare licuisset; quibus contineri novimus scalpros acutiores, retulos, excisforios, dentiscalpia, spathas, catheteres, uncus, hamos, cucurbitas, forcipes, volsellas, aliaque ad curationem necessaria instrumenta¹. Accipe ergo, bonique consule, qualemcumque harum rerum explicationem adornare nobis permissum est.

PER BREVIS DECLARATIO FERRAMENTORVM,

Quae facilioris intelligentiae causa, superscriptis Graeci alphabeti elementis, singillatim indicantur.

A. Κήσρον, *Κυρὸν*, Μαχαίρον *ἐκκοπτικὸν*, *Radula*, *Novacula*, *Culter excisforius*, ad polypos, & verrucas excindendas, ad foetum Caesareum, ad tundendum &c. Meminere hujus instrumenti Hippocrates *de capitis vuln.* Galenus *Anat. adin.*². Nicander in *Theriaca*, & *Alexipharmac.*, Paullus Aegineta, Scribonius Largus³ &c.

B. Aliud

¹ *Catalogo degli antichi Monumenti, disseppati nell' Ercolano; opera di M. O. Bajardi. Tom. 1. pag. 358. e seg. Napoli 1754.*

² In describendis Hippocratis, & Galeni locis, usi sumus editione Parisiensis horum Medicinae principum,

quam superius indicavimus.

³ Libellus Nicandri est inter Poetas Graecos veteres *Tom. 1. Aureliae Allobrog. 1606.* Aeginetae, Scribonii, Oribasii opera excitamus ex collectione Henrici Stephani: *Medicæ artis Principes. Parisiis 1567.*

B. Aliud chirurgicum cultrum laminae aliquanto plus expansae, fortasse ad corporis membra in exercitationibus anatomicis amputanda. Plures cultrorum formas habes in *Armamentario chirurgico* Sculteti.

Γ. Κοπὴς δριπανοειδής, *Scalper falcatus*, fortasse etiam & ἐπικοπτικός, ad callosos, longosque abscessus vulgo *Fistulas*, ad vomicam, furunculos, apostemata in faucibus, aliisque sinuosis corporis partibus secanda. Aegineta *lib. 111*. Celsus *lib. VII*.

Δ. Ἀκανθάβολος, seu λαβίς, instrumentum pro extrahendis spiculis, spinis, pilis, turundis, de quo Aegineta *lib. VI*. Celsus *lib. VII*. *Volsella* dicitur. Speciem videtur etiam referre Πυράγμας, vel ψαλίδος, idest *Forcipsis*, seu *Forficulae*, qua ignita teneri, versarique, vas sanguineum laqueo constringendum apprehendi, calculus eximi, & ceterae hujusmodi operationes praestari commodum possint. Forcipes Medico tribuuntur a *Soripatro*; Forficum etiam mentio est apud *Oribasium de Mach.*

E. Putaram primo Ἀγκίστρον, *hamum*, seu *uncum* esse, cuius in medicina multiplex usus; sed quum inferne sit maxime acutus, tenuiterque cuspidatus, meum iudicium est, pro *Συγῆρι*, seu scalpello incisorio haberi posse, quo φλεβοτόμος ad venae sectionem uteretur. In duos superne diducitur ramos; & nisi me fallit animus, ideo biceps, ut a Medico digitis facilius constringi posset ad venam sagaci ictu feriendam. Hujusmodi scilicet esse oportere scalpellum, videtur innuere Galenus de venae sectione adversus Chrysippum, ejusque auditorem Erasistratum, qui φλεβοτομίαν e medicina eliminabant.

Z. Aliud Volsellae genus. An forte Ὀδοιτάγγρα, *dentiducum*? Diversa forcipum genera praesto sunt in *Aquapendente*, *Paraeo*, *Hildano*, *Sculteto*, *Heisterio*, atque in uberrimo, novissimoque *Jamesii Lexico*, a quibus scriptoribus varii illarum usus late explicantur. Quod reliquum est, jam expediamus.

Monuimus quidem paullo ante, veteres Medicos pharmacis componendis, miscendisque manus admovisse, sed nihil id prohibet, quominus servos, aut pueros habere, quibus hoc officium demandarent, ut in medicamentis tractandis exercerentur, & omnem artis rationem, institutionemque usu ipso perciperent. Porro id jam sapienter animadverterat *Olympiodorus* in

in Gorgiam Platonis: ὁ μὲν ἰατρός ἐπιτάττει, ὁ δὲ πημιστᾶριος ἔγκονει τὰ πρὸς χρεῖαν διέπικναι, Medicus quidem mandat, Pigmentarius vero ministrat, & quae sunt necessaria praeparat¹. Aptissime itaque navis lapicida inter sedentem Medicum, & abacum ministrum pigmentarium penula amictum sculpsit, qui medicamentum tenacioris temperaturae, velut ceratum, συγχρίμα, κατὰ πλάσμα pulti simile linteo, aut alutae, sive chartae superinductum praeceptoris suo exhibere videtur; quod quum ex illius praescripto paraverit recognoscendum profert. Atque id totum fortasse factum in gratiam adstantis Mulieris demissa ad talos toga, honestaque palla indutae, quae ore languidulo, totoque corporis habitu, mala valetudine teneri se ostendit, defixisque in loquentem Medicum oculis, cui morbum jam narravit, ab illius praescriptione opem, auxiliumque praestolari, & arripere videtur. Quae si discalceata, & nudipes ad medicam tabernam venit, nihil illa praestitit a Graecis moribus abnorme. Nam ne quid dicam de Cretensi juventute, quam nudipodem incessisse, scribit Nicolaus Damascenus²: an non excalceatos in urbem prodiisse Pythagoricos³, Socratem⁴, Ajacem, & Achillem⁵, Theseum Atticum⁶, Phocionem⁷, aliosque⁸ novimus? Ἀνυποδυσίας praeterea a Musonio Philosopho in libro de vestimentis⁹ summopere commendari compertum est. Quid vero si Medicum adiit post adorata in fanis numina, post vota Diis salutaribus, & Averruncis, ut convalesceret, nuncupata? Certe quum in graves, & miserabiles casus inciderent Ethnici, rebusque premerentur adversis, Superis, detractis soleis, supplicabant. Tertullianum ex multis testem advoco, a quo scribitur in hunc modum: Omnem ταπεινοφρόνησιν Ethnici agnoscunt. Quum stupet coelum, & aeternus annus, Nudipedalia enunciant¹⁰. Rur-

sus

¹ Inter Platonicos Graecos Aldi. Venetii 1537.

² Apud Joh. Stobaeum *Serm.* XLII. *Aureliae Allobrogum* 1609.

³ Athenaeus *lib.* IV. *cap.* xvii.

⁴ Aristophanes in *Nubibus*. Edit. Kust. *Amstelod.* 1710.

⁵ Philostratus *ep.* xxii. *Parisiis* 1608.

⁶ Lucianus in *Cynico*.

⁷ Plutarchus *Vit.*

⁸ Idem de Catone Uticensi *Horatius lib.* I. *ep.* xix. de Rom. Senatoribus in Reipb. primordiis vetus Schollastes Juvenalis, *Satyr.* i. *Parisiis* 1644. de Nerone Suetonius *cap.* LI.

⁹ Apud Casparem Sagittarium de *Nudipedalibus*. *Roterodami* 1699.

¹⁰ De jejuniis *lib.* i. Rigaltii. *Lutetiae* 1664.

sus sic illos in Apologetico vituperat : *Jovi immolatis* (pro im-
bribus impetrandis) & *Nudipedalia populo denuntiatis* ¹ . Ea quo-
que reverentia Diis aliquando adhibita , ut in eorum aedium
limine calceamenta abjicerentur . Cretenses Dianae sanum ,
praeterquam nudis pedibus , ingredi sibi permissum rebantur ² ,
sic & Romanae Matronae , quum Deae Vestae vota concipie-
bant ³ , aut sacra Magnae Deum Matri faciebant ⁴ . Graecas
vero mulieres in honorem Cereris urbem discalceatas cursitasse ,
a Callimacho proditum est ⁵ . Quae quum ita sint , Femina hoc
in marmore sive domo sua , sive e loco sacro egressa fingatur ,
ut vel a Coelitibus , vel a Medico pristina valetudo sibi restitue-
retur , non inconvenienter *ἀνυπόδητος* depingitur .

Illud potius magnam videtur habere dubitationem , mulie-
rem aegrotantem non carpento aliquo , caruca , aut rheda , sed
equo vectam ad Medicum e longinquo venisse . Adeone parum ,
dum male valeret , commodo suo studebat ? Argumentum spe-
cie tenus non leve ad nostram interpretationem excludendam ,
sed reipsa frivolum dictu , perpetuamque quaesitum . Nam-
quum in Peloponneso viae qua montibus , qua saltibus interci-
perentur ⁶ , non ubique verisimiliter rotabiles erant , ita ut
ex

¹ Cap. XL.

² Solinus *Polybistor. cap. XVI.* Sal-
masii.

³ Ovid. *Fastor. VI.* Florus *lib. 2.*
cap. XIII. Grevii , *Trajecti ad Rhen.*
1680.

⁴ Prudentius *HYMN. STEPH.* . *Hymn.*
XIV. cum. not. Chamillard Parisiis
1687.

⁵ *Hymn. Cereris* . Edit. Spanhemil
Vlraij. 1697. Dubitaveram primo , an
mulier hoc in anaglypho expressa ME-
DICA potius foret dicenda . Morbis
enim Feminarum curandis mulieres
etiam operam dedisse , permulta sunt ,
quae manifesto ostendunt . Nam ne
quid memorem Angitiam , Mede-
am , Polydamnam , Panacaeam , ce-
terasque aetatis fabularis medicas , ar-
tem hanc sectitasse Fabullam Lybi-
cam , est apud Galenum ; Salvinam ,

& Leopardam scribit Theodorus Pri-
scianus , Olympiam Thebanam , So-
tiram , & Salpen memoriae prodit Pli-
nius . Interdictum id quidem aliquan-
do ab Atheniensibus (Hyginus *Fab-*
cap. CCLXXIV. Mythograph. Latin. Am-
stelod. 1681.) , sed in tota propemo-
dum Graecia retentum fuisse , ex al-
latis exemplis in promptu est . Penes
Romanos morem hunc obtinuisse , per-
spicuum omnino tum ex marmoribus ,
memoriae SENTIAE . ELIDI . MEDI-
CAE -- IVLIAE . SABINAE . MEDICAE .
dedicatis , quae recensentur a Joh. Rho-
dio in adnot. ad Scribonium Largum ,
tum ex illo Martialis *l. XI. epig. LXXII.*

Protinus accedunt Medici , MEDI-
CAEQUE recedunt .

⁶ Strabo *lib. VIII.* Pausanias in
Messenicis .

ex una in alteram provinciam, vel etiam civitatem migrantibus, relicto curru, fas quandoque esset in equum conscendere; quod huic mulieri, Medici fama allecdae, & ex patriis laribus ad illum proficiscenti facile potuit evenisse. Equus enim pone illam ephippio instratus, & servus a pedibus, correptis frenis illum detinens satis probabilem efficiunt conjecturam, utrumque in illius esse ministerio, ac famulatu. Sed in re medica quoniam omnis nunc versatur oratio, libet mihi ex medicina alteram etiam conjecturam capere. Quid enim, si dixerō, equum a quadratario fuisse adpositum, ut remedium Feminae, suis temporibus fortasse notissimae, a Medico praescriptum indicaret? Equi vectationem procul dubio nonnullis morbis depellendis aptissimam veteres crediderunt, tum inter exercitia Medicinae Gymnasticae sanitati tuendae accommodata recensuit Mercurialis¹. Stomachi. & ventriculi vitiis, intertrigini atterendae equitationem utilissimam esse, Plinius affirmat²; debili, lassoque corpori equitatione vigorem adjici, Seneca jam praemonuit³, & Caligulam crurum gracilitate laborantem equi vectatione convaluisse, a Svetonio proditur⁴. Itaque incredibile minime est, mulierem hanc, indicta sibi a Medico equitatione, ex his morbis mire, feliciterque evasisse: quae quum pro asserta sibi valetudine monumentum Archiatro ponere vellet, quo aptiori nam modo rem universam declarare, eamque posterorum oculis subjicere poterat? Non abnuerim tamen, equum, servumque ad feminam posse nullatenus pertinere, & Mediastrum hunc nuntium fortasse missum fuisse, ut nomine heri sui, exitiali morbo decumbentis remedia sciscitetur, vel Medicum rogatum venisse, ut ad illum invisendum accedat, & ob id equum vectarium adduxisse. Nisi audax, & generosa esset equi effigies, dubitari etiam posset, num & ἱππιατρός hoc in anaglypto opere exhibeatur. ἱππιατρικὴ apud Graecos sic in pretio habita, ut huic animum, operamque adjungerent non ex infima multitudo homines, sed Medici summa commendatione florentes. Enimvero, ut missum faciam Hippocratis libellum de medicina equaria,

P

qui

¹ De Re Gymn. lib. 111. cap. viii.
Venetiis 1587.

² H. N. lib. xxviii. cap. iv. c. xv.

³ De Tranquill. anim. cap. xv.

⁴ In Calig. cap. 111.

qui, licet exstet inter ipsius genuinos foetus *Tomo x.* edit. Carteri, & *Tomo II.* edit. Vander-Linden, Italice etiam redditus sit a Jordano Russo nobili Calabro, Imperatoris Friderici equorum Magistro, jure tamen dubiae fidei habetur, meritoque ad apocryphos rejicitur; nihilominus rem Veterinariam summo studio excoluisse scimus insignes, doctosque viros Pelagonium, Hieroclem, Abfirtum, Theomnestum, Anatolium, Heumelum, Hemerium, &c. quorum scripta Constantinus Porphyrogenneta sedulo colligi mandavit¹. Sed, quod jam ante denunciavi, de Medico Equario hic nullum indicium. Abeamus ergo hinc, & quia in uno genere plus aequo versati sumus, cetera dispiciamus.

Nullum denique erat symbolum, quo Medica tabernacula aptius distingui, perornarique posset, quam SERPENS, confans, notissimusque apud veteres bonae valetudinis, prosperaeque sanationis index, eamque ob rem non modo Aesculapio Medicorum $\chi\phi\rho\nu\gamma\tilde{\phi}$, & Hygiae salutis Deae comes jugiter datus, sed ab Epidauriis primum, deinde ab alis Graeciae populis, ut Deus cultus, & in publica pecunia $\Sigma\Omega\Theta\text{P}$ appellatus. Porro quum in ANTIQVITATIBVS CVPRENSIBVS causas ex Hygino, & Theodoro recensuerim, ob quos Ethnica antiquitas hanc salutis indicationem Serpenti definite adjudicavit²; si id mihi tribuitur auctoritatis, libellum hunc adiri volo, ne quae cum multis splendidius³, tum a me ipso copiose explicata sunt, ite-

rato

¹ Latine vertit Johannes Ruellius, ediditque in *fol. Basileae 1530*. Quibus adnectendi Georgii Simonis Winteri libri, *de Re Equaria*, *Norimbergae 1672*. & *Hippiater expertus, seu de Medicina Equaria*, *Ibidem 1676*. In latinis, praeter Vegetium, scriptores *de Re Rustica* Columella, Varro, Palladius nonnihil de equis flectendis, edomandis, medendisque observarunt. Artem hanc universam per hoc tempus, ingenuo quodam liberalique studio ductus, plurimum illustravit, auxitque suis de re veterinaria, & Hippiatrica libris Comes Franciscus Bonzius Patritius Ariminensis.

² *Delle Antichità di Ripatransone Dissert. 5.1v. Venezia 1742*. Opus hoc in latinum transmissum, retractatus,

& insigniter auctum propediem, adspirante Deo, praelo excudendum trademus.

³ Praeter Trifanum, Spanhemium, Bonarrotium in explicatione, numerorum Commodi, Antonini Pii, Nicaeensis &c. multa in hanc rem egregie scripsere Claudius Groleus de Boze, olim Regiae nostrae Academiae ornamentum: *Dissertation sur le culte que les Anciens ont rendu a la Déesse de la Santé; à Paris 1705*, quam latine versam edidit Christoph. Wolterekius in *Eieid. Rei nummariae*, *Hamburgi 1709*. Guillelmus Musgrave de *Dea salute*, *Oxonii 1716*. Polycarpus Leyserus de *salute Augusti ex nummis*, *Helmstadtii 1723*.

yato proferre reprehendar. Illud tamen si perquisiveris, cur sculptor serpentem arbori in spiras circumvolutum expresserit, dicam, ex veterum fabularum praescriptione id recte fecisse, & ipsius Epidaurii anguis simulacrum hoc loco reddere voluisse. Etenim Valerius Maximus describens Romanorum Legatos, qui civitate pestilentia triennio vexata in Peloponnesum concesserant, ut pro Reipub. salute Aesculapii exposcerent oracula, tandemque anno V. C. CDLXII. ex Epidauro reverterunt, sic testatur. *Prosperam emensi navigationem, postquam Antium appulerunt, Anguis, qui ubique in navigio remanserat, prolapsus in vestibulo Aedis Aesculapii, myrto frequentibus ramis diffusae, super eminentem excelsae altitudinis palmam circumdedit*¹: quo ostento Romanis sanitatem denunciare creditus est. Ita solers, huiusque tam obfirmatae opinionis non ignarus artifex, nullo potius emblemate significare se posse putavit, in ea officina ab Archiatro scientissimo morbos depelli, viresque infirmis restitui, quam si anguem Epidauri eo ipso gestu effingeret, quo Latio in litore Quirites in bonam spem erexit.

Primam huiusmodi Ὀφιολαβείας originem si scrutari velimus, & quod est probabilius, eruere conemur, tres praecipue numerantur a Joh. Christiano Kochio in eleganti, pereruditoque libro *de Cultu Serpentum*² scriptorum sententiae, qui eam ex diversis prorsus accersunt principiis. A serpente primorum hominum seductore, & Protoplastorum lapsu serpentum cultum nonnulli repetendum existimant, Clementis Alexandrini potissimum filii auctoritate, provocantque ad serpentem in Orgiis mysticum, suetamque furibundorum hominum vociferationem, *EVOEA*, quam de nomine *EVAE* primae mortalium matris ductam opinantur. Quam quidem sententiam non ita absurde prolatam censuit Begerus³. Fieri tamen vix posse, ut doctioribus ea probetur, animadvertit Potterus ad Clementem Alexandrinum. Siquidem *EVAE* nomen non solum adspirationem apud Graecos sibi deposcit, sed etiam, Hesychio teste, *Ἐὐὰ* est

P 2

ὄφις

¹ Memorabilium exemplorum lib. 1. pentum apud antiquos cap. 1. Secl. 11. cap. VIII. §. 2. Edit. Cantellii. Parisiis 1679. *Opsequi. Lipsiae 1718.*

² Dissertatio Theologico Historico Philologica Litteraria de cultu Serpentis Græc.

ὄλισσος ὑπὸ ἰσδάων, qua herba, ut est in fabulis, Bacchus coronatus est¹. Adde huc, quod nondum idoneis, perspicuisque argumentis evictum est, Ethnicos notitiam habuisse de primaeva mali labe, criminisque contagione, quae omne corripuit humanum genus. Si enim illis perspectum fuisset; quanto aerumnarum cumulo diabolus, serpentis induens formam, Adami propaginem oneraverat, serpentes magis execrassent, quam divinis affecissent honoribus. In eo autem omnes consentiunt, fausti omnis veteres in hanc superstitionem concessisse, & ne scio quid boni in anguibz latere sibi semper persuasisse. Altera sententia est Ricardi Meadii, qui in libro *de Venenis*² pro certo statuit, antiquos credidisse, serpentes unice a Divina Nemese in poenam hominum productos, eosque, ne veneno, morfuve nocerent, coluisse, sacrisque placasse: quae si vera sunt, metus ergo serpentes Deos fecit. At quominus Meadio assentiamur, nos dehortatur, quod veteres nequaquam sibi ab anguibz metuerent, sed cum his potius fallendi causa luserint, nec tam ad avertenda mala, quam ad bona impetranda Deos sub serpentum forma finxerint. Nonne ut BONI GENTI domi libentissime excepti, sedulo innutriti, blanditiisque omnibus allecti? Sunt haec tam acri judicio, tantaque doctrinae ubertate a viro summo Johanne Lamio disputata, ut plura dicendi cuivis praereptus sit locus³. Itaque illorum potius commendanda, amplexandaque sententia, qui huius cultus primordia verosimilius a *Serpente Aeneo* Dei jussu, a Mose erecto derivant. In his sunt Joh. Gerardus Vossius⁴, Huetius⁵, Philip. Camerarius⁶, Cel-

larius

¹ *V. Aëla Eraditor. Lipsiens. Anno 1717. Martii & Kochium l. c.* Si quod unquam veteratorii draconis indicium in profanis antiquitatibus quaerendum, illud potius in Serpente Hesperidum custode subluere autumat Huetius in *Demonstratione Evangelica Prop. 14*. Re enim vera in nummis Antonini Pii Gazae Gallorum, Getae Gazae Christinae Augustae, Tarsensium in honorem Gordiani Gazae Mediceae serpens arbori pomiferae vinctus, ac circumplicatus visitur, Hercule mala decerpere conante. At num omnes omnino fabulas ex Sacris literis repetere fas sit, quod Huetio,

multisque aliis placeat, anceps adhuc; incertaque res est; nec depravatae Ethnicorum opiniones semper cum his, quae divinitatis instinctu acciderunt, adamussim, vereque respondent.

² *Exercit. 1. inter opp. Paris. 1751.*

³ *Dissertazione sopra i serpenti sacri. Saggi dell' Accademia di Cortona Tom. IV. Roma 1743.*

⁴ *De Theologia Gentilium lib. 11. cap. 11. Amstelodami 1695.*

⁵ *Concordia Rationis, & fidei l. II. cap. 111. Parisii 1693.*

⁶ *Her. Subcisiv. centur. II. cap. 12. Francofurti 1658.*

larius¹, De Boze², quibus probabilius visum est, Ethnicos pro incredibili, quo tenebantur verae, castaeque Religionis imitandae studio, Serpentem Epidaurium Deum salutarem, morborum Averruncum, Sospitatoremque excogitasse, & arbori impo-
suisse, quod in divinis libris legerint, Deo immortalis monente, excitatum olim, perticaeque suprapositum a Judaici populi ductore serpentem, homines jam jam in deserto interituros mira celeritate perfanasse. In quo tamen fieri minime potest, quin & ego dementissimam Marshami imprudentiam, vel impietatem potius detester, qui in Chronico Canone ait, Mo-
sen in castris Israelitarum ad exemplum praestigiarum, quas in Aegypto con-
didicerat, serpentem aeneum excitasse, quo *igneos incantabat*³. Quam improbe, quamque absurde Moli calumnia haec instruat-
ur, supervacaneum est pluribus docere, quum non ab *'Ophodô-
xiis* modo, sed ab ipsis Catholici nominis osoribus Wittsio⁴,
Deilingio⁵, Vitringa⁶, Kochio⁷ sit illa validissime explosa. Nam quicquid in deserto praestitum legimus in languentis populi
sanationem, non factum certe excantatione, a qua, Deo severis-
sime interdicante, Israel abhorrebat, sed expresso Dei mandato;
non malis diaboli artibus, sed divina omnipotentia, piis Mosis
precibus sollicitata; non ducto ab Aegyptiis superstitionibus
exemplo, sed in typum venerandi, salutarisque ligni Crucis, in
quam sublatus Dei filius humanae naturae ruinas virtute sua ful-
sit, & a crudelissimo, miserrimoque interitu perditam gentem
eripuit⁸. Veram igitur, absolutamque causam aperuimus, qua-
re ser-

¹ *Orig. & Antiquit. Medic. Dissert. Academicar. Parte 2. §.*

² Loco supra indicato.

³ *Saec. 12. pag. 144. Londini 1672.*

⁴ *Aegyptiaca lib. 1. cap. 12. Herbo-
niae Nassoriarum 1717.*

⁵ *Observ. Sacr. Part. II. pag. 157. Lipsiae 1720.*

⁶ *Observ. Sacr. Part. II. cap. 21. Frenequeriae 1722.*

⁷ In libro paullo ante memorato
Jes. II. §. 12. x. §. c. ubi quae huc
facere possunt, propemodum omnia à

Kochio indicantur, qui & duas laudat
Dissertationes argumento consonas,
alteram Georgii Meibii *de Serpente
aeneo*, Lipsiae 1686., alteram M. Hen-
rici Scarbani *de Serpente aeneo signi-
ficatione Mystica*. Lubecae 1714.

⁸ Vnus omnium est Ecclesiae tum
Graecae, cum Latinae Patrum sen-
sus, Crucem in hoc serpente fuisse
divinitus praefiguratam. V. Grets-
erum *de Cruce lib. 1. cap. XLV. Ingol-
stadii 1616.* Altera de Serpente aeneo
in Catholicos a Prædæuxio conflat
ca-

re serpens Epidaurius medicae praesit tabernae, & unde haec opinio ad Ethnicos deducta sit, liquido evicimus; singulas idcirco pulcherrimi, elegantisque nostri marmoris partes nitide, diserteque nos explicasse confidimus.

Si vero cujusnam memoriae positum, dedicatumque illud fuerit, libeat postremo loco pervestigare, multae sane affulgent conjecturae, ut Archagathi nominis celebrandi causa a Peloponnesibus monumentum hoc excitatum non immerito credamus. Nam quum ex Peloponneso Venetias, ut diximus, devectum fuerit, atque illustis cujusdam Archiatri imaginem, factaque referat, quis prae Archagatho in tota provincia occurreret, cui potius tribuatur? Insignem ille fecerat virtutem, peritiamque suam non modo Graeciae universae, sed etiam populo Rom. a quo propterea tanta cum dignitate, & honorum amplitudine in Urbem rerum dominam accitus fuit¹. Primae illi in medicina partes sic tribuebantur, ut ad eum curationis ergo undique confluerent aegroti, atque a popularibus suis velut homo e coelo delapsus crederetur. Tum in arte urendi, secandique adeo fuit audens, peritus, & dexter, ut Quirites in magnam admirationem traduxerit². Quid igitur probabilius, quam Peloponnesenses ad perennandam conterranei sui celeberrimi famam, a cujus doctrina, virtuteque tantum splendoris acceperant, hanc tabulam decrevisse, in qua illius effigies, facultas, maximaque apud suos gratia marmori consignata immortalitati commendaretur? Praefertim quum illustrium Medicorum memoriae conservandae, & gentium cultus erga illos testificandi gratia, non sculpta marmora tantummodo, sed

calumnia; quae quidem & biceps est. Scribit nimirum in Historia Populi Judaici lib. 1. bonos Mediolanenses duplici teneri superstitione, ut Serpentem quemdam aeneum in Basilica S. Ambrosii adservatum, eundem esse credant, quem Moses in deserto conspici fecerat, atque huic religiosum cultum adhibeant. Tot mendacia, quot verba. Haec cordatis viris numquam insedit opinio, nec veneratio ulla, cultusque species ab Ecclesia Mediolanensi Serpenti praestita.

Verumque sulus demonstravit nuperime P. Joseph Allegranza O. P. *Spiegazione, e riflessione sopra alcuni sacri Monumenti antichi di Milano. Dissert. v. e vi. Milano 1757.* Quod si in imbecillum animos levis, vana, vel deridicula de hoc serpente aliquando irrepit sententia; praeterquam quod fuit illa ab optimis Pontificibus damnata, quis umquam ex vulgi judicio id genus controversias putabit esse aestimandas?

¹ V. pag. 94.

² Plinius ubi supra.

sed multo ampliores honoris significationes decretas, statutaeque probe teneamus. Duo mihi ex omni antiquitate prodeant testes veritatis, quos olim doctae Athenae elegantiorum artium inventrices summo loco habuerunt. Quid Aristomacho poterat splendidius accidisse, cui ob singularem, eximiamque in arte medica peritiam ab Atheniensibus *Herois* nomen impositum¹, & Fanum exstructum fuisse Demosthenes dixit, quum de Aeschinini parente loqueretur: *διδάσκων δ' ὁ πατὴρ γράμματα, ὡς ἰγὰ πρεσβυτέρων ἀκούω, τὸς τῷ τῷ ἩΡΩΟΣ τῷ Ἰατρῷ, docens ejus pater litteras, ut ego a majoribus natu audio, ad Herois Medici fanum*²? Quid Toxaridis laudibus addi potest, de quo uno Lucianus scriptum reliquit: *Ἀθανήσιν ἀπέθανε. καὶ μετ' ἡ πολὺ καὶ Ἡρώς ἰδοξε, καὶ ἐντέμνευσιν αὐτῷ Σίτην Ἰατρῷ οἱ Ἀθηναῖοι; Athenis diem obiit ultimum, & non multo post Heros habitus: sacraque huc Medico peregrino Athenienses faciunt*³? At si in praestantibus ingeniis augustum quiddam est, quod eminet, quod excellit, quod apud seros etiam nepotes nominis immortalitatem illis conciliat; adeptam a te jamdudum acerrimo judicio, solida eruditione, diuturnisque laboribus famae celebritatem, RONCALLE PRABANTISSIME, nulla certe dies, nullaue temporum vetustas oblivione delebit. Atque amplissima, nobilisque

BRIXIA *Cenomanae princeps, & gloria gentis,*

licet vivis in omni disciplinarum genere excultissimis abundans, tuo nomini perpetuum devota, ex hominum mentibus evanescere.

¹ Heroes dicti sunt a veteribus viri illustres, qui mortales quum essent, rerum tamen a se gestarum magnitudine quam proxime ad Deos accessisse videbantur, eamque apud vulgus opinionem emeruerunt, ut post mortem in Deorum numerum relati crederentur. Hinc procudubio repetenda causa, cur Aristomachus *Heros* sit dictus. Nam quum coelestis quaedam virtus medicina putaretur, qui eam bene, fortunateque exercerent, Diis pene si-

miles habebantur. Quare minus probatur plane incerta cujusdam opinio apud Meursium. (*Athenae Atticae lib. III. cap. 1. in Thes. Gronov. T. IV.*), qui a corporis proceritate hoc Aristomacho agnomen tum adhaesisse scribit.

² De falsa legatione. *Baileae 1572. edit. Wolfii*. Sequor peritiorum auctoritatem, qui post verbo *πί τῷ*, subaudiri oportere existimant, 101.

³ In *Segtha*.

scere, aut elabi numquam patietur, non tam divina medendi arte, quemadmodum in Peloponneso Archagathus, & Athenis Aristomachus, atque Toxaris, concivibus te plurimum profuisse, quam optimarum litterarum, imprimisque Antiquitatis, REIQUE NUMMARIÆ studia, te auctore, in florentissima urbe patria mirifice adolevisse. Ita fiet, ut omnis posteritas ingenii, sapientiae, laudumque tuarum non immemor illud de te merito usurpet, quod de L. Attilio a Cicerone dictum legimus: *scimus apud Patres nostros sapientem fuisse appellatum* ¹.

Verum quia futurum non dubito, ut dicax illud, & fastidiosum hominum genus, cui nihil uspiam, nisi quod suum est, probari solet, levem hunc vigiliarum mearum fructum, quem, te rogante, in lucem apparere permitto, carpere velit, reprehendere, vituperare, dictitetque, non tantum studium, tamque multam operam in his rebus, quae sola quandoque conjectura prospiciuntur, esse ponendam; hos ego maledicos politionum artium otores ridendos potius, quam refellendos censeo, quum videam has ipsas litteras majores nostros doctissimos in eo pretio, ac honore semper habuisse, ut in ipsis maximum vitae ornamentum, ac summum Reipb. bonum situm esse putarent; ad illas acquirendas omni ope sibi enitendum crederent, parandaeque eruditioni tam singulari amore, ardentique studio insudarent. Quod si alterum fortasse mihi regerere instituent crimen, quod a se amoliri Tullius ipse satagebat initio librorum de finibus, ubi illud habet: *postremo aliquos futuros suspicor, qui me ad alias litteras vocent, & genus hoc scribendi, etsi sit elegans, personae tamen, & dignitatis esse negent* ²; nempe si exprobabunt, inania haec studia a nobis, qui in sortem Aaron vocati sumus, sacroque fungimur ministerio, esse repudianda, & profana profanis concedenda: his ego iniquissimis censoribus ad hanc invidiam levandam, omnemque de his litteris vituperationem tollendam, sanctissimum Theologum Gregorium Nazianzenum objiciam, cujus est magnifica illa, & digna sapiente sententia, quae rem universam conficiet, eademque nostrae scriptioni terminum dabit. *Οἶμαι ὅτι πᾶσιν ἂν ὁμολογήθαι τὸν εὐὲν ἔχοντ' παιδῶσιν ὅτι παρ' ἡμῖν ἀγαθὸν εἶναι τὸ ἀπὸ*

¹ De Seneca cap. xviii.

² De Fin. lib. i.

αὐτὸν, ἢ πῦρ μόνῳ τῷ ἀγαστέρα, ἢ ἡμῖν. ἢ πᾶν τὸ
 ἐν λόγοις κόμψον, ἢ φιλότιμον ἀτιμάζουσα, μόνῃς ἔχον) ἢ σω-
 πείας, καὶ τῇ κάλλος ἡρώμενων, ἀλλὰ καὶ τῷ ἔξωθεν ἡμῶν οἱ
 πολλοὶ Χρυσίου ἀπύουσι, ὡς ἐπίβουλον καὶ σφαλερὰν, καὶ
 Θεῷ πορρωτάτω βαλῶσαν, κακῶς εἰδότες . . . ἡμῶν ἀτιμάσιον τῷ
 παιδίδει, ὅτι πῦρ δοκεῖ τισὶν, ἀλλὰ σκαλοῖς, καὶ ἀπαιδύτοις
 ὑποληπτόν πῦρ ἡμῶν ἔχοντες. Arbitror, inter omnes sanæ mentis
 homines consfrare, eruditionem inter mortalium bona principem
 locum tenere, & non de hac nostra (sacra) tantum loquor, quæ,
 spreta omni sermonis venustate, atque ornatu, unice saluti, &
 earum rerum, quæ ratione, & animo intelliguntur, pulchritudini
 arctissime hæret, sed etiam de externa, quam plerique Christiani
 pravo quodam judicio, ut insidiosam, & periculosam, quasique a
 Deo avertentem aspernantur. Non igitur eruditio contemnenda est,
 quod ita quibusdam videatur; quin potius stulti, & imperiti habendi
 sunt, qui hoc existimant¹.

Q

¹ Orat. xx. de Laud. Basilii Magni. Parisi 1609.

Τ Ε Λ Ο Σ .





SINGVLARVM SECTIONVM

ΑΝΑΚΕΦΑΛΑΙΩΣΙΣ.

SECTIO PRIMA.

Historiae, & rei nummariae studia omnino copulanda. Nummi III. viri Marci Antonii Romanis antiquitatibus explicandis quantum luminis suppedient. Legionarius explicandus suscipitur. Argumenta indicantur harum observationum. Quibus attexenda anaglyphi Medici interpretatio proponitur. Honores Archiatris olim decreti.

pag. 5.

SECTIO SECUNDA.

Nummi Antonii adulterini, aut ex impuro metallo. Locus Plinii eo pertinens. Pseudonummis dignoscendis plurima accuratio adhibenda. De nota numerali nostro affixa. Pugnatum olim a Romanis exiguo numero Legionum. TRICESIMAE laudes ex marmoribus litteratis. VLPia cur, & quandiu dicta. An etiam TRAJANA nuncupata.

pag. 10.

SECTIO TERTIA.

Robortellum fortasse primum Dionis testimonium de veteri legionum numero perverse sollicitasse. Tacitus perperam ad eundem elevandum adductus. Varia Appiani loca de legionibus transstricesimis explicantur, ac conferuntur. Inter Antonianas xxxv. recensenda. TRICESIMAM eisdem adjungendam, ex Paterculo colligitur. Dictorum consecutaria.

pag. 14.

SECTIO QUARTA.

Aquila insigne Legionum in nummis Antonii. Cur is triremem in eisdem costanter exculpi fecerit. Quae a Plutarcho de M. A. & Cleopatra perhibentur, minime poetica esse, sed cum numismatum typis omnino convenire. Navem illam Praetoriam esse, consulatque velis, malisque destitutam repraesentari, ex Herodoto, Tacito, Polyaeo, Xenophonte, Livioque evincitur.

pag. 20.

SECTIO QUINTA.

Num Antonianae classis triremes, quales in nummo comparent. παράβασις de navium bellicarum structura. Vetus systema de remigum oraminibus ἀνωτέροις, καὶ κατωτέροις cum antiqui monumentis, prae omnibus, cohaerens. Hinc demonstrando aereus Caranjii num-

Q 4

mus

mus anecdotus , & Pictura domus Augg. ex Cod. Vaticano in conspectum producitur . Eidem omnino suffragari Lucani , Vegetii , Pansaniae , Arriani , aliorumque veterum scriptorum locutiones . Silius Italicus perperam a nonnullis explicatus . Ingentes naues a Syriae , aut Macedoniae Regibus instructae , an systema illud excludant . pag. 25.

SECTIO SEXTA .

Quare Herculeae emblemata in nummis M. Antonii Consularibus tam frequenter occurrant . Dignitates , quas Antonius in Republica est consequutus . De illius Auguratu , quem sic ambitiose retinuit . Characteres illi AVG. nostro denario inscripti , perverse a Larreio explicati . Supposititius nummus de Antonii Auguratu ab Oiselio productus . Cetera auguris symbola in Antonianis nummis indicantur . Alia Sacerdotia M. A. obtinuisse , ostenditur , sed Dianae Ephesiae Flaminem fuisse , negatur . De usu , & valore hujus nostri nummi inquiritur . Pro diurno militum legionariorum stipendio fuisse cusum , & decem assibus permutatum , probatur .

pag. 36.

SECTIO SEPTIMA .

Nummorum aestimandorum scientiam exercitatione , usuque potius , quam varietate litterarum comparari . Nuperi Aristotelis , Bianctis , Artemisiae , Scipionis nummi a viris doctis genuini , & antiqui crediti . Sylloge aliquot argenteorum , qui saeculo xvi. in eadem officina percussi . De nummo Homeri musei Farnesiani . Ementiti alii Graecorum heroum . Historia nummi Graeci M. T. Ciceronis ex Cod. Vaticano commercij epistolici Fulvii Vrsini attingitur . Latinus a Lambecio editus quanta labore suspicione . Alius ex museo Oliverio nitidissimi operis , cujus diagramma exhibetur .

pag. 46.

SECTIO OCTAVA .

Aurei , ut vocant , Metalliones qua aetate cudi coeperint . Hallucinatio , quae hac in re Clariss. Gorio excidit . Weidneri error indicatur . Numisma ἀδοξίμων ΠΑΦΑΝΕΩΤΩΝ uni Chamillardo , & Harduino probatum . Martinii commentum de Messeniorum imperio , & Jovis Irbomatii sacris . Duo pseudonummi Constantiani ab Hekeio illustrati . Goezius deceptus ab insitito Aquilae sigillo in nummo Germanici . Quid nummus Domitiani , ab Obre-

tho

*Et*ho Isacus nuncupatus. Vanæ quaedam, futesque Eccardi ad nummos Latinos observationes recensentur, ac refutantur. Massiliensium, Istriensium, Hadriani nummi Graeci ab eodem perperam MARCO ANTONIO, Tyro, & Augusto attributi. Corollarium. pag. 56.

SECTIO NONA.

Varia antiquariorum judicia de Tetragonis incusis, quae in vetustissimis Graecarum urbium nummis visuntur. Wildii, Begeri, Witzlebenii, aliorumque opinio rejecta. Recens de illis Cl. Barthelemy systema proponitur, fusius explicatur, novisque argumentis constabatur. Praestantiora quaedam numismata anecdota ex lectissimo museo Marchionis Ant. Savorgnani cavo quadriformi signata proferuntur, & illustrantur. Actum omnium fortunarum, laudumque MARCO ANTONIO terminus. Nomen ipsius & publicis monumentis quandam erasum. Medici prae ceteris jamdudum antiquitatibus colligendis, interpretandisque dediti.

pag. 65.

SECTIO DECIMA, ET ULTIMA.

ΠΑΡΕΚΒΑΣΙΣ de tabula anaglypta Peloponnesi. In ea Medicum Selularium repraesentari. Medicos olim apud Graecos, & Romanos in taberna, qui curationis causa venirent, expectasse, Antiphontis, & Archagathi praesertim exemplo probatur. Verus controversia de medicorum conditione denuo inter Meadium, & Middletonium exagitata. Schlaegeri, & la Mothe de ea judicium. Scientiae medicinali vacasse viros tum publicis officiis illustres, cum politioribus litteris apprime excultos. Vtramque medicinae partem κατηχητικὴν, καὶ διευρητικὴν eosdemmet homines quandoque exercuisse, Pindari, Xenophontis, aliorumque testimonio ostenditur. Veteres Jurisconsulti ad eam rem testes acciti. De veste medica, deque sella, & hipopodio. Pictura codicis Dioscoridiani Medicorum concilium referens. Ferramenta chirurgica diptycho penfili inserta ex Medicorum priscorum doctrina illustrantur. De ministro πικρυνταίης insignis Olympiodori locus. Mulier stolata quamobrem a quadratario heic expressa. Quorsum spectet equus cum manuductore. An vir sedens fortasse etiam ἱππιατρός? Medicinae equariae apud antiquos existimatio, & scriptores. Serpens Epidaurius arbori circumvolutus aptissimum tabernae medicae in-

cae insigne, & symbolum. 'Οφιολαρpeία ab Ethnicis ex historia
 Judaica perverse ducta. Marshami calumnia de Serpente aeneo de-
 pulsa. Archiatris templa, & sacrificia decreta, quum essent inter
 Heroas annumerati, Aristomacchi, & Toxaridis exemplo docetur.
 Operis conclusio. pag. 90.



I M P R I M A T U R,
Si videbitur Reverendissimo Patri Magistro Sacri Pal.
Apostolici.

F.M. de Rubeis Patriarcha Const. Vicefg.

I M P R I M A T U R
Fr. Vincentius Elena Ord. Præd. Reverendiss. P. Mag.
Sacr. Pal. Apost. Soc.

4AG 2013705

1. The first part of the paper is devoted to a general discussion of the problem of the existence of solutions of the system of equations (1) for arbitrary values of the parameters α and β . It is shown that the system of equations (1) has solutions for arbitrary values of the parameters α and β if and only if the condition $\alpha + \beta = 1$ is satisfied. In this case the solutions of the system of equations (1) are given by the formulas

PVTEVS SACER.

